

BIBLIOTECA NAZ.
Vittorio Emanuele II

LVIII

C

8

NAPOLI

LVIII

C

8



VER 3 18

1877



DE VERA
C. PLINI SECVNDI
SVPERIORIS PATRIA
ATQ. BA VERONA
Libri Tres.

QVIBVS PAVLI CIGALINI MED. NOVOCOMENSIS,
& aliorum contraria sententia confutatur.

POLYCARPO PALERMO IVRISC. VERON.
ACADEMICO PHILARMONICO
AVCTORE.



VERONÆ,
Ex Officina Tamiana. clō lō c viij.
Superiorum consensu.

THE NEW YORK

LIBRARY OF THE

NEW YORK

LIBRARY OF THE

NEW YORK

LIBRARY OF THE

NEW YORK

LIBRARY OF THE

NEW YORK

LIBRARY OF THE

NEW YORK

LIBRARY OF THE

NEW YORK

LIBRARY OF THE

NEW YORK

LIBRARY OF THE

HIERONYMO NOVARINO,

E T

LYCVRGO SPOLVERINO

IVRISCONSULTIS CLARISS.

VERONÆ DVVMVIRIS.

POLTICARPVS PALERMVS I.C. VERONENSIS

S. D.



N vobis tandem (Duumviri Præclarissimi) C. PLINIUS noster opemē servatus, & è manibus Comensum, qui illum nobis eripiebant, assertore calamo vindicatus, in lucem prodit; quamquam verò hoc ipsum opus diu desideratum esse videam, adhuc tamen vereor ne potius præcox, immaturusque fetus, quàm iustus, absolutusque parvus videatur: dum enim illius editionem in longum differo, quò perfectius, & limatius prodiret, illam ut immaturā, ac fortasse etiā præcipiti festinatione accelerarem, iam nimis cōcitus Comensum, moræq; impatiens animus, qui Plinio nobis adimendo totus inhiat, nec aliud iamdudum meditatur, effecit: quos cum viderem istæc sua figmenta non solum per totam Italiam (diuersis libellis infra sex annos proximos subinde editis,) latè, breuiq; tempore circumtulisse, verum etiam Germaniam, & alias Transalpinas prouincias

continuo literarum omnium prouentu, & ingeniorum
feracissimas eisdē ceu labe quadam, vel potius fascino,
contaminare voluisse, excusā præsertim, illis curanti-
bus, nuperrimè Francofurti vnā cum Plinij nostri li-
bris de Naturali historiā quadam Pauli Cigalini me-
dicij Comensis oratione, (vt ab amicis audio,) quā
veram illius Patriam Comum fuisse acutè magis disse-
rit, quā verè probat, minimè tutum esse ratus, nec
è Patriæ dignitate amplius cunctari, & libellorū meo-
rum, quos iamdudum conscriptos paulatim recense-
bam, editionem longius suppressere, ad illam quam-
quā inuitus festinanter accessi, ne vel tam effusa
licentia vltèrius impunè vagaretur, vel saltem vt no-
stris rationibus, ceu moly quodam degustatis, qui-
cumq; fortasse tam noxijs veneficijs tenebantur, sa-
lutari remedio opportunè sanarentur. Vobis autem
ante alios opus hoc meum inscriptum esse decuit, quia
tam præclarus ciuis suæ Patriæ, suæ Veronæ seruatus
vt gratulabundus ad illos primū accederet æquum
erat, quibus totius Reip. summa commissa est, atque
ad eos potissimum, qui ingenij gloriā, summā eloquen-
tiā, & doctrinā variā præstantes, (omitto nobilita-
tem, ac iurisprudentiam, quæ in vtroq; vestrum sum-
ma est) atque ideo illum planè suum ciuem agno-
scentes, statim publico nomine exciperent, ac saluta-
rent, iterumq; de illo post longa sæcula ad Senatum
nostrum referrent; Perbellè verò accidit, & opportu-
nè, vt in hoc præsertim tempus istæ nostrorum librorū
tandiu suppressa editio inciderit, quo Iacobus Moscar-
dus I. C. clarissimus Duumuir designatus crastinis
Kalendis magistratum initurus est, vt inter proximam
Duum-

Duumviralem duorum dignitatem sic emissus æquè
vtriusq; benevolentiam, & fauorem experiatur, resq;
nostræ in trium præstantissimorum hominum præsi-
dio, me nec vidente, firmissimè constituentur. Gran-
diora porro orsa, ac longè vberiore ingenio, stiloque
florente elaborata ab alijs accipite, mihi tantùm satis
est, vt vnum mihi Plinium Verona suum ciuem acce-
ptum ferat, neq; enim minus gloriosum fortasse fuerit
ingenium omnium admirabilissimū, maximumq; Na-
turæ miraculum, suæ tandem Patriæ, & suis veris ci-
uibus constanter, firmèq; asseruisse, quàm in alio argu-
mento fastosam affectatæ doctrinæ speciem inaniter
ostentando inutilem operam posuisse. Valete.
Ex Voloniano meo prid. Kal. Quintil. cId Id c viI,

EX LIBRO SECVNDO ELOGIORVM

FR. POLÆ IVRISC. VERON.

C. PLINIVS SECVNDVS.



ED quo piaculo non replicem hoc loco memoriam C. PLINII SECVNDI, cuius immortale nomen ad decus patriæ nostræ tanto pertinet opere? quem si nec sileam, quonàm merito prædicem testimonio? Pudet profecto me astimantem, quàm cuiuslibet vel discretissimi hominis facundia impar omninò futura sit huic incomparabili scriptori celebrando; cui qui præferatur, nemo à condito ævo reperiri potest. Pro miraculo ergo sit PLINIANI ingenij, & eloquentiæ sublimitas, omnium rerum capax, & explicatrix; quas res vel natura in se habet, vel ars potest efficere. Ille enim totam vim naturæ rerum, & maiestatem, & omnem mortalium excellentiam, industriam, ac solertiam, diuino, & portentoso animi vigore, per omnes earum partes, vel abditissimas, perscrutatus est, atque complexus; eaque omnia admirabili selectorum verborum numero, breuitateq; eruditissimâ posteris diligentissimè patefecit, & accuratè explicauit. Adcò ut mæherculè sine PLINII libris & mundus ipse, quæq; in eo sunt omnia, ignota penitus iacèrent, & obscura: & res ipsa Latina minimè consisteret; muta prorsus alioquin, & elinguis. Meritò igitur Veronenses omnes assurgimus marmoreæ PLINII statuae, quam præfati nostri

nostri genitores olim ei crexerunt; meritò tam eximiâ cer-
tissimi cuius celebritate perfruihur: Quicquid Nouoco-
menses illum nobis semper inuiderint, & surripere teme-
rè contenderint, ineptâ planè sententiâ, & deridiculis
coniecturis; quas, primùm à Benedicte Iouio Etruscè per-
scriptas, mox à Paulo Cigalino eruditâ, perpolitâq; oratio-
ne peroratas, à Basilio denique Paraucino, Italicâ manu,
câq; frigida, & insulsa, in vnum collectas, editas, pu-
gnacissimo spiritu confutauit, & contriuit Polycarpus
Palermus I.C. & Philarmonicus noster; vir quidem in so-
rensi puluere quotidie versatus, sed & omnium politiorum
literarum, antiquitatisq; omnis scientissimus: cuius in hoc
genere libellus, latinè conscriptus, propediem prodibit.

PRÆFATIO

AUCTORIS.



INVISVM mihi semper fuit illud genus hominum, qui nullâ gloriæ cupiditate incensi in se-
gnitiem proui dilabuntur, & ocio ignauissimè torpentes, tanquam ad inertiam, & ad voluptates tantum nati, belluarum more vitam degunt, à quibus illi quoq; parum differre mihi videntur, qui ocio, & ingenio simul abutentes, vel in turpibus, & obscænis, vel in ludicris, & nullius ponderis argumentis tractandis se ipsos occupant, & frustra tempus conterunt; quos enim nullus veræ gloriæ stimulus tangit, illos hominum nomine vix dignos, sed belluis propiores esse existimo; etenim quid à belluarum naturâ distat huiusmodi vitæ ratio? quando per idem vitæ curriculum, ad eandem vitæ metam, homines isti pariter cum ipsis bestiis pari cursu contendunt, & eandem cum illis corporis simul, ac nominis extinctionem sortiuntur? nec verò solum æqualem, sed etiam longè quandoq; deteriore, quantò peius est inhonestam malè actæ vitæ memoriam, quod non sit à bestiis, posteritati relinquere, quàm nullam. Hæc ego dum mecum ipse recolo, sæpissimè autem recolo, nihil vnquam habui antiquius, quàm actiones meas ad rectam rationis normam ita dirigere, vt me & ipsius vitæ nunquam peniteat, & posterorum memoriam, cuius desiderio in primis teneor, non reformi-

A dem:

P R Æ F A T I O.

dem: itaq; quodcumque mihi ocium à forensibus negotijs, & à rei familiaris curâ vnquam superfuit, (cum viderem ex Catonis sententiâ illius quoque rationem reddendam nobis esse) totum illud in ea studia semper conuerti, quæ mihi vtrumq; præstarent, vt scilicet & ad vitam rectè instituendam conducerent, & meam cû aliorum saltem famâ extenderent, & propagarent. Primum igitur ocij mei summam ex ipsâ rerum Veronensium historiâ, cui me iampridem totum addixi, constare volui, illudq; ex eâ potissimum tractandum excerpti, quod nec esset multiplex, nec incuriosum, quodq; nō modo Patriæ gloriâ, & dignitatē respiceret, sed etiâ magis, ac magis assereret, & confirmaret, Patriam scilicet C. Plinij Secundi superioris, illius inquam Plinij, quem tãti est inter suos ciues cōnumerare posse, vt operę pretiū duxerint Comenses illius dominium, & possessionē, literario quidē, sed graui, & aperto Marte, inuadere, & nos in eâ quāquam vetustissimâ, & doctorū penē omniū iudicio cōfirmatâ, ipso etiâ inuito, & reclamâte turbare: classicū illis Basilio Parauicino postremo illorū scriptore, post Benedictum Iouium, magnâ animi confidentiâ præcinente, & nos ad prælium magis, quâ ad scribendum laceffente. In hoc autem illud etiam erit mirabile, quod ipse Plinius, quem nos Veronensem fuisse probamus, Comenses verò suum falsò dicunt, Romanum se ferè semper, non externum profitetur; Romanos enim, qui vel armis, vel literis antè sua tempora floruerunt, priscos nostros, vel auos, vel maiores nostros vocat, abauos itidem eos appellat, qui agricolendi præcepta scriptis suis tradiderunt. Item inter Urbis nostræ miracula, idest Romæ, alibi dixit, opidumq;

P R Æ F A T I O.

43

dumque Cyrenaicum conditum anno Urbis nostræ C XLIII, & Catonem obijisse anno Urbis nostræ DCV eodem modo prodidit; quod dicendi genus illi valde familiare est. Leges præterea xij. tabularum nostras pariter vocat, & annales nostros, idest Romanos; alibi verò scripsit, Res in Arabiâ gessimus, idest Romanus exercitus, & nostra maria, quæ ad imperium Romanum spectarent, alicubi vocitavit. Quamquàm verò non ignoro prouinciam à me susceptam aliorum potius humeris, quàm meis conuenire, qui mihi doctrinâ, & ingenio, ac etiam latinè scribendi facultate antecellunt, & lucubrationes meas nec ad Critolai libram examinatas, nec ad Cleantis lucernam euigilatas prodire, abistere tamen incepto nō potui, tū quia mihi de hac re cū olim adolescēs Parauij iurisprudētix operam darem, iocundissima disputatio aliquando fuit cum Petro Antonio Parauicino, & Septimio Cicerio Comensibus Viris clariss. nec minore animi, quā generis nobilitate, sed summâ etiā eruditione præstātibus; tū quia cū lapis ille Plinianus, cuius olim Iacobus Antonius Pantheus, Matthæus Rufus, & alij Veronēses scriptores meminerunt, apud me sit, mutilus, diffusus, & omni iniuriâ labefactatus, quemq; in primis Comenses carpunt, & conuellunt, illius tuendi officium ad alium magis, quàm ad me ipsum spectare, nefas esse duxi; tum demum quia nec omnia quæ ab alijs scripta sunt à me omnino probantur, & multa quæ ab alijs fuere prætermissa, vt mei iuris agnoscerentur effecti. His etiam accessit AVGVSTINI VALERII olim Antistitis nostri, & S. R. E. Cardinalis amplissimi, & doctissimi auctoritas, qui iam quinquennium læso Parauici-

cini libello, atq; hisce meis scriptis (tametsi rudibus, & impolitis) me prælegente auditis, vt illa in publicum ederem, quam diu postea Veronę fuit, hortari nunq; iā desistit. Idem quoq; post illū iā ad superos sublatū multi præstitere, at in primis Aloysius Rodulfus I.C. & Canonicus, M. Antonius Madius, & Aurelius Prandinus. Iurisperiti, & Equites, viri omnes præstantiss. & doctissimi, quorum iudicium vt in omnibus negotijs, ita in his quę ad politiores literas spectant, summum est apud omnes; Ceterum diuersā à Parauicini ratione mihi visum est scribere, ille enim Italicā se linguā, (prout etiam louius fecerat,) de hac materiā disseruisse testatus est, quod facilius ab omnibus etiam indoctis, & latinarum literarum rudibus intelligeretur, ego verò vt ab ijs minimè intelligar, atq; vt in literariā contentione viris tantum doctis, & eruditiss. innotescam, ad quorum arbitrium, & iudicium studia nostra planè conferuntur, quorumque melior pars extra Italiam, & in regionibus longè à nostro cœlo remotis habitat, latinè scribere decreui; atq; ob id etiam potissimum, quia difficillimum mihi videbatur, alio quàm latino sermone, huiusmodi argumentum tractari posse, multis Latinorum, Græcorumq; auctorum testimonijs passim toto opere citatis, Italorum paucis.

Erit igitur susceptę quæstionis argumentum superiorem Plinium Veronensem fuisse, non Comensem, hoc ipsum autem argumentum duobus primis voluminibus expediam, nec dubijs vtriusq; Plinij indicijs, vetustorumq; lapidum fide, ac deniq; eruditissimorum hominum iudicio, & auctoritate comprobabo, in tertio iura ipsa Comensium expendam, & eodem dis-

rendi

rendi genere facillime confutabo: disputationis nostre hæc ratio, hæc summa est. Verùm toto opere iam exacto, & manu iam de tabulâ, vt aiunt, sublatâ, cum nihil aliud restaret, nisi vt propediem typis excudendum traderetur, ecce repente nuntiatur dari operam à Comensibus, vt imprimeretur quædam Pauli Cigalini medici Comensis oratio aliàs Ticini habita, quâ multis argumentis & ipse nititur, vt Plinium de quo agimus, à nobis auertat, & ciuem suis Comensibus adisciscat; quo nuntio allato aliquâ morâ conatus nostri intercepti sunt, neque enim sine magnis Comensium consilijs hæc acta fuisse existimabam, mecum ita statuens, hanc illos artificem dimicandi rationem inijsse, vt post ipsum Parauicinum velitis specie, aut antecursoris alicuius, primò emissum, insignem aliquem bellatorem, atq; ipsum porrò Cigalinum hac suâ oratione suas partes pugnaciter tuentem in nos armarent, atq; ita me, (quem Parauicini libello respondere præseferant,) vel incautum opprimerent, vel grauissimi hominis auctoritate permotum à scribendo deterrerent. Illam igitur iamdudùm editam cum mihi primus omnium vir clariss. & consiliorum meorum non ignarus Iordanus Seraticus Comes tradidisset, auidissimè semel legi, mox iterum, ac sæpius legi, vtque in eâ summum hominis ingenium, nec obscura magnæ eruditionis argumenta sum conspicatus, ita nihil prorsus fuit, quod me à priore sententiâ reuocaret, quamuis enim omnia acutè, multa probabiliter, at singula miro ordine subtilis disputator edisserat, ea tamen esse videbam, quæ facillimè suâ congruâ responsione tollerentur; sic itaq; alacri animo intermissum diu studium reuocaui, & toto opere

opere reuoluto, hisq; suo loco, quàm aptiùs fieri potuit, insertis, quæ ad solutiones argumentorum Cigalini spectabant, tandem scribendi finem feci: ac tanto rerum successu, sicuti mihi persuadeo, vt in posterum Comenses de Plinij Patriâ quæstionem nobis refricantes non simus amplius audituri: Hoc à me Veronæ Patriæ, Veronensibusq; meis hucusque datum: ac licet id quidem parum fortasse videatur, tamen iuuat hæc gloria, quæcumq; est; nam si facilitas argumenti operis amplitudinem minuit, ipsa profectò res tractata (magnus quippe vir, & Dijs ingenio, quàm hominibus similior, suæ Patriæ firmè assertus, ac seruatus) summi cuiusq; operis gloriam, & magnitudinem æquat: maiora porro etiam quæ iamdudum animus molitur, aggredi certum est, ac maiore etiam studio, nec minore forsan ingenij laude, sed hæc aliàs, & cum meis studijs aura secunda publici fauoris adspirauerit: tunc enim demum soluere vt magis opportunum, ita tutissimum fore duco.



DE VERA C. PLINII
SECUNDI SUPERIORIS
PATRIA
ATQUE EA VERONA.

POLYCARPI PALERMI I.C. VERONEN.

Liber Primus.

CAP. I.



PLINIVS Secundus magnus ille
natura Mystes, atque omnium ri-
mator solertissimus, qui immensam
illius fecunditatem, in his etiam
quæ in eius maiestate aliquando
abdita fuerant, & assequi diuino
ingenio potuit, & triginta septem
voluminibus conscriptis admirabili calamo celebravit,
præter alia penè innumera scriptorum monumēta, quæ
non exstant, ex quibus satis gloriæ, certamq; nominis
immortalitatem sibi etiam aliunde comparauerat, na-
tus est Tiberio imperante annū circiter DCCCLXXVI
ab vrbe conditā, à Christi verò sacratiss. natali XXV
Scribit enim minor Plinius illius ex sorore nepos, &
per adoptionem filius, virum hunc clarissimum morta-
litate interceptum vitæ finem impleuisse anno ætatis
suæ sexto supra quinquagesimum, animæ meatibus sul-
furcā, & crassiore caligine ex immenso, & latius præter
solutum effuso Vesuij montis incendio, interclusis spi-
rituq;

a. ep. 5. lib. 3.

a. ep. 16. & 10
lib. 6.

rituque obstructo, dum eò cum Liburnicâ, & quadremib^{us} è Misenenſi claſſe, cui præerat, applicuiſſet, ſu-
viſendi ſtudio, vt quidam credidere, ſeu potius vt im-
minentibus Campaniæ periculis occurreret, terrâ iam
antèa proximè cõtinuis motibus concuſſâ, ſed tum de-
mum adeo illius tremore inualeſcente, vt non moueri
omnia, ſed euerti è ſedibus ſuis crederentur; quod qui-
dem incendium, quo tota vicina regio, & Vrbes cum
hominibus conflagrarunt, è ſummo Veſuij vertice ſub
Tito Veſpaſiano erupit, vt teſtantur ex vetuſtioribus
Suetonius Tranquillus illi ætati proximus, & Oroſi-
us, Dioque, cuius libros maiori ex parte conuulſos, &
truncatos elegâti epitome perſtriçtos nobis Xiphili-
nus conſeruauit, nec non & Sex. Aurelius Viçtor, & Euſe-
bius, de quo etiam Papinius Statiuſ, & Martialis ex
Poëtis meminere: ex recentioribus multi, ſed inter cæ-
teros Vincentiuſ antiſtes Bellouacenſis, Marcus An-
toniuſ Sabellicuſ, Ioânes Cuſpinianuſ, Hieronymuſ
Barduſ, qui tamen Ætnam pro Veſuuiò poſuit, Franciſcuſ
Sanſouinuſ, & Ceſar Baroniuſ S. R. E. Cardina-
liſ ampliſſimuſ, & Eccleſiaſtica hiftoriæ, vt ſupremuſ,
ita omnium ſcriptor grauiffimuſ, & eminentiſſimuſ,
anno ſcilicet primo Olympiadis ducentefimæ decimæ
quintæ, qui fuit primuſ imperij T. Veſpaſiani, eodem
Euſebio auctore, & Vrbiſ conditæ DCCCXXXII
Veſpaſiano patre IX, qui in Conſulatu vitâ functuſ eſt,
& Tito filio VII Conſulibuſ, iuxta Panuinij temporû
rationem, diem etiam tanti viri morte illuſtratum adij-
cerem, ne quid à me curioſa ingenia deſiderarent, niſi
me codicum inconstantia in epiſtolâ minoris Plinij ad
Tacituſ ſuſpenſum teneret, in quorum altero dicitur

b. in Tito c. 8.
c. lib. 7. cap. 9.
d. in Tito.

e. in Tito.
f. in chronico
g. lib. 5. Silu.
in epiced. in
patrem.
h. epigr. 114.
lib. 1.
i. in ſpecul.
hiftorial. lib.
10 c. 9.
k. lib. 4. En-
nead. 7.
l. in cõment.
in Coſſ. Caſ-
ſ. d. in Tito.
m. in chrono-
logia.
n. in chrono-
logia.
o. in ſynal.
Eccleſiaſt.

p. ep. 16. lib. 6.

VIII. Kal. Septemb. in altero verò III. Non. Nouemb,
illum obiisse, postridie scilicet quàm à Miseno soluiisset.
quamobrem si ab isto Vesuij incendio seriem annorù
sex, & quinquaginta illius vitæ retro agemus, necesse
est, vt eius natalem in annum supradictum, siue illi
proximum, conferamus; Puerum sanè impuberem,
& peradolescensulum Roma vidit, & peregrinum
excepit; eò scilicet vel à parentibus, vel à suis addu-
ctum; hoc enim inter cetera laudabile institutum an-
tiquorum fuit, tam florente Republ. quàm Imperio,
(sub quo præsertim Romanæ Ciuitatis ius latissimè
fuerat propagatum) vt pueri ciues Romani ingentis
spiritus, & altæ indolis è suis municipijs, & colonijs
Romam ducerentur, vt ibi studijs, & honestis discipli-
nis vitam ab adolescentiâ instituerent, gratiamq; po-
tentionum ciuium vel ingenio, vel militiæ sudoribus
demerent, & suam quisque fortunam in Vibe
omnium Principe, & totius Orbis Regiâ, seu potius
compendio, vt inquit^a Athenæus, experiretur. Hac
ratione^b M. Cato Porciæ familiæ princeps Tusculo
Romam migravit, vt qui nomen suū ignobile aliquan-
do in patriâ gesserat, Romæ nobilissimum redderet;
Eadem ratione^c C. Marius, vbi primùm ætas militiæ
patiens fuit, Romam se è suo municipio contulit, vbi
septies Consul, triumphatorq; gloriosissimus ex ara-
tore Arpinate factus, omnium sui sæculi maximus im-
petator extitisset, si Barbarorum excidio destinatam
virtutem à ciuili tantùm sanguine reuocasset. Inde etiâ
M. Tullium Ciceronem adolescentem à^d patre Româ
ductum, & incomparabilis eloquentiæ palman adeptum,
consulatus non erubuit; ^e Q. quoq; Sertorium im-
perato-

a. lib. 1. c. 19.
Dipnosoph.
b. Val. Max.
lib. 3. c. 4.

c. Sallust. de
bell. iug. Flu-
tach. in Ma-
rio.

d. Cic. in Le-
lio.

e. Plutarch. in
Sertor.

peratorem clarissimum, cuius exitio feralis illa fax Syllanæ proscriptionis exstincta est, non Romanum, sed Nursiæ Sabinorum oppidi ciuem agnoscimus, ^a Sallustium Amiterni, ^b Cornelium Balbum, qui etiam Consul fuit, è Gadibus Hispanum; omitto alios propè innumeros, qui Romam ab suis ablegati, & viris Principibus grati dignitate, & gloriâ floruerunt, ne in re omnibus notissima frustra insistam. Nunc qua ætate noſter Plinius Romæ vixerit videamus, ibique quid egerit, viderit, aut scripserit, sui ipsius testimonio magis, quàm aliorum indicio, ostendamus. In primis igitur certum est, Ap. Iunium, & P. Silium Consules **ÆVO**
^{d lib. 8. c. 40.} **SVO** fuisse, ut ^c ipse prodit anno scilicet Urb. Conditiæ **DCCLXXXI**, & **XV** Tiberij Principatus; à **SE VISVM** etiam Q. Servilium Nonianum Consulem
^{d lib. 37. c. 6.} idem ^d Plinius testatur, sub eodem Principe, anno
^{e lib. 23. c. 14} **DCCLXXXVIII**, nec non & ^c Sex. Papinium Consulem, anno **DCCLXXXVIII**, quo tempore Plinius annum ætatis suæ **XII**, & **XIII** agebat. ^f alibi etiam **A SE VISAM** Lolliam Paulinam Caij Principis matronam scribit, gemmis, & margaritis onustam, cuius verba hic non piger subijcere, quia & ipsa verè aurea, nec ipsis Lollianis gemmis minus pretiosa sunt, vel ipso Iulio ^g Solino teste, qui eandem materiam nullis alijs verborum coloribus exprimere valuit, quàm Plinianis. Lolliam inquit Paulinam, quæ fuit Caij Principis matrona, ne serio quidem, ac solemnī ceremoniarum aliquo apparatu, sed mediocrium etiam sponsalium cœnâ, **U L D I**, sinaragidis, margaritis quæ opertam, alterno textu fulgentibus, toto capite, crinibus, spiris, auribus, collo, manibus, digitis quæ, quæ summa quadringenties **HS** colligebat,

^a Rufebius in
chronic. Blâ.
d. lib. Ital. lib.
histr.
^b Dio. lib. 48

^g esp. 24. in
polyhist.

gebat, ipsam confestim paratam nuncupationem tabulis
 probare; nec dona prodigi Principis fuerant, sed auita opes,
 Prominuarum scilicet spolijs parta; hic est rapinarum
 exitus, hoc fuit quare M. Lollus infamatus Regum mu-
 neribus in toto Oriente, interdicta amicitia à C. Casare
 Augusti filio, venenum biberet, ut neptis eius CCCC HS
 aperta spectaretur ad lucernas: SVA etiam MEMO-
 RIA Caij Principis Asturiâ Româ remigantis pisci-
 culum auspicalem nauem tenuisse^a prodit, quo anno
 suis telis confossus iacuit. Claudio porro Casare Of-
 riæ portum ædificante, & Orcâ in litus fluctibus pro-
 pulsâ, militem lanceas congerentem ex nauigijs assul-
 tantibus mergi A SE VISVM^b scribit, restatu bel-
 lûæ oppletum vñda, item Hippocentaurû^c eidem Prin-
 cipi ex Agypto Romam allatum in melle,^d Lusciniam
 iidem candidam, ^eturdumq; Agrippinæ eiusdē Clau-
 dij vxoris sermones hominum imitantem. Libertos
 præterea Claudij potiri rerum, & eisdem, iubente A-
 grippinâ, Prætorij ornamenta à Senatu decerni cum
 indignatione^f VIDIT. ^gAlibi etiam bis inquit VI-
 DIMVS Urbem cingi domibus Principum Caij, &
 Neronis, & rursus^h alibi NOSTRA Q. ÆTATE
 inquit Poppæa coniux Neronis, & ⁱalibi. AMNES te-
 tro fluere es NOSTRA vidit ÆTAS Neronis Prin-
 cipis annis supremis. Præterea familiaritate Pomponij
 Secundi vsus est, Poetæ illius temporis clarissimi, &
 Caligulæ Principis familiaris, cui etiam aliquando
 cœnam dedit, de cuius vitâ libellum Plinius noster à
 se scriptû^l docet. Sub Nerone verò Aufonium Pau-
 linum Consulem SE VIDISSE^m alibi ostendit,
 multaq; sub eodem Principe illum scripsisse neposⁿ re-

2. lib. 3. c. 2.

b. lib. 9. c. 4.

c. lib. 7. c. 3.

d. lib. 10. c. 29.

e. lib. 10. c. 42.

f. lib. 35. cap. penult.

g. lib. 36. c. 15.

h. lib. 33. c. 11.

i. lib. 2. c. 103.

l. lib. 14. c. 4.

m. lib. 5. c. 1.

n. epist. 5. l. 3.

fert, at ipsam Naturalem historiam cum scriberet au-
 nus nonagesimus agebatur ab obitu P. Vergilij Ma-
 ronis, ^a vt ipsemet testatur, qui fuit Urbis conditæ
 DCCCXXV, Vespasiano IIII, & Titò II Consu-
 libus, decessit enim Vergilius X. Kal. Octob. C. Sen-
 tio Saturnino, & Q. Lucretio Vispillone Consulibus,
 anno DCCXXXV, ^b Donato, & ^c Eusebio auctori-
 bus; ipsum porrò Naturalis historiæ volumen absolu-
 tum T. Vespasiano filio VI Consuli dicauit, anno
 DCCCXXX; studiōtissimus omnium suæ tempesta-
 tis fuit, atque adeo temporis patrus, vt illud omnino
 perijsse exittimaret, quod studijs non dedisset; Princi-
 pibus Vespasianis acceptus supra omnium gratiam vi-
 xit, cum quibus Iudaico illum bello interfuisse, tum
 vetus, nec vulgaris illorum consuetudo, tum illa quæ
 de Iudæâ, & balsamo ipse ^d Plinius scribit, mihi facile
 persuadent; quoddque Plinius nepos cum esset adole-
 scentulus in Siriâ se militasse (cum auunculo creden-
 dum est) in epistolâ ad Actium Clementem ^e testatur,
 & ^f Pontio quid inde Romam rediens scripserit
 significat; militiâ, magistratibus, & rebus
 gestis apprimè clarus, procurauit in
 Hispaniâ, Misenensi classi præ-
 fuit, amplo vir corpore,
 sed diuino, & incom-
 parabili inge-
 nio.

^a lib. 14. c. 1.

^b 1. vita Verg.
 c. in chron.

^d lib. 5. c. 13.
 cum seq. &
 lib. 12. c. 25.

^e epist. 16. l. 6

^f epist. 4. li. 7.



C A P. II.



CTVRVM de Patriâ C. Plinij Secundi quispiam fortasse arguet me à rectâ proposito semitâ aberrasse, quoniam ab illius vita initium scribendi feci, verum nihil à me temerè actum fuisse in-

telligent, quicumq; consilij mei rationem toto opere prius perlecto percalluerint, fuit enim plusquam necessaria ista demonstratio temporis vitæ, & mortis ipsius Plinij, ad cognoscendum etiam illius patriam, cum non defuerint homines alioquin studiosi, & literati, quæ ea quæ prodita sunt à scriptoribus de posteriore Plinio Nouocomense, nominum vtriusq; similitudine decepti ad superiorem de quo agimus, præposterâ temporum serie perperam retulerunt, quamobrem illius vitam præmonstrare non ab re mihi visum est, vt illius cognitione præuiâ, ceu quadâ face prælucente, quodcumq; obscuritatis in legendo obtendi posset, statim in ipso limine claresceret. Cæterum quia multa sunt argumenta, quibus hæc nostra de Plinij patriâ disputatio nititur, ab eo, quod est omnium maximum, illius exordium ducere decreui, ab ipso scilicet eiusdem Plinij testimonio, quo nullum nec certius haberi potest, nec quod à Comensibus acrius impugnetur, mox cætera omnia singulatim percensebo, ita enim fiet, quod ædificantibus vsuuenit, vt solidioribus iactis fundamentis, quod superimponitur ædificium nulla ex parte nutret, sed circumfremantes vento um procellas firmitate sua frangat, & cludat; Ex hoc igitur ipsum Plinium

Vero-

Veronensem fuisse non dubitamus asserere, quia ipsemet Catullum conterraneum suum vocat in operis sui præfatione ad T. Vespasianum his verbis. (*Vt obiter inquit emolliam Catullum conterraneum meum*) dubio procul indicans eo verbo ex eâdem se terrâ, & patriâ ortum, qua Catullus, vt ergo ille Veronensis fuit, ita & Plinius. Non ignoro argumentum hoc meum, quo etiam alij ante me pro Veronensibus vsi sunt, à Benedicto Iouio, & ab alijs viris doctissimis paruifleri, à Basilio verò Parauicino apertè etiam improbari, & irrideri. Hi enim omnes verbum (conterraneus) hominem non ex eâdem patriâ, diœcesi, & territorio, sed ex eâdem regione, & prouinciâ interpretantur, atq; ideo non improprie Catullum à Plinio conterraneum vocatum fuisse contendunt, cum vterq; esset ex ipsâ Cisalpinâ Galliâ, & Transpadanus. Ex quibus patet primam disputationis nostræ partem ab ipsâ definitione vocabuli nostri pendere, cuius alex discrimen vt Veronensibus plurimum confert, ita Comensibus vel nihil, vel parum utilitatis asferre potest; Nam si conterraneus is proprie dicitur, qui est eiusdè terræ, territorij, & diœcesis, iam ipsum Plinium ex propriâ confessione Veronensem ciuem habemus; si verò etiam conterraneus is dici potest, qui est eiusdem regionis, & prouinciæ, vt arguunt aduersarij, in dubio magis erit, Comensisne, an Veronensis fuerit, quàm vt Comensis efficiatur, sed pauca prius de origine illius formationis disseramus; Credidit Ambrosius Calepinus, à quo nec Cigalinus dissentit, vocabulum hoc in castris ortum fuisse, ipsâ præsertim militum multitudine eò confluentium id suadente, quò
 faci-

facilius alter ab altero dignosci posset, atque ita ipso etiam Plinio innuente, ibi (*agnosci & hoc castrense verbum*) Sed alia est origo Pliniani vocabuli, ni fallor, ita enim mihi illud appellare libet, quando antiquorum nullus, quorum scripta nunc exstant, illo usus fuerit, excepto Plinio, ut etiam Nicolaus Perotus, ac post eum Cigalinus, obseruauit. Siquidem non ideo castrense verbum à Plinio dictum est, quia ortum esset in castris, sed quia ibidem usu frequentiore, quàm in foro, & in publicis, priuatisq; negotijs tractandis, ita re exigente, esset receptum; necessitas verò, & latinorum vocabulorum inopia illud effecit, & è Greco fonte, ut alia multa, Varrone, Horatio, & Pompeio Festo auctoribus, in latinos riuos deduxit. Est enim conterraneus apud nos, idem quod apud Græcos *αὐτίχθες*, constatq; ex *αὐτίς*, quod ipsum significat, & *χθών*, quod terram, Homero, & Florilegij auctoribus per familiare verbum, perinde ac si diceretur homo eiusdem terræ; quoniam verò terræ nomen, à quo tam Græca, quam Latina dictio deriuatur, plurifariam accipitur, quandoq; enim globus hic vniuersus, qui Oceano vndiq; circumfusus Cœli ambitu continetur, à Cosmographis terra dicitur, nec aliter sensit diuinus ille Moses, cum *אֶרֶץ*, hoc est terram à Deo creatam in principio, & in ipsis mundi primordijs dixit, nec Cicero in illo admirabili suæ diuinitatis fragmento, vbi somnium Scipionis describit; quandoq; verò solas ciuitates cum suis territorijs comprehendit; ac demum non impropiè quantulumcumque terræ pars, quam vel oculis per temporum momenta lustramus, vel pedibus tetimus, vel etiam digitis attingimus, terra dicitur;

a. lib. 3 c. 4.
onomast.

b. in Lexi-
cho in verbo
ἀντίχθους.

c. in lib. de
exilio.
d. in verbo
ἀντίχθους.
e. in emblem.
236. Alciati.
f. lib. 2.

g. in præfat.
ad librum de
re nauali.

dicatur, ideo ut veram latini nominis significationem assequamur, Græci primum proprietas, à quo latinum emanauit, videnda nobis est. Et igitur *ἀντίχθους* apud Græcos, ut tradit Pollux, eiusdem terræ, & ciuitatis incola, & indigena, quam dictionem, ideo Rodulfus Gualterius, qui illum latinitate donauit, in contrarium transtulit. quamobrem Athenienses cum vellent antiquæ generis nobilitatem ostentare, *ἀντίχθους* se inuicem nomine ab alijs distinxerunt, prout etiam Aræades, Æginctæ, & Thebani, ut ex Hellanio refert Harpocratio, ut pote non aliunde oriundos, non aduenas, sed indigenas, & cum ipsâ quodammodo Atticâ terrâ natos, ut testatur Euripides apud Plutarchum, Suidas, & Claudius Minos, quod etiam apertissimo prodidit testimonio Iustinus his verbis, ubi de Athenis loquitur: *Quippe non aduena, inquit, neq; passim collecta populi collunies originem Vrbi dedit, sed in eodem nati solo, quod incolunt, & qua illis sedes, eadem origo est.* quod respiciens Lazarus Bayfius, I. C. doctissimus, Græcos illos, qui in Gallia Francisci Regis gloriosissimi beneficio suo tempore floruerunt, tales fuisse inquit, qui valeret reuocata Massiliensium memoria, cum ipsis *ἀντίχθους*, idest Atheniensibus, non solum de disciplinarum elegantia, sed etiam de ipso Atticismo *ἀντιστάσεις* contendere. quam generis claritatem non solum nomine, sed etiam exteriori notâ ad cultû corporis comparatâ ostendere Athenienses voluerunt, cicadas enim aureas eâ ratione crinibus innodabant, quod & ipsæ, in quâ nascuntur terrâ, in eadem viuât, & moriantur, vnde *γενε* à Thucydide, & Suidâ, hoc est terrigenæ, & indigenæ non absimili uocabulo nominantur.

minantur. Iam igitur si ipsam verbi nostri originem, & deriuationem inspicimus, eiusdem terræ, & ciuitatis hominem significari per illud videmus, si verò etiā ipsam illius definitionem, idem erit statuendum; hæc autem à posterioribus, & recentioribus erit nobis petenda, quando nulla antiquorum monumenta nobis supersunt, vnde illam possimus agnoscere.

CONTERRANEVS, inquit^a Valla, post^b Guarinū nostrum, & ^cNicolaum Perotum, viros doctissimos, is dicitur, *qui est eiusdem terræ, hoc est territorij, & diæcesis*: id ipsum^d Ælius etiam Antonius Nebrissensis, & Antonius Mancinellus post illos tradidere; nec aliter de hoc ipso vocabulo sentit^e Angelus Politianus, peracri vir ingenio, & vel ipso Iulij Lipsij iudicio, quod summum est in literis, doctissimus, cum enim aliàs in nobili virorum Veronensium cœtu Catullianum epigramma in Arrium, imo planè vniuersum Catullum explicasset, eosdem sibi applaudentes describit, & Angelum demissum cœlitus clamitantes, qui sibi poetam CONTERRANEVM interpretaretur, innuēs, imo apertâ significatione ostendens, hoc verbum ad eiusdem terræ homines, & ciues esse propriè referendum. Expalluit repentè Iouius tanti viri sententiâ auditâ, ac subito exanimatus metu dirigit, non aliter quàm si Gorgonem aliquam, aut quippiam horrendum ex improviso obuium habuisset; inde, vt est homo ingeniosus, & ad omnem defensionem paratissimus, ad artes, vt alter Proteus, se conuertit, si quâ Politiani iudiciū fallere possit, & cludere, Catullumque, non à Politiano, sed à Veronensibus, cum eo colloquentibus, CONTERRANEVM suū vocatū fuisse contendit: tam va-

a. lib. 4. c. 13.
elegant.
b. apud Russi,
& apud Angelum Decem-
brium sæpe.
c. in Cornu-
cop.
d. in dictior.
hispanolat.
e. in lib. cui ri-
culus Elegan-
tæ potius.
verbo Coter-
rancus.
f. cap. 19. Mi-
scellan.

no, & ridiculo commento, vt ego existimo, quàm si dixisset, caput illud Miscellaneorū, vbi hæc ab eo produntur, à Veronenſibus, non à Politiano, fuiſſe conſcriptum; verū nec aliquā fortasſe veniā indignus habendus eſſet Iouius, nec alij Comenſes, qui cum eo tranſierunt, ex quo legerint, vt ipſi aiunt, aliquando apud^a Politianum, Plinium noſtrum Nouocomenſem fuiſſe vocatum, niſi impoſturæ magis aurem, quàm veritati, & rectæ Politiani ſententiæ, præbere voluiſſent, vt enim iſta dictio (Nouocomenſis) in meo codice Lugduni impreſſo anno Dñi M D XXXVIII, apud Sebaſtianum Griphium non legitur, nec in alijs, quocumq; vidi, ita ab eis contra mentem ipſius auctoris iam ſatis exploratam, non erat recipienda, ſed potius vti ſpuria reiſcienda. Verū enimuerò præclarum de huius vocabuli noſtri ſignificatione teſtimonium, & exemplum nobis reliquit Franciſcus Niger in epiſtolâ ad Iacobum Comitem Purliliarum Virum natalium ſplendore, & doctrinâ ſpectatiſſimum, poſt illius libellum de Liberorum educatione, impreſſum Taruiſij anno Domini MCCCC LXXXII; idem quoq; de eodem vocabulo ſenſere^b Angelus Decembrius, & ^c Marinus Becichemus Viri doctiſſimi, ſed poſteriorū literarū ſtudio ſuo tēpore in primis inſignes, à quibus nec Marcus Mantua I.C. clariſs. diſſentit: qui in eo libro, in quo Iuriſconſultorum vitas deſcribit, Nellum à Sâcto Geminiano CONTERRANEVM Franciſci Pepi vocat, Florentinum videlicet, ſiquidem ipſum Franciſcum iam antea inter I. Conſultos Florentinos retulerat. His accedit Andræas Schottus vir inter literatos æui ſuperioris non obſcuro nominis, is enim in
ſua

n. cap. 48. in
Miscell.

b. lib. 4. c. 68.
de poſt. Inter
e: in ſuas præ
lect. in I. I.

suâ præfatione ad Sex. Aurelij Victoris librum de Viris illustribus, Corneliū Nepotem Veronensem ciuem, & municipem Catulli vocat, & **CONTERRANEVM**, Plinij nostri castrensi vocabulo vsurpato. Neq; verò ^{a. li. 1. class. 3.} Bernardinus Scardæonius aliter de hoc nostro vocabulo statuit, qui Iulium Paulum I. C. Patauinum Titi Liuij coætaneū per errorem in marmoreâ inscriptione nuncupatum, **CONTERRANEVM** vocandum docet. Ipsi porrò Tito Liuij C. Cornelium Augurem ^{τολμης} fuisse Plutarchus prodidit, ^{b. in vita Cæsij Iulij Cæsaris.} ciuem Gulielmus Xylander transtulit, Sed **CONTERRANEVM** etiam Iacobus Angelus à Scarpariâ verus Plutarchi traductor conuertit, cuius etiam meminit ^{c. lib. 1. class.} Scardæonius; Alexander^d quoq; ab Alexandro vir doctissimus Iouianū Maium **CONTERRANEVM** suum vocat, Neapolitanū & ipsum innuens, fuit enim præceptor Sannazarij, & aliorum insignium virorum, de quo idem Sannazarius^e sic cecinit. ^{d. lib. 3. c. xi. genial. dies.}

Quiq; tot egregias animas, tot clara virorum

Ingenia enixu format, alitq; suo,

Nestat honorata Maius sua dicta corona,

Tamq; pias ferulas regia sceptrâ vocet.

Fuit autem vsu frequēs ingenijs Neapolitanis hoc vocabulum, namq; & Pomponius Gauricus Neapolitanus in libro de Sculpturâ, vbi versus Papinij Statiij citat de Equo Maximo Domitiani, ipsum Poetam **CONTERRANEVM** suum vocat, idest Neapolitanum. Catulli demum **CONTERRANEVM** Plinium, idest Veronensem vocat Achilles Statius in suis in Catullū cômētarijs, & ^{e. lib. Benach.} Georgius Iodocus Berganus eundem Catulli **CONTERRANEVM** eodē sensu prodidit.

a. in verbo
cōterracus.

b. lib. 3. c. 4.
& lib. 9. c. 11.
onomast.

c. in epist. de
dicat. ad Paul
lum V. Pont.
Max. ad libr.
de sanctae
tuenda
de Lib. de amo
mo.

d. lib. 2. c. 11.

Quis est autem, qui Ambrosij Calepini Viri nobilis, & eruditissimi ingenio, & honestis sudoribus plurimum non tribuat, ipsasq; literas ei multum debere non fateatur? is tamen Bergomas, & Comensibus finitimus, cum vocabulum hoc^a exponeret, hominem tamen ex eadem terrâ, & territorio significare dixit, Pliniumq; perinde Veronensem agnouit, ac ipsum Catullum, & in Græcam dictionem, quæ ἐμμενός^b est, convertit, ἐμμενός, & ἐμμενός non ablimilem, quibus eiusdem ciuitatis incolas, non regionis, aut Provinciæ significari scribit^b Pollux. Idem de hoc uocabulo scribere Auctores Thesauri linguæ latinæ, atq; inter eos Albertus Burerus postremus eiusdem libri, idemque acerrimus censor, atq; ut ita dicam, repurgator, à quibus non recessere uiri duo præstantes, & omnium doctrinarum, latinæque linguæ in primis gnari, Christophorus Landinus, & Ludouicus Dominicus, qui uerbum hoc nostrum in compatriotam Italicâ linguâ transtulerunt, ex eadem quippe patriâ, non Prouinciâ. Hoc idem de hoc nro Pliniano uocabulo tradidit doctissimus, ac nobilissimus Scaliger, mihi solus instar omnium, in suis in Eusebium commentarijs nuperrimè editis; ita demum hoc idem interpretati sunt^c Marsilius Cagnatus, & d Nicolaus Maronea Philosophi, & Medici Veronenses præstantissimi, at Maronea etiam Cigalini auditor. Nostrorum demum Statutorum conditores hoc idem de hoc eodē uocabulo & ipsi iam ante plura sæcula senserunt, nullâ adhuc inter nos, & Comenses ex ortâ controuersia de Plinij Patriâ. Exstat enim inter alia Statutum^c cum huiusmodi inscriptione. *Quod Vicarius, siue delegatus, & alij Iudices Domini Potestatis foren-*

*forenses de aliquâ causâ non cognoscant alicuius CON-
TERRANEI sui, quod uerbû in ipso statuto ita sunt
interpretati. Item statuimus, quod Vicarius, seu de-
legatus Domini Potestatis, & alij Iudices, qui sunt foren-
ses, non possint, nec debeant cognoscere de causâ, seu cau-
sis civilibus alicuius persona, quâ sit de ipsâ terrâ, unde
fuerint. Hic autem non erit absurdum inspicere, quid
territorij nomine contineatur, quando ad eiusdem ter-
ræ, & territorij homines uocabulum hoc nostrum à
Valla refertur, post Guarinum, & Perotum, & alios,
ut supra vidimus, atq; hic in primis antiquû legis Mami-
liæ fragmentû occurrit, quod pristino suo iuri, ac nitore
doctissimus^a Lipsius restituit, unde hoc faciliè cogno-
scamus, & ^b Pomponius I. C., ac post eû auctor^c Diction-
narij iuris, alijq; permulti auctores vidēdi sūt, asserētes
territoriū esse vniuersitatē agrorū intra fines cuiusq; ciuita-
tis,^d Frontinus quoq; quidquid, inquit, ad Colonia, mu-
nicipijue priuilegium pertinet, territorij ius appellant.
Item^e Flaccus, Territorium veteres dixere intra quos
fines iuris dicendi ius esset. ^f Varro quoque, Terra, in-
quit, dicta est ab eo, vt Ælius scribit, quod teritur, itaq;
tera in Augurum libris scripta cum r uno, ab eo colonis
locus communis, qui propè oppidum relinquitur, territo-
rium, quod maximè teritur.*

Non eo sanè inficiâs, aliter verbum hoc (CONTERRA-
NEVS) ab alijs fuisse acceptum; existimantibus, illud
non improprie referri posse ad homines etiâ eiusdem
regionis, & Prouinciæ: cuius sententiæ auctorem vi-
deo^g Hermolaum Barbarum, virum clarissimum, &
doctissimum, quem præter Benedictum Iouium, & a-
lios Comenses scriptores, alij quoq; secuti sunt, ^h Elias

scilicet

a. lib. 1. c. 15.
elect.

b. in l. pupil-
lus. ff. de ver-
b. signif.

c. in Diction.
iuris. 1 verbo

territorium.

d. apud Vel-
serum lib. 4.
rerum Augu-
stan.

e. ibid.

f. lib. 4. de lin.

g. lat.

Vide Clem.

1. §. sanè de
electione.

g. in edigat.
in Plin. in

pretat.

h. in notis. d.
Sueron.

scilicet Vinetus, & alij nonnulli; verùm adeo tenuis est illorū numerus, (si quid in hoc inest momēti ad victoriam) vt iam deploratam causam ab se agi intelligant, si vltcrius nobiscū contendant Comenses, quodd si literarij testes ab ingenij magis præstantiâ, quàm à numero sunt æstimandi, adhuc illorum res in tuto non locantur: inter nostros enim permulti exstant doctrinâ in vniuersum insignes, & ingenio præstantissimi, vel ipso Pauli Iouij grauißimi hominis iudicio, qui Guarinum nostrum, Nicolaum Perotum, Laurentium Vallam, Politianum, Pomponium Gauricum, & Nebrissensem, nec Musæo suo literario, nec elogio luculentissimo indignos existimauit, ita vt singuli cū singulis Comensium fautoribus nullo discrimine conferri possint. Iam verò si remoto etiã testium vtriusq; partis numero, & auctoritate, rationes tantum, quibus omnes ducti sunt, in ipso vocabulo interpretando, expendere voluerimus, saniora adhuc consilia illos inijsse inueniemus, qui pro Veronensibus scripsere, quàm qui Comensium sententiæ subscripsere. A terrâ deductum vocabulum illi nullis aduersantibus conclamant; terræ verò appellatione regiones, & prouinciâs contineri subdunt, id ipsumque vt ostendant, multis exemplis nituntur, in quibus colligendis Cigalinus in primis multis peruolutis historijs sedulam operam nauauit, sed frustra: neq; enim hoc etiã omnino à nobis negatur, est enim verissimum terræ nomen, (Prouinciæ tamen, & regionis nomine apposito) ad Prouinciâs etiã, & regiones spectare, quid enim hoc prohibet, si ad solidas orbis terrarum partes, si ad ipsum deniq; terrarum orbem, nec improprie refertur?

fertur? nam præter M. Tullium à² Peroto primum, &
 à Valla obseruatum, & mox à Comensibus relatum,
 Terram Africam ante omnes vocauit Ennius, ean-
 demq; itidem^b Vergilius, Italiamq; terram^c Liuius,
 quo pacto à Catone, Plinio, & A. Gellio dicta est, vt
 Cigalinus animaduertit. ^d Thraciam porro Mauortiā
 tellurem, & terram, ^e Italiam verò antiquam terram,
 item^f Saturniam, ^g Oenotriā, ac demum^h Hesperiam
 vocauit Vergilius, & Afida terram pro Asiāⁱ Ouidius.
 at verò quòd subijciunt Comenses, ergo CONTERRA-
 NEVS, quod ab ipsā terrā deducitur, ad eiusdem quoq;
 regionis homines, & Prouinciæ porrigitur, hoc à no-
 bis minimè probatur, hoc expressè impugnatur; per-
 rarò enim, atq; ita rarò, vt nunquam fortasse, terræ
 nomen solum, & sine Prouinciæ nomine adiuncto, vel
 saltem perditionem relatiuam, vel similem, subindi-
 cato, Prouinciā denotat, vt modo præmonstrauimus;
 at ex aduerso idem terræ nomen Vrbes per se propriè
 significat, prout multis tùm Græcorum, tùm Latino-
 rum patet exemplis, quorum hic pauca subijciam:
 atq; vt à Græcis initium sumamus, *χώρα* ab eis, & *γῆ*
 terra dicitur, quorum utrūmq; territorium etiā, &
 ciuitatem, nunquā verò regionem, vel Prouinciā
 significat; atq; hinc Sophocles, vbi in tragœdiā, quæ
 Oedipus Coloneus inscribitur, ipsum Oedipum ab
 hospite fiscitantem facit de loco, vbi infederat, (erat
 autem sibi fatalis apud *Ξυρὰς Διός*) ita ab hospite e-
 doctum cecinit, Græcos versus adscribam, atq; illos,
 quos latinos è Græcis Thomas Naogeorgus suis nu-
 meris reddidit.

^a in Comen-
 copis

b. lib. 4. Aen.
 c. lib. 9. De-
 cad. 4.

d lib. 4. Geor.
 & lib. 3. Aen.

e lib. 1. Aene.
 f. lib. 1. Geor.

g. lib. 7. Aen.
 h. lib. 1. Aen.

i. lib. 9. Meta-
 morph.

ὅτι δ' ἐπιτελείωσεν τόπον,
 ΚΘΟΝΟΣ καλεῖται τῆς δὲ χαλκίππου ἐδ.ς,
 ἱερὸν Ἀθηνῶν.

ideft. porro quem

Calcas locum, TERRÆ huius appellatus est

² Via area, Urbisq; est Atheniensium.

2. Male verbū

χαλκίππου
 in viam græā
 transfertur,
 cū potius via
 eripes dicen-
 da sit, ideft
 aspera, & fra-
 gilis, quāque
 greispedibus
 esset eūdum.

Paulò verò inferius hoc idem clariùs expresseit, vbi
 chorus, & Theseus Athenarum Rex aduersam Oe-
 dipi fortunam, & erumnas miserati inter se collo-
 quuntur.

ΧΟ. Ἀγαθὴ πᾶλαι καὶ ταῦτα, καὶ ταῖα ἔτι ἐπὶ
 γῇ τῇ ἐδ' αἰὲρ, ὡς τιλῶν ἱεραίνετο.

ideft. Cho. *Vir hic (Rex) iam diu hac,*

Taliaq; prolocutus est oracula,

TERRÆ huic quasi effecturus.

mox paucis interiectis sequitur Theseus.

Ἐπειτα δ' ἐκείνῳ δαμνίων ὀργάνους
 γῇ τῇ δὲ καὶ μοι δαμνόν ὅν σμαρὸν τίθει.

ideft. Deinde venit his

Supplex Deabus, hisq; TERRIS, & mihi

Non pendit exiguum tributum.

(hisq; terris)
 metricausadi
 xit, cū HV·C
 TERRAB
 dicendum sit,
 vt in Græco
 γῇ τῇ

Ex quibus apparet ipsum TERRÆ vocabulum ad
 ipsas Athenas semper, & ad earum territorium fuisse
 relatum, vt eo non improprie apud Græcos ipsas Vr-
 bes, & earum territoria significari doceremur. Eu-
 ripides verò per hoc idem verbum, γῇ, patriam iti-
 dem expresseit in quodam senario versu, quem citat
 doctissimus Scaliger in suis in M. Varronem de linguâ
 latinâ coniectancis, est autem huiusmodi

Τίνας δὲ πολίτων ἱξάμειλλονται οἱ γῆ;

Idest, Quinàm è ciuibus exturbant te è TERRA?

Menelai

Menelai sunt verba erga Orestem, qui iam se à suis
 ciuili conspiratione è Patriâ expulsum fuerat con-
 questus; itaque Dorotheus Camillus, cuius operâ
 Euripidem latinè loquentem habemus, hoc idem
 verbum, in Patriam non sine causâ transtulit;
 Ne verò diutiùs in Græcis recensendis immoremur,
 quæ nobis etiam à Latinis auctoribus suppeditantur
 testimonia, videamus. ^a Plautus in nostrâ TERRA a: in prologo
Casinæ.
 inquit, idest in Vrbe, vbi Comœdia Casina acta fingi-
 tur, & eluiones, exustionesq; TERRARVM, idest
 Urbium inundationes, & incendia, direptionesq; vo-
 cauit ^b Cicero. siquid porrò etiâ certius Comenses bell. de forn.
Scipion.
 desiderant, audiant quæ à Vetturia Coriolano filio
 bellum Patriæ inferenti obiecta apud ^c Liuium legun- c: lib. 2.
 tur, quæq; à ^d Valerio Maximo repetuntur, licet illa d lib. 5. cap. 4
 Pighius inde expungat, *Potuisti, inquit, populari hanc*
TERRAM (Romanum agrum intelligens) *quæ te*
genuit, atq; aluit? frequens verò, & mirabilis in hoc
 Vergilis existit, multisq; in locis hoc nobis apertissi- e: lib. 1. Aen.
 mè testatur, ibi

Me quoq; per multos similis fortuna labores
lactatam, hac demum voluit consistere TERRA.

De Carthagine loquitur: item ^f alibi de eadem. lib. 4. Aene.

Dissimulare etiâ sperasti perfide tantum
Posse nefas, tacitusq; meâ decedere TERRA?

Multis itidem Urbibus alio in ^g loco per ἀναρχίαν no- g: lib. 6. Aen.
 minatis, priùsquàm conderentur, his versibus,

Hi tibi Nomentum, & Gabios, urbemq; Fidenam,

Hi Collatinas imponent montibus arces,

Pometios, castrumq; Inui, Bolamq;, Coramq; :

Hunc deinde subdidit

D

Hæc

Hæc tùm nomina erūt, nunc sunt sine nomine TERRÆ;
Idem etiàm, vbi de Numa Rege loquitur, qui è Curibus Sabinorū oppido Romam euocatus, defuncto Romulo, ad summum regiæ dignitatis fastigium sublatus est, sic inquit.

a: lib. 6. Aen.

*Quis procul ille autem ramis insignis oliuæ
Sacra ferens? nosco crines, incanaq; menta
Regis Romani, primus qui legibus Urbem
Fundabit, Curibus paruis, & paupere TERRA
Missus in imperium magnum.*

b: lib. 3. Hebdom. fol. 119

Quem Vergilij locum imitatus^b Gabriel Lermæus, vel potius Gulielmus Sallustius vir doctissimus, vbi de Diocletiano loquitur, sic inquit

*Hæc eadem exosus quoq; tædia maximus ille,
Qui laribus paruis, & TERRA è paupere missus
Imperij victor Romani inuasit habenas.*

Quamquam verò non sum nescius, alia quamplurima huiusmodi exstare exempla apud Vergilium, aliosque probatissimos auctores, illis tamen recensendis ita demum datâ operâ supersedeo, vt mihi nonnulla ex ipso tantùm Ouidio desumpta referre nō sit vetitum, à quo Lemnoa insulam, & Sulmonem, Sestonq; & Abydon TERRAS vocatas fuisse legimus, ac primùm de Lemno.

c: in ep. 10. tip
typ ad fa. u.

Dos tibi Lemnos erit, TERRA ingeniosa colenti.

De Sulmone autem, siue illius territorio, sic inquit.

d: eleg. 16 lib.
2. Amor.

TERRA ferax Cereris, multoq; feracior vna.

At illa de Sesto, & Abydo vt sunt speciosissima, ita rem nostram ad viuum supra omnem fidem exprimunt.

e: in ep. Lean
dia.

*Vel tua me Sestos, vel te mea sumat Abydos,
Tàm tua TERRA mibi, quàm tibi nostra placet.*

Hoc

Hoc demum quod sequitur quemadmodum rarissimum est, ita erit nobis multorum instar, & pro limite sententiæ nostræ.

^a *Cecropiâ Pallas scopulum Mauortis in arce*

a. l. 6. Metam.

Pingit, & antiquam de TERRÆ nomine litem.

De lite loquitur iam conditis Athenis exortâ inter Neptunum, Mineruamq; , de nomine Vrbi imponendo, historia est notissima ex ^b Pausania, Ouidio, & alijs. bi in Atticis

Si igitur terræ nomen, Prouinciæ nomine adiecto, ad ipsas Prouincias refertur, per se verò, & nullo apposito Vrbiū nomine, tam apud Græcos, quàm apud Latinos auctores ipsas Vrbes, & earum territoria propriè significat, vt iam vel ipsi lippi, vel qui sponte non cæcutiunt, videre possunt, quis credat, vt si ex hoc ipso nomine verbū **CON TERRANEVS** deriuetur, ad ipsas prouincias magis, quas per se nō sonat, referendū sit, quàm ad Vrbes, quæ sub eō propriè continentur? Hæc ego libenter à Comensibus sciscitarer, his enim argumentis, non longis illis ambagibus, uel ipsis labyrinthæis erroribus magis perplexis, & intricatis, quibus Cigalini luculentissima oratio plena est, huius vocabuli proprietates mihi videtur inuestiganda. Iam profectò etiam particula (con) quæ in huius vocabuli, de quo agimus, formatione concurrat, ipsum compositum restringit, nec illud in sensum extraneum, & longinquū à propriâ verbi naturâ, vnde deducitur, labi, & euagari permittit, vt tota passim docet antiquitas; sic enim, Contribulis is propriè dicitur, nec aliter latinè interpretari potest, qui in eadem tribu descriptus est, vnde omnes ex Fabiâ inter se sunt contribules, item ex Publiciâ, ex Oufentinâ itidem, & sic de singulis, nec

eadem ratione, qui in Fabiâ suffragium ferunt, contribules erunt his, qui in Oufentinâ, siue in Pobliciâ sunt. Conferuus quoq; is dicitur, qui cùm alijs eiusdem domini seruitio addictus est: cuius rei multa apud Plautum, & alios Comicos extare videmus exempla, quæ breuitatis causâ non subijcio: nec conferui, nisi inuitâ latinitate, inter se hi dici poterunt, qui sunt diuersorum dominorû iuris, quàmuis seruilis conditionis omnes. Quid autem de dictione (commilito, vel commilitium) erit dicendum? nisi prorsus hoc idem^a est enim commilito, quî sub eodem Imperatore militiæ nomen dedit, & in eodem exercitu stipendia meretur, non qui sub diuersis imperatoribus, & diuersis in castris; commilitium verò eiusdem militiæ societas, nec desunt exempla vtriusque; Cæsar commilitones suos milites, & si imperator, blandiore vocabulo appellabat, docet^a ipse, docet^b Suetonius. Perdiccas verò apud Iustinû^c hoc idem clarius expressit *Certè*, inquit, *commilitones eorundem castrorum*; præterea vbi idem auctor de^d Alexandro loquitur, *ne qua materia*, inquit, *seditionis procul se agente in Macedoniâ remaneret, reges stipendiarios conspectioris ingenij ad commilitium secum trahit, seniores ad tutelam regni relinquit*, cur igitur tanto afficietur præiudicio vocabulum hoc nostrum, **CON-**
TERRANEVS, vt à suâ propriâ naturâ deflecti, & in impropriam significationem transferri debeat, Grammaticorum omnium sententiâ, imò totius latinæ ratione resistente, alijs similibus interim pristinum ius suum retinentibus? an idèd, vt Comensibus mos generatur? at non illis ita parendum est, vt latinæ dictionis proprietatî, & ipsi Plinio iniuria inferatur. Quid enim

a: li. 1. de bello ciu.
b: cap. 67. in Iulio Cæs.
c: lib. 13.
d: lib. 11.

enim magis propriè sonat hæc vox (CONTERRANEVS) si illius originem, si etymon, definitionemq; ingenti numero testium vallatam, si deniq; connexionem ex duabus dictionibus compactam intuemur, quàm hominem eiusdem terræ, idest ciuitatis, & Patriæ? quoniam ergo pacto citra iniuriam in spurium sensum, & suæ naturæ reluctantem transferri potest, omnibus rationibus, atq; ipsis propè elementis repugnantibus? in ipso verò Plinio literati omnes quid impensius obseruant, & admirantur, quàm miram latinorum uocabulorum proprietatem? quid magis illius operum diuinitatem aperit, quàm latinorum uerborum simplex, nudus, germanusq; usus, & remoto omni circuitu, solida uis, atq; efficax significatio? at quid ageret apud Plinium ista dictio, si ad hominem eiusdem regionis, & prouinciæ referretur, nisi id solùm ut nihil ageret, sed superflueret, & redundaret? cum enim inuentum sit epitheton, ut tradunt, Rhetores, ornandi, aut uituperandi, siue indicandi, uel etiam (quod est illius magis proprium) significantius exprimendi gratiâ, nimiam profectò apud illum uel frigiditate languesceret, uel laxitate euanesceret; A Liguribus quippe olim Cisalpina Gallia incipiebat, atque inde secus Alpium radices per Insubres, & Cænomanos extensa usque ad Formionem proximum Aquilæ Fluium, Venetiam totam cum Carnis continebat, ^b Pomponio Mela, & ^c Sigonio auctoribus, à Cæ-

a: Quintilian.
lib. 8. cap. 3.
Cornel. Val.
in tabu. rhet.

b: lib. 1. c. 2.
c: lib. 1. c. 35.
de antiqu. iure
Ital.

TERRANEOS dici potuisse contendunt, nihil enim ferè minus CONTERRANEVM, nisi forte omnes etiam ex vniuersâ Italiâ inter se CONTERRANEOS esse credunt: at quàm propriè, & quàm verè, aliorum sit iudicium.

CAP. III.



IMIS ampla, & effusa ipsis quoq; Comensibus visa est superior vocabuli nostri interpretatio, dum illud ad omnes eiusdem regionis incolas, atque etiam Prouinciâ, referendum esse censuerunt, quamobrem mutatâ sententiâ, & eiusdem vocabuli significationem infra angustiores terminos contrahentes, illos tantùm sub eo comprehendi statuerunt, qui essent eiusdem regionis, & Prouinciâ, quæ ab vno, eodemq; Proconsule, vel alio magistratu regeretur: sperantes huiusmodi restrictione, ceu piaculo quodam, grammaticis offensis litari posse; atq; hinc rectè Catullum à Plinio Conterraneum vocatum existimant, ex eâdem scilicet vtrumq; Prouinciâ, cuius administrationem idem Proconsul obtineret, ex Galliâ quippe Cisalpinâ, cuius sententiæ auctores illis sunt ^a Sallustius, & ^b Donatus; quorum ille à C. Murena, qui Catilinæ coniurationis tempore Galliæ ceteriori Legatus præerat, multos ex illius socijs in vincula coniectos scribit: ex ipso scilicet Legati munere Prouinciam totam Proconsulis, vel Prætoris imperio subiectam fuisse innuentes, nec immeritò; is enim à Senatu lectus in Prouinciam publicorum negotiorum administer, vnâ cum Proconsule, siue Prætorē mittebatur,

a: In Catilin.
b: in vita Ver-
gil.

batur, ita enim ^a P. Scipionem Africanum L. Scipionis fratris Proconsulis in Greciâ, & in Asiâ Legatum fuisse legimus; ita ^b C. Marium Merelli in Africâ, & ^c Afranium Pompeij in Hispaniâ: de officio etiam Proconsulis, & Legati scripsere, sed serius, & post euerfam Remp. ^d Vlpianus, Papinianus, & alij. Donatus verò C. Asinium Pollionem Transpadanæ Prouinciæ præfuisse literis prodidit, cū P. Vergilius Maro Bucolica auspicatus, admirabilē ingenij sui felicitatē patefecisset. Verū adhuc fallūtur Comēses, quoniā quāquā Reip. Rom. tēpore, & postea sub Augusto, Triumiris Reip. cōstituendæ rerū potentibus, cū Asinius Pollio Transpadanam Prouinciā regebat, à Proconsulibus, & ab alijs magistratibus ipsa Prouincia regebatur, secus tamen erat Plinij nostri ætate, & cum opus suum de Naturali historiâ T. Vespasiano VI Consuli dicauit, quod vt clarius appareret, totum bellum Gallicum Cisalpinum, & totam citerioris Galliæ administrandæ rationem ab anno V. C. DXXVIII, quo ^e primū post deletos funditus Gallos Senonas, Galli Boij, & Insubres cum alijs à C. Atilio Regulo, & L. Æmilio Papo Consulibus ad Fefulas cæsi sunt, vsq; ad Consulatum P. Cornelij Scipionis Nasicæ, qui postremus de Gallis ^f Boijs triumphauit anno V. C. DLXIII, satis longo capite ex diuersis auctoribus collecto fueram complexus, sed ne viderer impendio longius euagari, atq; ita etiam suadentibus amicis, totum ipsum caput refecui, ac reieci. Certum est igitur post primum Consulatum ^g M. Marcelli, cuius virtute Cisalpina Gallia Romanis armis subacta, Prouincia primū P. Romani facta est, anno V. C. DXXXI, quandiu postea Resp.

a. Flor. lib. 2.
c. 6.
b. Sallust. de
bell. lugurt.
P.utar. in Ma
rio.
c. Cæf. lib. 1.
de bell. ciuili.
Suet. in Cæ
sar. c. 34.
d. toto tit. ff.
de offic. Pro
consul. & legat.

e. Polyb. li. 2.
Oros. lib. 4.
c. 13.

f. Panuini in
Fast. & Tri
umph.
Sigon. in fast.

g. Polybius
lib. 2.
Liu. epit. L. 20
Flor. lib. 2. c. 4
Oros. L. 4. c. 13
Europ. lib. 1
Iornad. lib. 1.
Panu. in fast.
Sigon. in fast.

Resp. Rom. fuit, citeriorem Galliam Venetis, & Carnis adiunctis, per Prætores, ac per Consules belli tempore fuisse administratam, pacato, & tranquillo, per Proconsules; multorum Consulum, & Prætorum, quibus illius administratio diuersis temporibus commissa est, meminit Liuius, & alij supra citati, Proconsulum verò frequentissima mentio est apud omnes.

^a Liui lib. 49

^b lib. 4.

^c epist. 11. li. 33. famil.
^d Suet. in Cæs. cap. 21.
^e lib. 8. de bell. Gall.

Hinc ^a M. Æmilius Lepidus Proconsulem in eadem Prouinciâ viam Æmiliam scilicet nigricante strauisse à Bononiâ vsque in Aquileiam, prodit ^b Strabo, cuius non obscura vestigia adhuc exstant inter Veronam, Vicetiamq; . Eandem D. Brutus Proconsule obtinuit, ad quem exstant ^c Ciceronis epistolæ, ac demum ^d C. Cæsar, qui se etiam in eâ ius dixisse ^e testatur.

Huiusmodi verò prouinciæ regendæ institutum nunquam Romanâ Rep. incolume, & florente, immutatum fuisse legimus, sed tantum serò, & illâ iam extinctâ sub Augusto; ille enim primus omnium superato iam, fugatoq; apud Actium Antonio, & ad manus inertes, impiasq; , ac Ciceronis sanguine pollutas in se vltro inferendas coactò, potitus rerum, animoq;

^f Suet. in Aug. c. 46.
^g Plin. lib. 3. c. 5.

à bello ad imperij curam conuerso, ^f Italiam in XI Regiones diuisit, singulisq; Regionibus Consularem præfecit, Urbibus verò vt duo Prætorij præessent instituit, vt ex C. Theodosiano, & antiquis monumentis liquet, ac plenissimè ostendit ^g Gaius Pancirolus

^h in cōment. Occid. imp. in Nouitia c. 49
ⁱ & ca. 155. in cōment. ori. ital. imp.

præceptor meus, vir & summâ iurisprudentiâ, & omnifariam eruditione iuxta insignis, pietate verò, ac morum sanctitate incomparabilis, licet singulis Urbibus Consularem ab Augusto præfectû fuisse, perperam apud ^h Dionem scriptum videatur. Ab ijs igitur

Consu-

ⁱ lib. 51.

Consularibus, & Prætorijs ab Augusto, vt supra, institutis vniuersa Italia recta est vsq; ad Hadrianum Imp. qui primus hunc numerum XI. Consularium ad quatuor tantum redegit, vt inquit ^{a: in Hadriano.} Spartianus, ex quibus vnus ab eo creatus est Antoninus Pius, ad illam Italiæ partem regendam, in quam plurimum possidebat, auctore ^{br in Pio} Capitolino, ut viri talis honori consuleret, & quieti. Rebus igitur ita constitutis, iam in aperto est, Sallustij, Donatiquæ auctoritatem nihil Comensibus conducere, frustra; in primis Cigalinum laborasse, cum longo studio multa vndiq; inaniter coaceruauit, vt ab vno, eodemque magistratu Cisalpinam Galliam, Venetiâ, & Carnis adiunctis, olim rectam fuisse probaret, eò solum tendens, ut Plinianum vocabulum ad homines eiusdem regionis referret, quam idem Præses administraret. Nihil enim ad rem facit, quod Catilinæ coniurationis tempore, florente adhuc Rep. Cisalpina Gallia per Proconsulem, seu per Prætorem regeretur, quatenus nobis ex Sallustio licet cōiectare, siquidē M. Tullio Cicerone, & C. Antonio Consulibus, anno ab V. cond. DCXCI. quo hæc gesta sunt, natus est Augustus primus Italiæ reformator IX. Kal. Octobr. vt auctor est ^{c: in Augusto. c. 5. d: lib. 2.} Suetonius, & ^d Velleius; neq; verò etiam refert, quod ab Asinio Pollione eadem Prouincia regeretur, ^{e: in vita Verg.} Donato auctore, quo tempore Cremonensium, & aliorum Cisalpinorum ager veteranis Augusti diuisus est, quoniā hæc omnia gesta sūt ciuili bello ad Philippos iam exhausto contra Brutum, & Cassiū Cæsaris percussores, anno post V. cond. DCCXII, P. Seruilio Isaurico, & L. Antonio Triumviri fratre ^{f: lib. 2. g: in Aug. c. 13. h: lib. 4. c. 7.} Consulibus, ^f Velleio, Suetonio, & ^h Floro testibus,

E

ipsisq;

* Panvin in
Fast.
§.gon, ibid.

ipsisq; Vergilij vitæ auctoribus, manifesti tamen erroris, ob seriẽm temporum confusam, conuictis; ipsa verò Italiæ diuisionis ab Augusto facta est post deuictum apud Actium nauali prælio Antonium, illiusque nece iam peractâ, vt supra memini, ipso² Cæsare Augusto III, & M. Valerio Messala Consulibus, anno ab Vrbe Cond. DCCXXIII, & sequentibus; Quapropter si ab hoc postremo tempore citra vsq; ad Hadrianum, singulæ Italiæ Regionis Proconsulari, vel Prætoriorum ex Augusti instituto regebantur, quis adeo cæcus est, quis adeo vecors, & stupidus, qui non intelligat, Plinij nostri tempore, cum Naturalis historiæ absolutum volumen T. Vespasiano filio inscriberet, Venetiã, quæ decimam tunc Italiæ Regionem constituebat, secundum diuisionem Augusti, sub quâ Verona continetur, suũ Consulare, suosq; Prætorios habuisse, à quibus regeretur? Transpadanam verò Italiam, quæ vndecimam, in quâ Comum, suũ & ipsam Consulare, suosq; Prætorios penitus à superioribus diuersos agnouisse? atq; inde iam expeditum esse, quòd si verbum (CONTERRANEVS) ad incolas etiam eiusdem Prouinciæ referri posset, quam idem Proconsul administraret, vt aliquando credidit Barbarus, quicq; illum re totã non bene exploratã postea secuti sunt, Plinius, si Comensis fuisset, Catullũ Veronensem è Venetiã CONTERRANEVM suũ vocare minimè potuisset, quãdo suo tẽpore ita ipso prodẽ Plinio, vtraq; Regio, vt nomine, ita etiã re, inter se differebat, & diuerso iure censebatur, diuersisq; à Consularibus, & Prætorijs regebatur? Virget hæc nostra argumentatio, ni fallor,

fallor, atq; imos sensus scriptorum Comensum acriter perurit, indicium mali sunt medicamenta ab illis opportunè comparata, vt enim hunc dolorem lenirent, atq; istam Augusti Italiæ diuisionem euitarent, quam sibi omnino fatalem esse sentiunt, statim captioso argumento occurrunt. Scribit enim Iouius, nec improbat Cigalinus, ipsum Plinium in Italię descriptione inuerso ordine multa scripsisse, & ab illo, quem diuus Augustus statuerat, quandoq; recessisse; & ideo Lariũ, Sebinum, aliosq; lacus, & flumina, quæ ad vndecimam Italiæ Regionem pertinent, in decimâ cum Benaco nostro descripsit; Verùm his etiam, prout alijs omnibus, facilis est responsio; aliud est enim Italiæ descriptionem ab Augusto approbatâ sequi, aliud ordinem locorum; illam secutum se esse Plinius palàm testatur, hunc in omnibus, re ita exigente, non seruasse; quam ob causam hac præfatiunculâ, ne cui à se impositum videretur, se ipsum *excusat. *Qua in re, inquit, præ-* a: lib. 3. c. 5.
fari necessarium est, auctorem nos diuum Augustum secuturos, descriptionemq; ab eo factam Italiæ totius in Regiones vndecim, sed ordine eo, qui litorum tractu fiet, vrbium quidem vicinitates oratione præproperâ seruari non posse, itaque interiori in parte digestionem in literas nos secuturos, Coloniarũ mentione signatâ, quas ille in eo pròdidit numero. Hoc enim pacto Athesim quoq; nostrum, & alios fluuios ex nostratibus in Padi descriptione, qui ad octauam Regionem spectat, locauit, & prius de Italiâ Transpadanâ, quæ vndecima Regio est, quam de Venetiâ, quæ decimâ, tractauit; ipsa igitur vocabuli nostri proprietas non ex ordine locorum, sed ex Regionum diuisione, atque ex diuersâ illarum admi-

nistratone, quam secutus est Plinius, metienda est. Verum hoc quid aliud est, Dij boni, quam sententiam suam impugnare? quam in seipsum insurgere, & proprijs telis, vt olim Cadmæa mellis, se ipsum conficere, & iugulare? nam quod olim Comenses pro scopo opinionis suę fraturerūt, idem rebus iam desperatis contrariā sententiā videntur effugere, & declinare. Alia præterea multa sunt, quibus Comenses rectum Pliniani vocabuli sensum inuertere, atque illud è ciuico, vt ita dixerim, merum prouinciale efficere conantur, pro certo habentes certam victoriæ spem in illius significatione constitutam esse, certumque, nec dubitatum testimonium illud pro nobis stare; quæ omnia quamquam longum esset exequi, missa tamen facere nolui, ne vel illa parui fecisse videar, vel illorum ingenium, quod est maximum, suā gloriā fraudarem. Sic autem subdit Cigalinus. *Cum Italia pluribus olim modis diuideretur, (verba illius sunt) alius aliam arbitrio suo diuisionem secutus est, milites quoque in verbi (CONTERRANEVS) significatu aliam quandam Italia diuisionem, non Augusti, in castris secuti sunt, quos verisimilius est ante Augustum verbum (CONTERRANEVS) libertate militari sape usurpatum, eadem libertate post Augustum, eius negle et descriptione, in eadem significatione accipientes, antiquam diuisionem intellexisse. Et paulo inferius: ideo Conterraneum suum vocatum à Plinio Catullum fuisse, inquit, quod eiusdem vterque TERRÆ Transpadana inquilinus esset, sic autem illam appellauit cum Cispadana comparatam. & paulò etiam inferius, post relatos Catulli versus in Egnatium, in quibus se Transpadanum facit, cum suos Transpadanos vocat,*

*Sī urbanus esses, aut Sabinus, aut Tiburs,
Aut parvus Vmber, aut obesus Hetruscus,
Aut Lanuvinus ater, atq; dentatus,
Aut Transpadanus, vt meos quoq; attingam.*

Sic inquit; Catullum hoc in loco secutus Plinius, *Conterraneum suum eum vocauit, diuisionem eam Italiae intelligens, quam Catullus sequeretur, minimè verò posteriorem illam ab Augusto institutam, hucusq; Cigalinus; à quo me iuuat sciscitari, Ex quâ nam diphthæra acceperit, (nam nullos habet auctores, verum has duas priores propositiones ab illius ingenio agnoscimus, tertiæ verò auctor fuit Hermolaus Barbarus) quòd milites T. Vespasiani æuo neglectâ Augusti Italiae diuisione, aliam in castris sequerentur, quòdq; eâdem libertate militari post Augustum, & illius Italiae diuisione non seruâtâ, quâ ante illum, vocabulum de quo agimus, secundum antiquam significationem acceperint, ac demum quæ nam fuerit ista antiqua vocabuli nostri significatio ante Augustum, nam talia, & nullis auctoribus asserere, nihil aliud est quàm somniare, & diuinare; quoniam si negabimus hæc omnia, si verò etiam negabimus verbum hoc (*CONTERRANEVS*) ante Augustum fuisse inuentum, quando antiquorum nullus, qui ante Plinium scripserit, de illo vnquam meminert, vt aliàs præmonui, & ipsa Plinij verba, ibi (*agnoscis & hoc castrense verbum*) recens illud, non antiquum fuisse ostendant, vnde nobis contrarium Cigalinus probabit? vnde in priorem magis sensum, & si foret antiquius, quàm in posteriorem, & Augusti diuisioni congruentem, acceptum fuisse docebit? quomodo in animos antiquorum militum, & ipsius in mentem Plinij*

Ciga-

Cigalinus penetrauit? quomodo post tot sæcula in tantâ vetustatis caligine ita se in eorum intellectum insinuauit, vt talia non vereatur pro veris asserere, & prædicare? ista verò vocabuli nostri significatio cur magis opinioni, quam de illo statuunt Comenses, quàm quæ à Veronensibus, & ab vniuerso literatorum pene omnium consensu recepta est, inseruiebat? vnde hoc Cigalino constat? à quo Fauno hæc edoctus? à qua Ægeriâ in Aricino nemore? si verò hæc etiam aliquâ ratione niterentur, ita vt quandam veritatis speciem præferrent, adhuc multùm differret inter milites, seu quoscumq; alios hoc vocabulo vtentes, ac ipsum Plinium Italiæ diuisionis ab Augusto institutæ iam aperte confessum sectatorem; quid enim militibus, siue militari libertati, cum Plinio? qui si hoc vocabulo secundum Comensium de eo sententiam vsus esset, non solum lectori imponeret, sed etiam sibi contrarius extitisset? Nihil verò refert quòd Catullus Transpadanos suos vocauit, suo enim tempori singula accommodanda sunt, non diuersis promiscuè confundendâ. Etenim Carullus vel vt sui temporis ratio postulabat, (quod est verissimile,) Transpadanos suos dixit, quandoquidem in Transpadanis Verona tunc temporis cû totâ Venetiâ, Carnis etiam comprehensis, censebatur, vt supra vidimus; vel potius non omnes Transpadanos, sed Veronenses tantùm, atque his propinquiore, suos intellexit, quorû mores sibi magis perspectos fuisse, quàm aliorum, qui longinquiore essent, credibile est; siue etiam affectu aliquo singulari hoc dixit, quo ipsos prosequeretur, est enim hoc verbum (suis) beneuolentiæ, & familiaritatis nota, atque

atq; ita Cicero, ita Plinius iunior, ita Traianus apud illum, amicos, clientes, & prouinciales suos vocant, atq; vt omnia vno verbo concludam, ex quacumque causâ Catullus Transpadanos suos vocauerit, hoc profectò certissimum est, quòd ipsos nunquam Contrerraneos suos appellauit; At verò dum rursus asserunt, quòd Plinius ad eam Italiæ diuisionem respexerit, quæ seruabatur Catulli tempore ante Augustum, cum Catullum Contrerraneum suum vocauit, quòdq; in hoc illum fuerit secutus, est itidem aperta diuinationo, vel potius vanissimum somnium, quo Plinius sententiam eludant, nò videntes se eundem sibi aduersantem, & repugnantem constituere, omni illius dignitatis, & iudicij posthabitâ ratione.

C A P. I V.



N VLLVM esse maius ingeniorum tormentum, quàm impugnationem veritatis ex ipso rerum vsu, & ex ipsâ experienciâ satis docemur, & ideo minime mirum videri debet, si Comenses scriptores dū vim Pliniano vocabulo inferre volunt, & verū illius sensum circūscribere, & obliquare, inquieto animo huc illuc feruntur, ita ut omnibus deficientibus argumentis, quæ etiam futilia, quæq; vanissima sunt, ut supra uidimus, amplectantur, atque utinam saltem se ab ipsis Ecclesiasticæ historiæ uoluminibus inaniter referendis, & minus sanè interpretâdis, abstinerēt, dū enim omnibus destituti sunt, & multis abundâtes uideri uolunt, illis etiam manum admouere non uerentur, mi-

nus tamen rectè, ut mox patebit; quemadmodum igitur à ueritate alienum, ita fabulæ propius est, quod tradit Iouius, quodque affirmat Parauicinus, aliquâ Comenses, Veronensesq; inter se communione uti, & utriusq; Ciuitatis agrum sibi confinem esse, Veronensiumq; Territorium usq; ad Vallem Telinam protendi: fabulosum porro est, quod Parauicinus subiicit, agrum scilicet Comensem ab eâ præsertim parte, quâ Vallem Camonicam attingit, Valli Camonicæ Veronensium adhærere, ut ostendat uterq; non solum Regionis, & Prouinciæ iure, sed etiam ex istâ communione, & uicinitate, Catullum licet Veronensem, uerè Conterraneum à Comensi latinè dici potuisse. sed doceat obsecro Iouius, uel saltem Parauicinus illius superstes, unde hoc sibi compertū sit, aut ubi tam prodigiosa, & ipsis sensibus repugnantia unquam legerint; quidquid enim sit de Valle Telinâ, an coëat, uel ne, cum Valle Camonicâ, hoc certè manifestissimum est, Vallem Telinam Vennonetes hætos continere, Comensibus finitimos, & in his, quæ ad sacra spectant, Ecclesiæ Comensi subiectos, Habrahamo Ortelio, & Thoma Porcachio auctoribus, ita etiam tradentibus Castaldio, Laurentio Anania, & Gerardo Mercatore; Vallem uerò Camonicam nunquam Veronensium, sed Brixienfis ditionis semper fuisse, Eliâ Capreolo, & Ioanne Botero testibus; Agri porro nostri fines ab ea parte quæ ad Comenses uerget, Benacum nostrum non excedunt, à quo Salodiū, & alia Brixiensium oppida, pagi que amænissimi leni fluctu per ambitum alluuntur, ipsis Brixiensibus, Bergomensibusq; inter nos, & Comenses constitutis; quo
ergo

a: in Synonym.

b: lib. 1. de Com nob

c: in Italiz tab.

d: lib. 1. fabr. mund.

e: in tab Ital.

f: in hist Brix.

g: lib. 1. relat. vna.

ergo nos cum illis commercio iungi possumus, quos ipsa natura immenso terrarum tractu, duorumq; populorum territorijs interiectis, longissimis abhinc sæculis, & longè ante ipsum Plinium separauit? quis igitur rectè talia prodentibus non obijciat, quod olim Thaleri^a Milesio ancilla obiecit, cum dōmo egressus contemplaturus sidera in subiectam foueam incidisset, *Qua ratione, inquit, ò Thales, quæ in cælis sunt, comprehensurum te arbitraris, qui ea quæ sunt ante oculos videre non uales?* quando autem in Benaci nostri mentionem incidimus, opportunè lectorem admonitum esse volui, Benacum ipsum nostri iuris esse, vel ipso Plinio^b teste, & ideo manifesto errore lapsum^c Ioannem Boterum, qui illum Brixienfibus adscripsit, sic enim de illo inquit Plinius, *Lacus est Italiae Benacus in Veronensi agro Mincium amnem transmittens;* cuius vndæ ideo Lydia dictæ sunt à^d Catullo, quia ad Veronā vetustissimam Tuscorum coloniam spectabant, nam Brixia Cēnomanorum fuit, Tuscos enim à Lydis ortos, Herodotus, Vergilius, Strabo, & alij prodidere, hinc etiam^e Vergilius Tiberim Lydium appellauit, Tuscum scilicet fluuium, & ex Hetruriâ ortum ducentem. Veronensis etiam appellatur Benacus in tabulis solemnibus fœderis inter Venetam Remp. & Mantuanorum Marchionem initū nonis Nouembris anno Dñi M CCCC VII. Multos præterea myoparones in clasis speciem instructos in eo Verona tenet, in certū vetustæ illius possessionis, & dominij titulum, ad arcendas latronum, piratarumq; latentes incursationes, illicitosq; Mercatorum conatus compescendos, Præfecto illi Senatus nostri suffragijs ex optimatum ordi-

a: Lactantius in
Thal.

b: lib. 9. c. 22.
c: lib. 1. c. 2. l. 1.
vnu.

d: i. epigram.
ad diuisionē.

e: lib. 1. Aen.

ne constituto cum imperio quinquennali; Ad nos de-
 mum Benacum ipsum pertinere, ab Excellentiss. Sena-
 tu Veneto, dū hæc nostra disputatio prælo cōmittitur,
 nuper decretum est, Aurelio Prandino I.C. & Equite,
 & M. Antonio Gulientio I.C. VV. clarissimis Veron-
 ensium legatis orantibus, & Salodiensibus aduersanti-
 bus. Sed hætenus de his, nunc ad ea quæ nobis ex Ec-
 clesiastica historia obijciuntur, transeamus. Scribit Be-
 nedictus Iouius Romanæ Curia libro in primis fretus,
 quem Prouincialem vocat, Comensem Antistitē æquē
 ac Veronensem, tamquam ex eādē vtrumq; Prouin-
 ciā, Aquileiensi Patriarchæ subiectum esse, idq; inde
 euenisse vsq; à primis nascentis Ecclesiæ primordijs,
 quoniam cum olim etiam ante Christi natalem Aqui-
 leienses Pontifices, & Flamines dignitate Comensi-
 bus, & Veronensibus anteirent, qui primi Ecclesia-
 sticas dignitates in eisdem ciuitatibus constituerunt,
 nihil de veteri Prouinciæ iure immutatū esse voluerunt,
 Gratio² auctore, qui ex Lucino Papa (de quo mihi,
 ut omnibus nondum liquet) talia refert.

quæst. 30. c. 1.
 & 2.

*Urbes, & loca, in quibus primates praesidere debent,
 non à modernis, sed multis ante aduentum Christi statuta
 sunt temporibus, quarum Primates gentiles etiā pro
 maioribus negotijs appellabant; in ipsis verò vrbibus post
 aduentum Christi Apostoli, & eorum successores, Patri-
 archas, & Primates posuerunt, ad quos Episcoporum
 negotia (saluā tamen in omnibus Apostolicā auctoritate)
 & maiores causæ per Apostolicam sedem sunt referenda.
 Item ex Clemente.*

*In illis verò ciuitatibus, in quibus olim apud Ethni-
 cos primiflanines eorum, atq; Primi legi doctores erant,*

Epif-

*Episcoporum Primates, ac Patriarchas beatus Petrus pō-
ni praecepit, qui reliquorum causas Episcoporum, & mā-
iora negotia in fide agitarent, in illis autem, in quibus du-
dum apud praedictos Ethnicos erant eorum Archiflamines,
quos tamen minores esse tenebant, quàm memoratos, Epif-
copos institui praecepit hucusque Gratianus. Huc Plī-
nium respicere potuisse scribit Iouius, idem refert Pa-
rauicinus, cū Catullum Conterraneum suum voca-
uit; quasi scilicet nihil, vel parū foret, tot artibus,
& tantā calliditate Pliniani vocabuli sententiam cir-
cumscriptisse, nisi etiam profana sacris miscerentur, vt
tantæ vanitati sacrorum fucō fides adstrueretur.*

Sciendum est igitur, Gratiani Decretum multis in
locis, atq; in hoc potissimū, qui à Comensibus cita-
tur, suspectum esse, prout vel ex ipsā primā fronte
duorum capitum superiūs relatorum quilibet vix me-
diocriter literatus, facillimè intelligit. Lucini enim
nomen nunquam inter Romanos Pontifices fuit re-
ceptum, nisi forte pro Lucino Linum restituamus, qui
proximè Clementem antecessit, cuius tamen nulla ex-
stant scripta, vel Lucium, vt postremi decreti corre-
ctores reposuerunt, in cuius epistolis decretalibus hæc
eadem non exstant. Barbara porrò latinè scribendi
ratio, & nulla, vel saltem pauca antiquæ historiæ de-
monstratio, de fide Gratiani in loco iam dicto nos co-
git dubitare. Nusquam enim Reip. Romanæ tempo-
re, aut seriūs sub imperio vsq; ad Constantinum, Pri-
mates in Italiā, aut in alijs Prouincijs constitutos fu-
isse legimus, quod equidem sciam, hoc enim vocabu-
lum, si latinè accipiat, non publicæ dignitatis notā,
non sacerdotij præferebat, sed primatum quendam, &

a. l. i. C. de
spe. & fecen.
li. v. i. i.
b. l. i. v. b. Cod.
de Alex. Pri-
mar. lib. i. i.

c. lib. i. c. i. &
p. com. R.
Rom.

d. lib. i. c. i. &
p. com. R.
Rom.

e. lib. i. c. i. &
p. com. R.
Rom.

f. lib. i. c. i. &
p. com. R.
Rom.

g. lib. i. c. i. &
p. com. R.
Rom.

summum inter suos ciues gradum. Ita Primates in
ciuitate viros vocauit ^a Constantinus, & ^b Primates A-
lexandriæ Theodosius, eosdem Principes ciuitatis, &
Primarios populi Cicero, Velleius, Linius, Plinius mi-
nor, & alij, Prouinciæ Cæsar, Primores Tacitus,
^a *Prætor* Græci vocant. Ecclesiastici tantum scriptores
primi post Constantinum, prout etiam me ^c Vvolfan-
gus Lazijs monet, hoc nomen pro dignitate vsurpa-
runt, vt ex epistolis, quæ latinitate donatæ sunt (nam
Græcas nunquam legi) Anacleti, Zepherini, & alio-
rum complurium Summorum Pontificum, Concilioq;
Chalcedonensi, atque ex alijs multis colligitur; sed
quidquid sit de hoc vocabulo, illud certè barbarissi-
mum est, (*modernis*) pro recentioribus, & postremis,
quo nunc vocabulo passim in Italiâ vtimur. Neque
illa verba primi capituli (*quarum Primates gentiles*)
adeo clara sunt, vt aliquo Palæmone, vel potius A-
polline non indigeant, quatenus eorum sensus ex se-
cundâ ^d Anacleti epistolâ non suppleatur. Præterea
flaminum quidem frequentem memoriam apud vete-
res, & posteriores scriptores vidi, frequentissimam in
antiquis lapidibus obseruaui, ac Archiflamines æquè
mihi ex vtroq; essent ignoti, ac Primiflamines, & Pri-
milegum doctores, nisi Archiflaminû, qui in Britannia
semel ^e à Vvolfago Lazio, & eorû qui alibi semel à ^f Ro-
sino fieret mentio, ac sola fortasse Gratiani in hoc lo-
co auctoritate; Primos verò legum Doctores à ^g Caio
I. C. inter veteres iurisprudentiæ auctores memoratos
nunquam vidi. Ac demum quod Archiflamines alijs
flaminibus minores essent, repugnat vis vocabuli, si
ex vt ^h æq; lingua hoc mixtum coeat, repugnat ⁱ Rosi-
nus.

aus. Quare iure merito locum istum, tamquam corruptum, & emendatione indigentem^a Antonius Augustinus I. C. clariss. & Tarraconensis Archiepiscopus veru notat. Deprauatum etiam Gratiani Decretum innuit Iacobus Pamelius in sua præfatione in Tertulianum Gregorio XIII Pontifici Max. dicata, cuius etiam emaculandi, & repurgandi prouinciam ab eodem Pontifice susceptam fuisse testatur. Patriarchæ porro nomen longè post Apostolorum tempora Ecclesiæ innōtuit, quamuis enim illius origo ab expugnatis Hierosolymis paulatim inceperit, vt tradit^b Baronius, atq; indè postea tractu temporis in Ecclesiam migrauerit, ita vt vix in prima Anacleti epistola, qui Clementi sub Traiano successit, atque in prima Zepherini, prout latinæ redditæ sunt, huius vocis mentio sit, in alijs uerò multis^c Leonis Imp. ad Stephanum Constantinopolitanum Patriarcham, qui rerum potitus est anno Dñi CCCC LVII. aliquantò etiam^d effusior, illius tamen usus frequentior à Gothis primùm uideatur emerfisse, Iustiniano imperante; siquidem^e Athalaricus Rex omnes Archiepiscopos Patriarchas promiscuè uocare solitus fuit, quod etiam ab Ecclesia factitatum aliquando fuisse idem^f Baronius tradit, hac ipsâ licentiâ etiam ab Arrianis hereticis sæpe usurpatâ, quæ enim sequebantur erroris Principem, eundem, ut maiorem suis fraudibus ab hominis auctoritate fidem capterent, & Patriarcham^g dicebant, eodem Batonio auctore. Hæc sunt quæ nos à Gratiani Decreto totos præstant. Quæ uerò Benedicti Iouij sententiam prorsus eliminant, multa itidem sunt. Nulla enim ueritate, nec ueritatis specie nititur, quod ait Iouius, ante Christi

a: lib. 9. dialo.
in numisma.

b: in annalib.
Ecclesiast.

c: in l. de cœr-
nismus. C. de
Sacrosanct.
Eccles.
d: in nouellis
cuius multæ.

e: Baron. in
annal. eccles.
sub ann. 533:

f: in annal. Ec-
cles. sub annis
570.

g: Baron. ibid.

Christi natalem Aquileienses Pontifices, seu Flamines, nostris, seu Comensium Pontificibus, aut Flaminibus præstantiores fuisse; obstat enim Aquileiensis, Veronensisque, & Comensis coloniarum ratio, ut mox declarabo; post Christum verò natum idem esse statuendum, & præsertim Plinij tempore, vtriusque Prouinciæ distinctio, Venetiæ, & Transpadanæ Italiæ facile ostendit, ut supra vidimus; Tempus demum Patriarchalis, & supremæ in alios Episcopos dignitatis apud Aquileienses constitutæ, non ab Apostolis, non à primis nascentis Ecclesiæ Patribus, nec etiam à Romano Pontifice, sed seriùs, & Alboini Regis tempore, ab Episcopis Liguriæ, Venetiæ, & Istriæ schismaticis, ut ostendam, tam insignè Benedicti Iouij errorem demonstrabit, nunc de singulis.

CAP. V.



VIT olim Aquileiam cum iure Latij deducta colonia, post ancipitem diu Senatus sententiam in eius iure statuendo, Istriis etiã bello prohibentibus, ut tradit, Liuius, anno V. cõd. DLXXIII.

P. Cornelio Cethego, & M. Baebio Tamphilo Coss. deduxere Triumuii P. Cornelius Scipio Nasica, C. Flaminius, L. Manlius Acidinus; Comum verò colonia à Cn. Pompeio Strabone Pompeij Magni patre, cum eodem iure deducta est, ^b Strabone, ^c Panuino, & ^d Sigonio auctoribus. Verona an cum alijs colonijs Transpadanis iure Latinæ coloniarum ab eodẽ Pompeio

d: lib. 5.
c: in descript.
Colon. Rom.
d: lib. 3. cap. 2
de antiq. iure
ital.

peio donata fuit, vel ne, in dubio quondam fuit, & Pompeio enim hoc iure donatâ Mamertinus testatur, siue quisquis alius est auctor Panegyrici ad Constantinum, illis verbis: vbi de Verona loquitur, *scilicet ut quam coloniam Cn. Pompeius deduxerat Pompeianus euerteret.* idem probat. Panuinius, docet Sigonius: *in locis sup. præcitatis.* ab Augusto verò inter duo de triginta coloniis relatâ, quarum ^b Suetonius meminit, videtur innuere Toretus Saraina, vbi de Theatro loquitur, sed perperam, ut aliâ multâ; Pompeium enim Strabonem sui coloni ci iuris auctorem agnoscit, non alium, ut infra latius probabo. Erunt igitur pari iure omnes istæ coloniæ constitutæ, nisi melioris conditionis Veronam fuisse credamus, in quâ nulli coloni externi ex illa sæce Romanæ plebis deducti sunt, ut in alias, sed suis ciuibus suæ sedes seruata, ut docet ^d Pædianus. Quomodo *in Pisonia.* igitur fieri potest, ut ab æquali coloniâ altera eiusdem iuris sua sacra agnouerit & petierit & nullo auctore, nullis testibus, & historiæ fide resistente & est enim certissimum, colonias omnes iura, & instituta omnia Populi Romani, non sui arbitrij habuisse, ut docet ^e A. *in lib. 6. c. 23.* Gellius, ita ut quasi effigies paræ, & quædam Populi Romani simulacra viderentur, quod etiam post Panuinium nostrum latius explicans Lipsius, & ^b Velsellus, duo æui nostri lumina, his verbis. *Triumviri* (inquit Lipsius) *colonijs deducendis graues, & prudentes legi solebant, qui etiam sedes, agrosq; & ipsum oppidum, si condendum esset, disponebant, & iura, & formam nomina quasi Reip. dabant, sua tamen, ut omnia Romam, & Urbem matrem referrent; ipsis quoq; locis fora, Capitolia, templa, Curia pro illa imagine essent, & in gubernatione* *Duum.*

fin. l. c. i. tit. imp. Rom. g. lib. c. 6. de magnis. Ro. h. lib. c. rer. August.

Duumviri plerisq; locis, quasi duo Consules, Ædiles item, & Decuriones pro Senatu. Nobis (inquit Vellserus) de religione vniuersim eò minus dicendum, quòd colonos patria sacra, Romana videlicet, coluisse nemo ambigat; ludis tamen, festisq; quibusdam diebus variasse docet Cicerò, quòd inter Romana Urbis commoda ludos, & festos dies numerat, quibus Quirites in colonias missi sint cavituri; deinde subdit, Curatio sacrorum Sacerdotibus demandata est, inter quos eminuerunt Pontifices, & exstant facti marmorei cum inscriptione Pontificum colonie Iulie Sutrinae. Item C. Virius quidam PONTIF. ET DECVR. in antiqua inscriptione legitur, & plura huius generis, præter Ciceronis verba, nos de colonicis Pontificibus dubitare non patiuntur; singulorum deinceps Deorum Flamines, Augures, Haruspices, Æditui etiam, Tibicines, Poepæ, ministri alij; quid clarius? De Sexuiris quoq; Augustalibus, quorum in nostris antiquis inscriptionibus frequentissima mentio est, an inter Larium sacerdotes essent referendi, ut suadet Alexander ab Alexandro, an potius Augusti, ut tradit Choulius, an verò medio inter decuriones, & plebem ordine censendi, ut docet Vellserus, vel potius de illis, eorumq; munere discernendum esset inspecto regionis more, ut innuit Vuolfangus Lazius, nonnulla curiosè scripseram, verum omnia de industria reieci, cū viderem illos ad colonicum ius eatenus duntaxat pertinere, quatenus decurionum numero, & ordine seligebantur, ut scriptis suis idem Lazius testatum reliquit.

Romanorum porrò numinum, quæ à maioribus nostris, ut pote colonis latini iuris, colebantur, exstat mentio in antiquis inscriptionibus Veronæ, & in agro, quas

a: i agraria a.

b: apud Fulv.
V. fin. in gēte
Farsuleia.

c: lib. 3. c. 11.
genial. dier.
d: in l de ant.
Rom. relig.

e: lib. 5. rerū
Aug.

f: lib. 3. cap. 6.
comm. R.
Rom.

quas hîc subijcio: earum prius exemplo in Germaniam
ad Ianum Gruterum à me misso, in cuius postremâ
appendice leguntur Palermanarum schœdarum præ-
positâ notâ.

Cereta in angulo edicula D.
Zenonis.

IOVI
IVNONI
MINERVÆ
... VS. V. S. L. M.

Ibidem.
IOVI
P. PERCEN. ...
SABINVS VET.
COH. II. PRÆ.
V. S. L. M.

*Calderij banc inscriptionem
vidit Saraina, et mendo-
sam, ut omnes edidit.*
DLS IOVI ET IVNONI MANIB.
TI. FLAVIVS NORICVS
III VIR ID. & C.

*Coloniolæ in angulo ædis, quâ
plebem vocant.*
MERCVRIO
V. S. L. M.
L. CALVISIVS P. F.
ORICVLO

*Lauanei propè ediculam ad
montis radices sitam.*

I. O. M.

porcus insulatus

P. FALERIVS L. F. COS.

Vargataria in templo D.
Firmi.

IOVI O. M.

Verona apud me.
IVNONI
*porca scta mammis
prominentibus.*
SACR.

*Coloniola in æde plebis uno
versu oblongo.*

L. POSTVMIVS DOCILIS
T. KAREIVS VALENS
LINTIONES. APOLL.
D. P. S. D. L. D. P.

G *Calderij*

*Calderij, quā vidit, et edidit
Saraina corruptissimam.*

*Verona ad Dini Petri in
carnario.*

V. IVNONI F.

PETRONIO PROBO VE.
TOTIVS ADMIRATIONIS V.
PROCOS. AFRICÆ
PRAE. PRAET. ILLVRICI
&c.

MINERVAE SACR.

C. CASSIVS. L. F.
IVSTVS
VIVIR AVG.
ET LAELIA LOGAS.

*Summa campanea in aede
D. Petri.*

In pago D. Petri in cariano.

GRATIA C. F.

MINERVAE

V.S.L.M.

MER. SACR.
SVM DEVS ALATIS QUI
CRVRIBVS AETERA
CARPO
QUEM PEPERIT MAGNO
LVCIDA MAIA IOVI.

*Verona apud Federicum
Cerutum.*

*Verona in basilicā D. Zeno-
nis à Pipino Rege Caroli
magni F. extructā.*

NOMINE
Q. DOMITII ALPINI
SYLPICIA MATER
SIGNVM DIANAЕ, ET VE-
NATIONEM
ET SALIENTES T.F.I.

LOCVS ASSIGNATVS
MONVMENTO
IN QVO EST AEDICVLA
PRIAPI
IN FR. P. LXX. IN. AG.
P. LXX.

Coloniola.

NVMINI MERCVR.

SACR.

P. LICINIVS SATVRNINVS.

P. S. F.

Non

Non solum verò in his, quæ ad sacra, & ad Reip. administrationem spectant, coloniarum omnes exemplum à Romanâ ciuitate petebant, sed etiam in ædificijs extruendis, quàm maximè ad Romanæ magnitudinis speciem imitandam, & re, & nomine pari studio contendebant, vt nobis liquet ex Tacito, Suetonio, Panuino, Lipsio, & Rosino, atq; in primis ex libris clariss. Velferi; atq; hinc, vt olim in colonijs theatra fuerant, amphitheatra, capitolia, arcus, basilicæ, porticus, atque alia huiusmodi ædificia, ita illorum adhuc vestigia passim per Europam visuntur, sed nullibi plura, quam apud nos, vnam excipio Romam.

Multa Theatri nostri vestigia tēporis iniuriâ, & Barbarorum manu crudeliter disiecta, multiq; illius fornices Veronæ etiâ nunc supersunt ad Athesim; Locus ipse inferior Regasta dicitur, vbi ad fluminis ripam, & in ipsius Theatri radicibus familiæ nostræ piscina sita est: supremum Arx Diui Petri: medium Iesuatorum Cœnobium, & horti priuatorum occupant; multa marmorea frustra ex tantis ruinis apud me seruantur, pleraq; Africana, externa penè omnia; ex nostratibus verò quæ & varia, & copiosa sunt, nec minus pretiosa, ferè nihil, vsq; adeò quæ magno pretio non importabantur, vilescabant. Hercules etiâ bipedalis ad terram pronus, (oneri quippe ferendo olim collocatus,) ex eiusdem Theatri ruderibus penè integer ad me peruenit; item Satyrus vmbilico tenus, brachijs, cruribus, & reliquâ corporis parte deficientibus, quodque omnium rarissimum est in Italiâ, capitulum columnæ angularis, Ionico genere, & tribus volutis distin-

ctum, præter alia multa, quæ in atrio mearum ædium seruata, vt summam mihi patriæ dignitatem, & splendorem cum iocunditate in memoriam reducant, ita omnium rerum vicissitudinis triste monumentum præbent.

Exstat itidem adhuc Veronæ Amphiteatrum proprius integro, exteriori tantum illius ambitu toto ferme collapsò ex terræ motu anno Dñi MCXVII. vix minimâ illius parte nunc superstitè, quâ Alam vocant, vt in eâ possimus tam gloriosæ molis magnificentiam contemplari. Hoc ipsum annis proximè præteritis operâ, & studio Aurelij Prandini I.C., & Marci Veritatis Comitæ VV. Clariss., Reipubl. nostræ tunc Duumvirum, adhærentibus ædificijs deiectis, & solo æquatis, quandam vetustæ maiestatis speciem patefecit, peroratâ prius à me causâ publico nomine, vt à tantâ iniuriâ vindicaretur, Fabio Nicheola, & Lycurgo Spoluerino Iurisconsultis clariss. itidem Duumuiris.

Capitolij porrò nostri talis apud nos inscriptio adhuc visitur, eaque in ipso maiori foro, non in aliquo editiore vrbis loco, vbi olim capitolia exstruebantur, effossa: quam doctissimo Velsèri calamo incuriâ nostrâ subductam vehementer doleo, vt enim Beneuentanum, Nolanum, & alia non magni nominis coloniarum Capitolia commemorat, ita nostrum, quæ maxima illius est humanitas, nec silentio, nec sine laude præterisset.

HORTANTE BEATITVDINE
 TEMPORVM DDD. NNN.
 GRATIANI VALENTINIANI
 ET THEODOSII AVGGG.
 STATVAM IN CAPITOLIO
 DIV IACENTEM IN
 CERE^aBERRIMO FORI
 LOCO CONSTITVI
 IVSSIT VAL. PALLADIVS
 V.C. CONS. VENET. ET HIST.

a: ita re verā
 legitur in ip-
 so marmore.

Integri apud nos arcus nulli exstant, arcu Gallieni excepto, quem Bursaream portam appellant, at multorum, qui interiêre, vestigia adhuc supersunt, alterius scilicet à gente Gaviâ L. Vitruvio LL. cerdone architecto extructi, alterius à Tiberio Flavio Norico IIII VIRO I. D. in cuius posticâ parte, quam nunc tonsoria officina cum ædibus adiunctis occupat, hæc inscriptio Torelli Sarainæ tempore legebatur,

P. VALERIVS
 Q. CAECILIVS
 Q. SERVILIVS
 P. CORNELIVS.

Quartum his adijcio, cuius adhuc exstat columna, cum capitulo, & modico fornicis fragmêto superstite, & clauæ Iouis Ammonis cornuto capite notata, quæ mediū supernè connectebat, visiturque in quadriuiuo prope ædes clavis. fratrum Gentilis, & Aloysij Comitum
 Tur-

Turrianorum; ibidem etiam iam quadriennium, dum à Fabro ferrario fundamenta domus iacerentur, multæ columnarum spiræ sub terrâ suo singulæ loco dispositæ repertæ sunt, nonnullæ itidem anno MDCI in septo Iudæorum in lucem prodire, octonis & ipsæ pedibus sub solo, suoq; ordine locatæ, nuper etiam in ipsis nouis ædibus Pompeij Peregrini Equit. præstantiss. quas splendiss. à solo extruxit (nam quæ vetustæ viscebantur, nunc deiectæ, Veritatis familiæ fuerunt) nonnulla marmorearum columnarum fragmenta, & bases suis sedibus locatæ erutæ sunt, & in loco illis proximo alia similia marmora effossa, quæ omnia vel Basilicæ alicuius, (sunt enim propè forum, iuxta quod illa statuit^a Vitruuius) vel porticus reliquias fuisse literati omnes architec̃i pro certo affirmant. reperta etiam hoc anno fuerunt MDCIV, dùm puteus effoditur, alterius arcus fundamenta affabrè, & miro ordine composita in vico meo Diui Tomæ, quæ summâ cum antiquitatis iniuriâ nullo resistente deiecta sunt, marmoribus inde extractis in apothecarum columnas, & vicinarum ædium fulcimenta conuersis.

Vetus porticus quaterno columnarum striatarum ordine adhuc cernitur in eo vico, quod Mercatum nouum appellant.

Campus quoque Martius, ne quid deesset, quod Romanam ciuitatem in omnibus non referret, triplex apud nos est, vetusque nomen adhuc seruat, primus intra Urbis mœnia, alter extra ipsa mœnia, Scaligerorum olim Principum, at nunc Peregrinæ clariss. familiæ amenissimū suburbanū: tertius octauo ab vrbe lapide, olim
& ipse

& ipse Scaligeræ, postea Seraticæ amplissimæ, nunc Miniscalchæ, aquis irriguis, saltu, & siluâ nobilis. Primû iuuentuti ad exercitandam corporis, animiq; virtutem ludicris certaminibus patuisse credo, sicut etiam nunc patet, cæteros militibus in vsum alendorû equorum; de tertio me dubitare nō finit vetustus Enuerardi notarij liber manuscriptus de diuisionibus Paludis, (is pagus prope Campum Martium postremum iacet) qui apud me seruatur, conscriptus anno Domini M C X C I X. in quo inter cætera multarum familiarum nomina ex antiquissimis nostræ ciuitatis miro quodam fato conseruantur, Scaligeræ scilicet, vnde Principes prodiere, Veritatis, Maseæ, Moscardæ, Fontanellæ, & aliarum multarum, meam quoque his adijcio, non quidem vt inani fastu tumefactus me ipsum ornem, atq; amplificem, sed solû ne quam de meis maioribus mentionem probatissimus auctor fecit, eandem ego ingratâ dissimulatione præteriens non magnificisse videar. Nullus igitur sanæ mentis, quiq; Romanarum Coloniarum iuris omnino non sit rudis, affirmabit, ut Iouius fecit, Aquileiam coloniam præstantiores Pontifices, & Flamines ante Christi natalem habuisse, quàm Comum, quàm Veronam, Colonias æqualis iuris, neque ad hanc Prouinciæ rationem ueteres respexisse, cum sub Aquileiensi Præsule tam Comensem, quàm Veronensem, & alios Venetiæ, & Istriæ constituerunt, repugnat enim ipsarum coloniarum ius, obstat historiæ fides.

Vtriusque uerò etiàm Prouinciæ ratio, Transpadanæ scilicet Italiæ, & Venetiæ, Plinij tempore seruata

nata Iouij lapsum facile ostendit, non enim tunc temporis vtraque simul ab vno Prætorē, seu Proconsule, vt olim ante Augustam Italiæ diuisionem, regebatur, sed singulæ seorsum à diuersis Consularibus, & Prætorijs, vt supra latiùs probaui, & ideo vtrumque Ecclesiastici Antistites in his Prouincijs à principio constituti fuerint, eos sanè post Augusti diuisionem ortum habuisse certissimum est, Christo præsertim annis XXVIII. post Actiacam victoriam nato. si igitur qui illos à principio instituerunt, aliquam Prouinciæ rationem secuti sunt, atque eam fortasse, quam tradit^a Anacletus à Gratiano citatus, & quam Vvolfangus Lazijs videtur innuere^b vbi de Antiochenâ Sede, & vbi de Constantinopolitanâ loquitur, adhuc indubitatum est, aliâ ratione Episcopos Transpadanæ Italiæ, in quâ Comum, aliâ Venetiæ, in quâ Verona, & Aquileia, suam dignitatem obtinuisse.

a: distinct. 97
cap. 1.
b: lib. 1.

Hæc omnia, quæ ab annalium Romanorum cognitione pendent, vt nullâ prorsus excusatione Iouium, & Parauicinum dignos reddunt, ita vulgata Aquileiensis Ecclesiæ historia, quam in primis ex Pelagij Pontificis epistolis Baronius probat, apertissimi, ne dicam supini erroris, vtrumq; arguit. Neq; enim in ipsis Christianæ Ecclesiæ primordijs Aquileiensis Patriarcha constitutus est cū eo iure, quod nunc in subiectos Episcopos exercet, vt malè credit Iouius, sed serius, & circa annum Domini DLVIII, Iustiniani Principis annis supremis, vel potius Alboini Langobardorum in Italiâ Regis tempore, anno DLXX,

vt tra-

et tradit^a Baronius: Otto enim in Ecclesiâ schisma-
 re, Liguria; Venetiæ, & Istriae Episcopis Pelagio
 Summo Pontifici parere recusantibus, Paulinus Aquis-
 leiensis Episcopus, qui cæteros auctoritate antebat,
 Archiepiscopus sacratus est ab Honorato Mediola-
 nensi contra morem maiorum, ut ait^b Sigonius, Pa-
 triarcha; ab eis nuncupatus, & omnibus, qui à Ro-
 manæ Sedis obedientiâ descivissent, supremus Anti-
 fles loco Romani Pontificis constitutus, ut idem
 Baronius testatur, Patriarchalem is titulum primus
 omnium, ac iurisdictionem ad successores transmisit,
 factum deinde Romanis Pontificibus approbantibus,
 Italiæ rebus, atq; Ecclesiæ varijs tempestatum pro-
 cellis^c nimium postea, longoque tempore iactatæ, ita
 suadentibus.

a: in annal.
 Eccles. huius
 anni.

b: lib 20 de
 occid. imp.

C A P. V I.



EC me etiam mouet quòd Hermolaus
 Barbarus (quem nobis Iouius, & Para-
 uicinus in primis obijciūt) à quibusdam
 legi apud Plinium asserit (congerionem
 meum) loco dictionis (Conterraneum
 meum) nullo enim codice, nec manuscripto, nec ad-
 huc impresso, ista lectio adiuuatur, atq; ideo à Beci-
 chemo damnatur, & communi etiam literatorum cal-
 culo reijcitur; non enim hoc fugisset aut Henricum
 Glareanum, aut Iacobum Dalecampium Medicum
 Cadumensem clarissimum, sicubi apud Plinium ex-
 titisset; cuius auspicijs, & operâ Plinius noster ni-
 tidissimus, & ab omni errorum labe purgatissimus in

H lucem

lucem prodijt Francofurti anno Domini M D I C,
 nec etiã latuisset viros illos insignes, quorum stu-
 dio, & doctrinã ante supremum Dalecampij cona-
 tum idem Plinius emendatissimus emerfit, Petri San-
 tandreani typis anno M D LXXXII. Quinimo
 lectionem hanc nullã ratione sustineri posse existimo;
 quid enim est aliud concerro, siue congerro, quã
 is, cum quo nugamur, & ineptias facimus? Gerræ
 sanè, unde uerbum hoc deriuatur, nihil aliud sunt,
 quã nugæ, & ineptiæ leues, ut docet Pompeius
^a Festus, & Nonius^b Marcellus, ac post eum^c Gra-
 paldus, cerrones etiã inde dictos asserit Festus,
 unde concerrones, & congerrones emanarunt,
 uocabulum longè antiquum, & uni^d Plauto, quod
 sciam, notum, & congeras, quod crebrò cocant, so-
 dales dictos fuisse probat^e Scaliger. At quas nugas,
 & ineptias (age etiã fabulas, & iocos) inter Ca-
 tullum, & Plinium intercessisse credendum est, si sæ-
 culum integrum post Catullum Plinius floruit? Quod
 si ideo quispiam Catullum à Plinio concerronem, seu
 congerronem dictum fuisse contendat, quod illius
 assiduã lectione oblectaretur, animosã nimium trans-
 latione uocabulum hoc à sua proprietate deflectet,
 nec moribus fortasse conueniet ueteris disciplinæ ho-
 minis, seuerique supercilij, sed temporis in primis
 supra omnes parcissimi, nimiam iocosi, & procacis
 Poetæ consuetudinem ostentare, eamq; uocabulo ad
 contemptum magis, quã ad iocum comparato, po-
 tueris indicare. si verò etiã Congerrones hi sunt,
 qui aliena ad se congregant, ynde apud Romanos
 Brutiani Gerones dicti sunt, vt inquit^f Fulgentius,
 adhuc

a: in verbo

Gerræ.

b: in verbo

Gerræ.

c: in epist. de-

dicat. ad li.

8 part. 2. diu.

d: in mostel-

lar. & i Tra-

culent.

e: apud Festu

i verbo [so-

dalis]

f lib de uoci-

bus antiquis

i verbo [co-

gerrones]

adhuc apud Plinium nihil efficeret ista dictio: Con-
 cerraneum etiã in quibusdam exemplaribus aliquan-
 do à se lectum Barbarus tradit, corruptã quidem di-
 ctione, verũ ita tamen, vt ad germanam, & ab omni-
 bus approbatã, quã proximẽ accedat. Postremò ten-
 tatis omnibus, sed frustra semper, remedijs, vt quĩ de-
 ploratã ualitudine oppressi nullũ recusant, faretur tan-
 dem Iouius, (tanta vis est veritatis, vel potius ne-
 cessitatis) faretur etiã Parauicinus, **CONTER-**
RANEI vocabulo vnius diœcesis homines, & ter-
 ritorij tantũ contineri; cãterũ cum eã ratione id
 efficiant, vt Catulli originem in Comenses transfe-
 rant, ne verbum hoc temerẽ, & nequidquam Pli-
 niano è calamo excidisse videatur, dictitantes illum
 Valeriã gente ortum, quæ Comensis olim fuit, ita la-
 pidibus apud eos nuper repertis indicantibus; neces-
 se est vt homines deuios, & vanissimo errore decep-
 tos in rectum Romanæ historiæ callem, à quo longẽ
 videntur deflexisse, reducamus, atq; ita dum de Pli-
 nio ciue suis Veronensibus asserendo tractatio
 nobis est, Catullum interea eisdem, vel
 eripi iniquẽ, vel illius originem fal-
 sò Comensibus adscribi non
 patiamur.



DE VERA C. PLINI SECVNDI SVPERIORIS PATRIA,

ATQ. EA VERONA:

POLTCARPI PALERMI I.C. VERONEN.

Liber Secundus.

CAP. I.



T multa sunt quibus castrense Plinij vocabulum Comenses, Hermolao Barbaro suasore, & auctore circumueniebant, & ad transfugium, iniquamq; transitionem sollicitabant, ita mihi paucis non erat agendum, vt iuratam pronobis dictionem à tam violentis conatibus assererem, & intra sua castra, hoc est intra nostrum vallum, continerem; quo circa excusatus satis ero, si, præter instituti mei rationem, totus mihi liber, & iusto penè longior fortasse excidit, dum tantis Comensium paratibus obsisto; neq; enim sanè grauiorem pugnam memini me vnquam subijsse, nec quæ magis ab aduersarijs fuerit ab omni parte restaurata, at nec immeritò quidem; maximam enim victoriæ spem constitutâ videbât in huius vocabuli propriâ significatione eruendâ; itaq; omnia quæcunq; ad illius originem, formationem, deriuationem, ac demum definitionem spectabant, mihi necesse fuit longâ explanatione aperire, ac
demum

demum quam plurimis doctorum virorum testimonijs singula cōfirmare; ne vel sine ratione loqui videremur, (quod est fatuorum,) vel sine idoneis, & legitimis testibus (quod esset arrogantis ingenij, nimiumq; sibi tribuentis) causam nostram ageremus. Nunc venio ad gentem Valeriam Comensem, ad quam Catulli originem acutissimi Comenses referunt, vt illum Plinij non sui contrerraneum efficiant, & vtrumq; Comensem. Comi Valeriam gentem olim fuisse, Iouius, & Parauicinus prædicant, lapidibus postremo apud eos è solo erutis id indicantibus; quibus ego quoq; assentior, licet illorum inscriptiones nondum legerim; ne tantorum virorum fides apud me dubia in hoc esse videatur: sed ab istâ gente Catullum originem duxisse, & Plinium ad eam intendisse, cum illum Contrerraneum suum vocauit, neq; verum est, neq; vlla veritatis specie niti potest; quàmuis autem illis non defuerit Comensis testis, (quem miror etiam iuratum illis non accessisse, vt olim, Iulius Proculus Romuli, & Numenius Atticus Augusti diuinitatis falsi, & periuri asseueratores exstiterent) nihil tamen efficiunt, nec ideo minus sibi falsò blandiuntur: subijciam istius carmina, ac mox illorum errorem coarguam.

ar. L. in. lib. 6.
b: Dio. lib. 6.
in fine.

Tu clavis secunda viri, te matre Catullus

Gaudet, te matrem Plinius omnis habet;

Mitto Cæcilios, & Ruse insignia gentis,

Atq; alios, quos est longa referre mora.

Horum carminum auctorem Cæcilium Parauicinus facit, illum nimirum Comensem Catulli familiarem, qui

qui sæculum integrum ante maiorem Plinium, & longius æui spatium ante posteriorem floruit, vnde non nisi diuinâ quadam mente, & fatidicâ, futurorumque præsciâ, vtrumq; Plinium præuidere, & celebrare potuit, ^a *tantum mortalia pectora ceca Noctis habent.*

^a Quid. lib. 6
Metam.

At verò eundem nos versificatorem aliquem è posterioribus fuisse credimus, ita illius carminum notâ indicante, ex quibus nulla Veneris, nulla Romanæ elegantiae, leporisue aura naribus legentium spirat, sed stilo enerui, & fluenti feruntur, quali pleraque omnia posteriorum; vbi verò inter Comenses familias Rufam commemorat, & illius insignia, tunc verè se nec valde eruditum, nec antiquum apertè testatur: etenim nunquam (Rufus) nomen alicuius familiæ proprium fuit, sed multarum cognomen tantum, à capillorum colore tractum, Cordiæ scilicet, Farsuleiæ, Sulpiciæ, Virginiae, & aliarum multarum inter Romanas, Corneliæ verò, & Lætiliæ inter Veronenses; non inficior tamen, quin & Rufa gens dici possit latinè, & sine historiæ offensione, quando vnius tantum familiæ, nō multarum cognomini inferuiret, ita enim & ^b Plinius gentem Lepidam vocauit, idest Æmiliam, quæ sola Lepidorum cognomento utebatur, & gentē Galbam

^b lib. 7. c. 12.

^c lib. 6. an-
thropol.

Volaterranus, pro Sulpicia, quia Galbarum cognomē proprium Sulpiciæ gentis fuit, malè tamen illi prænomine Sergiorum apposito, pro Seruiorum, hoc enim proprium prænomen Sulpiciorum fuit, ut Sergius proprium est familiæ nomen, ex quâ L. Sergius Catilina, & alij, à Sergesto Troiano Ænææ comite deductæ, ut tradit ^d Vergilius; at quæ nam sunt ista insignia gentis Rufæ? si tantum Federici primi Imp. æuo familiarum

^d lib. 5. Arn.

liarum insignia, quibus nunc utimur, perpetuâ successione in Italiâ gentilitia esse cœperunt, ut tradit Petrus. Gritius Aelinus è uerùm utcùmq; se habeant ista carmina cum suo auctore, hoc profectò in comperito est, ex eis non apparere, quò spectent, neque enim magis ad Comum diriguntur, ut credit Parauicinus, quàm ad Veronam, (cui rectius fortasse conueniunt,) ueram Catulli patriam, Plinij itidem Superioris naturâ, ut Plinij minoris ciuili iure adoptionis, in qua Cœcilia gens, & Ruforum cognomina multarum familiarû antiquitus extitere. Verùm esto, quòd Valeria gens inter Comenses aliquando fuerit relata, non ideo tamen sequitur, ut Catullus ex illâ ortus auctores suos Comenses habuerit; nullo præsertim testimonio, unde hoc probetur, exstante; cur enim magis ab illâ Romanâ patriciâ à Sabinis oriundâ, Acisculorum, Flaccorum, Messalarum, Poplicolarum, & alijs cognominibus distinctâ, quàm à suâ Comensi Catullum non deducunt? an fortè quia inter Romanas nulla unquam exstitit Catullorum? at nec inter Comenses, quod sciam; cur igitur in re tam incertâ hoc pro certo audeat Parauicinus affirmare? usq; eò scribendo prolapsus, ut asserere etiam non uereatur, ex isto suo argumento meliore forsan iure Comenses Catullum, quàm Veronenses Plinium suum sibi ciuem uindicare. Verùm ego illis iam iam Catullum Veronensem ostendam, simulque Valeriam gentem uiuorum numero amplissimam, & uarijs cognominibus notatam, Clementium scilicet, Crispinorum, Festorum, Montanorum, Seuerorum, Trophimorumq; addo etiâ Coxsinorû, apud nos olim fuisse, nostrorû lapidû fide, & auctoritate demonstrabo.

arlib, cui ritu
lusCastellio:
sue de insi-
gnibus nobi-
litate.

Catullus igitur, ut ab illo exordiar, Sirmionem lacum suum vocat, seque illius herum dicit, (est autem Sirmio, ut omnes conueniunt, peninsula cum oppido ad littus Benaci in agro Veronensi quintodecimo ab Vrbe lapide) ex quo facile conijcere possumus, Veronensem illum fuisse; quod etiam aperte innuit in elegiâ ad Ianuam impudicæ mulieris ibi,

Brixia Verona mater amata mea.

Catullus porro Veronam alibi Cæcilium Poetam ad se Como accersit; & in elegiâ ad Mallium, Veronæ se esse scribit librorum copiâ destitutum, & Cæcilium, Quintiumq; Veronensium iuuenum florem alibi appellat; quod si adhuc Parauicini animus in dubio versatur, audiat veteres, posterioresque scriptores hoc ipsum clarius testantes. * Ouidiumque ante alios, ibi.

27 eleg. vlti.
lib. 3. amor.

Mantua Vergilio gaudet, Verona Catullo,

Peligna dicar gloria gentis ego.

8. epigr. 103.
lib. 10.

b Martialis itidem ter expressè, bis tacitè hoc idem tradit; expressè ibi.

Nec sua plus tenui debet Verona Catullo,

Meq; velit dici non minus illa suum.

5. epigr. 8. lib. 1

Item ad c Maximum de Columba Stellæ, ibi.

Stellæ delictum mei columba,

Veronâ licet audiente dicam,

Vicit, Maxime, passerem Catulli.

4. epigr. 195.
lib. 14.

d Item ibi

Tantum magna suo debet Verona Catullo,

Quantum parua suo Mantua Vergilio.

c lib. 5.

Ita enim legendum est, non parua Verona, magna Mâtua, (ut legitur in quibusdâ codicilibus,) * Strabone

id nobis suadente, qui Veronam longè ampliorem Mantuâ suo tempore fuisse scribit Augusto imperante, & sub Tiberio, tacitè ibi.

a: epigr. 19.
lib. 1.

Verona docti syllabas amat Vatis,

Marone felix Mantua est.

Doctum Vatem Catullum intelligens; quo cognomine ab antiquis poeta noster designatus est, quibus & posteriores assenserunt, ita enim illum Ovidius appellat in elegiâ, quâ Tibulli mortem deflet his verbis:

b: eleg. 8. lib.
3. amor.

Obuius huic venies hedera iuuenilia cinctus

Tempora cum Galuq; docte Catulle, tuo.

Et Sannazarius in epigrammate ad Iouianum Pontanum de Catullo ab eo restituto.

Doctus ab Elysia redeat si valle Catullus,

Et trahat ingratos Lesbia sola choros.

Marullus, etiam in epigrammate de comâ Berenices aduersus Politianum, & Scaliger, ater vir clariss. & omnium sui sæculi doctissimus, idem testantur. Inter posteriores verò adeo trita, & vulgata est ista sententia, inter quos eminent Franciscus Petrarca, & Petrus Crinitus, vt valde mirer Parauicinum tantæ eruditionis virû illam in dubium reuocasse. Omittere etiâ consultò volebâ de Plinij nostri testimonium, qui in eo loco, vbi Mamuræ Formiani Catulli carminibus proficisci meminit, prout etiam Cigalinus monet, Veronensem illû apertè nominat, ne illos honesto rubore perfunderem, qui sine ipso Plinio de Plinij patriâ scribût, sed nefas esse duxi tanti viri testimoniû subticere;

c: citatus à
M. Ant. Murero in com
mēt. C. stoll.
d: lib. 6. cap 7
I Oct.

e: epistola 3.
lib. 1. r. resti
senil.
f: cap 27. li. 2
de Poet. lat.

g: cap. 6. li. 36

Verba Plinij sunt. *Hic namq; est Mamurra Catulli Veronensis carminibus proficissus.*

a: epist. 16.
lib. 4.

Alter Parauicini lapsus, & aliorum Comensium nihilò leuior, ille est, vbi Catullum à Plinio iuniore suum vocatum fuisse dicunt, in epistolâ ad Falconem, vt illius originem in suos Comenses nulla prorsus omisâ iniuriâ transferrent, non videntes Catullum in eâ epistolâ non à Plinio suum vocari, sed à Sentio Augurino, Poetâ illius temporis non ignobili, Catulli verò in primis rarissimo imitatore, quod etiam ante me^b Crinitus obseruauit, licet illû Sentium Angurem, pro Augurino appellet.

b: cap. 17 lib. 1
de Poet. lat.

CAP. II.



Quantum fuerit apud nos priscis temporibus Valeria familia, docent inscripta monumenta, quorum pars à Torrello Sarainâ refertur, nonnulla verò à me etiam fuerunt obseruata

*Extra portam Diui Georgij
in Valle dominicâ.*

In Pago Portu.

P. VALERIVS SP. F.
MONTANVS
VIVVS FECIT SIBI ET
SPVRIAE DOMITIAE
MATRI
ET PATRI HILARIONI
ET SVIS.

GAVIA C. F.
RVLLA
VIVA SIBI FECIT ET
M. VALERIO CRISPINO
FILIO
O LEG. VII.

Fuma-

Fumanis.

C. VALERIUS
CLEMENS.

*Verona in parte postica
Arcus in vico
Leonum.*

P. VALERIUS
Q. CAECILIUS
Q. SERVILIUS
P. CORNELIUS.

*Veronę in vestibulo templi
Trinitatis.*

D. M.
ARRVNTIAE
FELICITATI
C. VALERVS.

*reliquę in ostij limine super-
adificato delitefest.*

*Verona in templo Diui
Proculi.*

..... L. F.
MAXIMAE ET
C. VALERIO L. F.
FESTO
C. VALERIUS.

*Lananei in pariete ediculę ad
montis radices sita.*

I. O. M.
porcus insulatus
P. VALERIUS P. F. COS.

Prope Benacum.

D S
HERCVLI
ET IVNONIBVS
AVG.

C. VALERIUS.
SEVERVS
ET CLODIA CORNE-
LIANA
PRO L. VALERIO
CORNELIANO
V. S. L. M.

*In ade D. Georgij vallis
Pulicellę.*

L. VALERIUS
.....

*Pontroni in hortis V. clariss.
Cesaris Nichesole Fabij
I. C. clariss. F.*

L. VALERIUS L. F.
COXSINVS.

Ibidem.

PARCIS AVG.
P. VALERIUS
TROPHIMVS
ORNAMENTIS
DECVRIONALIB.
REST. OR. R. VER.
I 2 Nec

Nec miretur quispiam has duas postremas inscriptiones ad gentem Valeriam à me referri; cum magis ad Faleriam pertinere videantur, quoniam veteres frequenter vñ sunt litera F pro V, siue propter quandam, quæ inter vtriusq; sonum est, affinitatem; siue; quod est verius, quia nullam syllabam litera vocali geminata constituebant, Donato auctore, sed eius loco, quæ consonas effici debuisset, digama Æolico, idest litera F utebatur, hinc illa antiqua exēpla emanarunt, DaFus, ferFus, Fulgus, & similia pro Dauus, seruus, vulgus, ^aQuintiliani, & ^bHuberti Goltzj testimonio annuente. hinc etiam illud in antiquis epitaphijs frequentissimum FiFens fecit, pro viuens, & Fixit pro vixit; quod etiā inuersa litera J aliquando factitatum fuisse video, vnicum sufficere exemplum Camertis inscriptionis pro multis, quas possem referre, quod est perelegans, & vetustissimum, referturq; à Petro Appiano.

a: lib. 1. cap 4
& 7.
b: in explicat.
literæ F in
Thesaur rei
antiq
& in Indice
grammatic.
fol. 179.

C. TIBVLLA

C. SEMPRONI F. L. NEP.

INFERNO PLTONI

TRICORPORI OXSORI

CAR. PROSERPINAÆ

MVNVS MECVM FERENS

DAMNATAM DEDO ANIMAM

FIAM HOC ME CONDO

MONIMENTO

NE OBRVTIS DOMVS LAPSV

FILIS SEX

QVOS P. SCIPIO PATRIS COMERTIB.

A SALO. ET LYBIA INCOLVMES

RESTITVERAT

INDESOLATA ORBITATE SVPSIM

MIGERA

IX ANN. XXXX. M.I.D. VI

HOR. SCIT NEMO.

Ipsam

Ipsam etiã Lauaniensem inscriptionem; cuius mentio supra habita est, & vetustissimã esse credo, (hoc enim & lapis ipse confractus indicat,) & ad P. Valerium Flaccum Consulẽm pertinere; qui Consulatum gessit cum M. Atilio Regulo collega anno V.C. DXXXVII, maioremq; fidem marmoreæ inscriptioni habendam esse censeo, in qua P.F. describitur, quam fastis Verrij Flacci, & alijs hucusq; editis, in quibus per errorem L.F. vocatur. Notam porrò fœderis inter Romanos, & Venetos iacti in eo sculptam esse coniicio, belli Gallici Cisalpini motibus iam tũ plusquã antea gliscẽtibus; multa sunt quæ mihi hoc persuadent; Porca, seu porcus insularis sacrificio addictus, hunc enim qui fœdus inter se percutiebant, mactare consueuerunt, ^a Varone, ^b Vergilio, & ^c Tranquillo testibus, sic enim Varro. *Quod initijs Cereris porci immolentur, & quod initijs pacis fœdus cum feritur, porcus occiditur.* illud porrò Vergilij vulgatissimum est.

a: lib. 2. cap. 4
de re rust.
b: lib. 8. Aen.
c: cap. 25. in
Claud.

Et casã mactabant fœdera porcã.

Tranquillus verò à Claudio fœdus iactum in foro cum Regibus tradit, *Porcã casã, & vetere fœcialium præstatione adhibitã*, quibus accedit ^d Pompeius Festus his verbis. *Porci, inquit, effigies inter militaria signa locum obtinebat, quia confecto bello inter quos pax fieret casã porcã fœdus firmari solebat*, illæ itidem tres literæ in superiore parte lapidis notatæ hoc idẽ ostendunt I. O. M. videlicet Ioui Optimo Maximo; etenim illius humen à Fœciali peracto fœdere inuocabatur, vt docet ^e Liuius in præclara, & antiquissima illa formula, cuius etiam meminit ^f Brissonus, qua fœdus iactum à Tullo Hostilio cum Albanis describit. *Audi, inquit, Iupiter, audi*

d: in verbo
Porcus.

e: lib. 1.

f: lib. 4.

Pater

Pater patratre Populi Albani, audi tu Populus Albanus, ut illa palam prima postrema ex illis tabulis, ceraue recitata sunt, sine dolo malo utiq; ea hic hodie rectissimè intellecta sunt, illis legibus Pop. Romanus prior non deficiet, si prior defexit, publico consilio, dolo malo, tu illo die Iupiter Populum Romanum sic ferito, ut ego hunc porcum hodie feriam, tantoq; magis ferito, quanto magis potes, pollesq; id ubi dixit, porcum saxo silice percussit. Hac etià coniectura ductus hoc magis mihi persuadeo, nam Veneri ante Hannibalis in Italiam aduentum in societatem, & amicitiam Romanorum concesserant, ut docet¹ Polybius, nec vnquam ab eis postea bello petiti, victi, aut subacti sunt, sed fidem semel datam castissimè semper coluerunt, recte¹ Sigonio.

2. lib. 2.

lib. 12. c. 25
de ant. iure
Ital.

Verùm & ampliozem Veronæ Valeriam gentem fuisse, quàm ex præcitatis lapidibus colligitur, nos movent alia vetusta, quæ apud nos seruantur, documenta, in quibus fœminarum nomina ex eadem gente notata sunt, nec dubium hoc argumentum; est enim certissimum, antiquos, ac præsertim Romanæ Reip. tempore, & adhuc florente imperio, fœminarum suarum nomina ex ipso familiæ cuiusq; nomine petere solitos, ac deriuare; auctores sunt Dionysius Halicarnasseus, Liuius, Plutarcus, Franciscus Robortellus, Antonius Augustinus, Panuinius, Sigonius, & alij; vsus deniq; hoc probat nulli literatorum ignotus. hinc omnes ex Corneliâ Cornelix, ex Sulpiciâ Sulpix dicebantur, ex Domitiâ, Seruiliâ, Octauîâ, Iuliâ, Domitix, Seruiliæ, Octauix, Iulix. Prænomine distinguebantur, rarò tamen, at in primis æuo superiore, ut Caia, Lucia, Mania, Numeria, cognomine utroq; tempore, quod arbitrio

bitrio parentum, & ex euentibus vt plurimùm filiabus accedebat, vt Seuera, Festa, Hilara, ex ordine etiam natalis earum, vt Prima, Secunda, Tertia, Quarta: quod etiam in maribus fuit obseruatum: quandoque verò ex ipsâ etiâ familiâ cognomen fœminę sumebant, vt in Cęciliâ Metellâ vidimus, Q. Cęcilij Metelli Cretici filiâ, & vxore M. Crassi, cuius adhuc sepulcrum penè integrum, extrâ Romæ muros in viâ Appiâ cer- nitur cum hac inscripitione.

CÆCILIAE
Q. CRETICI F.
METELLÆ
CRASSI.

Sepulcrales porrò lapides, in quibus Fœminarum Vale- riæ gentis mentio est, quiq; apud nos seruantur, hi sunt.

*Veronę ad D. Clemētis cuius
etiâ meminit^a Manucius.*

DIS MANIBVS
ET MEMORIAE VALERIAE
VALERIANAE
C. MAECIVS ATILIANVS
VXORI
ET MAECI FRONTO ET
ATILIANA
MATRI.

Veronę in area ante Basilicā

D. Zenonis.

VALERIAE
C. F. MAXIMAE
HERENNIA P. F. AVGVRIANA
FILIAE PISSIMAE
ET SIBI

*Veronę prope portam nouam
ante ostium fullonis.*

• • • LERIAE L.L. GALLÆ
• • • MENTO
• • • IVSS.

Pontoni in hortis Nichefolijs.

CALPVRNA
L. F. PRISCA
SIBI ET
L. CALPVRNIO
QVADRATO PATRI
VALERIAE C. F.
SECVNDE MATRI
L. CALPVRNIO
PVVENTI FRATRI
III. AVG.

*a: lib. de orto
graph i ver-
bo Marcius.*

Hu-

Hucusq; vidimus Valeriam gentem, Comensibus ita testantibus, Comi olim fuisse, eandem uerò etiam Veronę antiquitus floruisse tā immēso lapidū nostrorū numero docti sumus, sed adhuc in incerto est, an nostra Veronēsis ab illa Comensi pēdeat, an uerò illa potius à nostra effluxerit; verū leuis dubitationis facilis est resolutio: aut enim cognomina utriusque, quibus olim familiæ distinguebantur, inter se conueniunt, & tunc vtramq; unam eandemq; fuisse facillè credemus, sin minus, negabimus; quis est enim uel mediocriter tantum literatus, qui ignoret multas Romani nominis familias passim per totam Europam, quodcumq; Romana potentia penetrauit, repēiri, omnes tamen inter se diuersas? quāq; ratione apud nos olim existerunt infra scriptæ, quę in nostris inscriptionibus adhuc supersunt, præter alias uetustate, & obliuione deletas,

Annia	Coelia	Julia	Postumia
Aquillia	Cornelia	Lelia	Quinctia
Arria	Curtia	Licina	Quintilia
Atilia	Didia	Liua	Seruilia
Attia	Domitia	Marcia	Statia
Aurelia	Flauia	Nonia	Terentia
Cæcilia	Fuluia	Octauia	Tituria
Calpurnia	Furia	Petronia	Turpilia
Cassia	Herennia	Pomponia	Valeria
Claudia, & Clodia	Hostilia	Porcia	Vibia

Eādē ratione apud alios etiam inueniri possunt, nec tamen Romanæ, nec eādē, nisi quatenus cognomine inter se non differant, sed penitus diuersæ? unde autē id acciderit, nunc, quādo ita res exigit, breuiter aperiam:



NOVI, & alieni nominis assumptio multis de causis apud antiquos olim contingebat, vel enim manumissionis, vel adoptionis iure, siue etiam priuatæ clientelæ, serui libertate donati, adoptiui, cliētesq; suorum patronorum, patrūq; adoptantium familijs inferebantur, & illorū nomina sumebant, diuersā tamē quisq; ratione, quoniā liberti patronorū quidē p̄nomē, & ipsum illius familię nomen gestabant, cognomē vero nunquā, sed illius loco propriū nomē retinebāt: at qui cī uitatē Romanā alicuius Romani ciuis beneficio adepti fuissent, illius cliētes efficiebātur, & ad instar manumissorū, libertate illi, ciuitate isti acceptā eiussdē p̄nomine, & nomine familię utebātur, adoptiui verò etiam cognomine, suo tantū nomine nō nihil immutato; singula suis exēplis p̄bāda, licet apud doctos nulla egeāt p̄batione. Omnes Marci Tullij Cicēronis liberti Marci Tullij & ipsi dicti sunt, at nullus Cicero, sed quod illis prius erat nomē, in cognomen transijt; Hinc Marci Tullij Tironis, & M. Tullij Laureę nomen (fuit enim uterq; longē eruditus, & à libris) apud scriptores legitur. Laureę carmina à Plinio potissimū probantur, tamquam digna tanti viri liberti; cuius etiam extat perhultum epigramma græcum in^b Sappho. hoc idem passim latinæ inscriptiones hāc nota L, quę libertum, libertamue significat, indicant, quarum tantus apud nos est numerus, quāuis vix in totā Romā, ut vel hinc intelligas maiores nostros humanissimos semper, & in suorū seruorū libertatem pronos fuisse: tria tantum subiiciam exempla, cæteris quamplurimis prætermittis.

2. lib. 31. c. 1.

b. lib. 3. Flori.

*Verona in Arcu gentis
Gauis propè castrum
vetus.*

L. VITRUVIUS L. L.
CERDO
ARCHITECTVS.

Verona in aede D. Syluestri.
L. CASSIVS L. L.
IANVARIVS
&c.

Garda ad litus Benaci.
D. M.
SEX. NAVINIUS
SEX. L.
APOLLONIUS. &c.

Ex quibus Cerdonem L. Vitruuij, Ianuarium L. Cassij, & Apollonium Sex. Nauinij prius seruos agnoscimus, libertate verò postea ab eis donatos, patronorū nominibus notatos videmus; quæ omnia in his etiam, qui à patronâ feminâ manumissi essent, seruabantur, vt docent hæ duæ nostræ inscriptiones.

Verona in arce D. Petri.

CORNELIO C. L.
MONTANO.

Verona in vico D. Andrea.

OCTAVIA C. L.
HILARA &c.

a: lib. 2 cap 7
in 60.

b: lib. antiq.
numismat.
dial 9.

c: in Thesaur.
rei antiq.

Neq; enim dubium est literam illam C. hoc modo inuersam C. Caiæ prænomen præferre^a Quinæiliano, Antonio^b Augustino, & Huberto Goltzio testibus.

Filios porro adoptiuos in parentum familiam transuissse eorum nominibus vnà cū cognomine susceptis, suæ tantum familiæ nomine retento, sed nō nihil immutato, nulli dubiū est; præsertimq; Reip. tēpore, in cuius rei testimonium Augusti tantum exemplum nobis sufficiat: is enim C. Octauio genitus C. Octauius dicebatur,

ve-

verum à C. Iulio Cæsare postea adoptatus C. Iulius Cæsar Octavianus dictus est, cui deinde Augusti cognomen accessit, auctore Senatu, quod maiestatem quandam, & venerationem hominis naturâ ampliorē continet, vt docet, Dio, vel illud à se ipso induit, vt ait ^b Florus, non propter auctū imperium, vt olim credidit ^c Accursius, ^d Ouidio fortasse suadente: Augustū enim vocamus, quod honore dignissimum, & sanctissimū est, quodq; ^e *Σεβαστή*. Græci vocant, quasi venerandū, ita passim Cæcilianos, A milianos, Plætorianosq; , & alia huiusmodi nomina apud historicos, & in numis antiquis legimus, è Cæciliâ quippe gente, Æmiliâ, & Plætoriâ in alienas familias per adoptionem insertos. Ita C. Plinium nepotem C. Cæcilij filium fuisse nouimus, qui tamen ab auunculo C. Plinio Secundo adoptatus C. Plinius Secundus Cæcilius & ipse dictus est, veteri illâ consuetudine iam antiquatâ, cum magis Cæcilianus dici debuisset, prout illum nominat Scaliger filius, & alij doctissimi auctores.

a: lib. 55.
b: lib. 4 cap. 4

c: in rub. pro-
em. In lib.
d: lib. 2. f. 11.

Eâdem & municipales ratione, vel externarum coloniarum ciues, quicumq; ciuitatem Romanam alicuius Romani ciuis beneficio accepissent, illius priuati clientes efficiebantur, & prænomen eiusdem cum nomine sumebant. Horum meminit ^a Cicero, ^b Cæsar, ^c Plutarchus, ^d A. Gellius, & ^e Proculus I. C. & omnium nouissimus, ^f Budeus. ^g Cicero ad Acilium scribens; Cum Demetrio, inquit, *Mega mihi vetustum hospitium est, familiaritas autem tanta, quanta cum Siculo nullo; ei Dola-* bellam rogatu meo ciuitatem à Cæsare impetrauit, quâ in re ego interfui, itaq; nunc P. Cornelius vocatur (Dolabellam enim è gente Corneliâ, & Fublium vocatum,

e: pro Sex no
ic. Amer.
fil. b. 6 de bel
lo Gall.
g: in Romulo
h: lib. 5. c. 13.
i: in l. ron de
bio ff de
capit & post
lim reuerf.
k: in annot.
ad Pand. in
l. Hicet. ius.
ff de euct.
l. epul. 37. b.
13. tit. 11.

a: lib. 2. in
Verrem.

be ibid.

c: lib. 1. de bel
lo Gall.

d: in verbo
[scelerata]

e: lib. 2.
f: li 6. in prin.
g: in orat. pro
Plane.

h: Tacit lib 2
hilor.

i: Sueton in
Aug. ca. 16.
in fin.

k: Hu. 3. de
bell. Atic.
li lib. 2

m: li 3. cap 4

uel lippis, & cæcis liquet.) Idem^a alibi Cn. Pompeium Theodorum, & Sex. Pompeium Chlorum nominat, ambos Siculos, quorum alter Cn. Pompeij Patris beneficio, alter Sex. Pompeij filij ciuitate fuerat donatus; ab eodem quoq;^b Q. Cæcilium Dionem Halesinum ideo uocatum intelligimus, quod is Q. Cæcilij Metelli operâ inter Romanos ciues relatus fuerat, & Q. Lutatium Diodorû, quod Q. Lutatij Catuli studio Romanâ ciuitatē à L. Sylâ fuerat cōsecutus.^c Cæsar uerò de Valerio Procilio ita inquit. *Cōmodissimū visum est, M. Valerium Procilium, C. Valerij Caburri filium, summa uirtute, atq; humanitate adolescentem, cuius pater à C. Valerio Flacco ciuitate donatus erat, mittere.* tantus uerò istorum priuatorum clientum aliquando fuit numerus, ut eorum quinque millia Fabios ad bellum secuta fuerint^d Pompeio Festo auctore.

Fuerunt etiâ apud Romanos aliæ clientelæ, quæ publicæ uocabantur, Vibium scilicet, & Prouinciariû, quæ alicuius Romanæ familiæ patrociniò, & fidei se addixerant, quod institutum ab usq; Romulo Manauit, ut tradit^e Dionys. refert^f Velserus. Dyrrhachium itaq; in fide suâ fuisse^g Cicero testatur, Sicilia omnis Marcëllorum patrociniò utebatur^h Crassorû Itria, Bononia Antoniorum, Puteoli Bruti, & Casij, quos etiam patronos sibi adoprarunt; ⁱ Getulî uerò C. Marij clientes fuerunt; Agrum Picenum clientelis quamplurimis Cn. Pompeij Strabonis refertum prodit^k Paterculus, & plurimas clientelas ab Appio Claudio cæco rectas^m Valerius Maximus auctor est.

His ita præmissis, reliquum est ut uideamus, unde tam in Comensem Coloniam, quàm in Veronensem, & in

& in alias ciuitates, & Prouincias Romana nomina confluxerint, & externis familijs inserta cum eis coaluerint: illis enim video præter Italiam, totam Hispaniam refertam, vt antiqui lapides relati ab Ambrosio Morali ostendunt, in quibus est etiam frequens mentio Valeriæ gentis, varijs tamen cognominibus, & à nostris penitus diuersis distinctæ, Optatorum scilicet, Phæborum, & Valerianorū, eisdem & Germaniam, & Galliam abundare docent inscriptiones ad has prouincias spectantes apud Petrum Appianum, Lipsium, Velferum, & Gruterum. Credo igitur iure priuata clientelæ in primis id euenisse: est enim certissimum, quod quemadmodum colonis latini iuris Romæ ius suffragij non erat omnino prohibitum, illorum potissimum magistratuum permissu, qui Romæ comitia haberent, quatenus ex ^b M. Iulio, Dionysio, Halicarnasseo, & ^a Liuiο conijcere possumus, & omnium postremus docet ^c Panuinius, ita illis qui maiores magistratus in Latinâ coloniâ gessissent, ex Decurionum quippe ordine, (nam Decurionum honoribus plebeij fungi prohibebantur, vt inquit ^f Paul. I. C.) Romana etiam ciuitas pleno iure adquirebatur, Romanis præsertim ciuibz adnitentibus, ^g Liuiο, ^h Appiano, ⁱ Panuinio, ^k Rosino, & Iacobo ^l Cauacio auctoribus, post Strabonem: ita enim legitur apud eum, licet sub obscurè. *Auricomorum verò metropolis Nemausus exstat, alienigenâ quidem plebe, & mercatorum numero longè Narbone infèrior, caterùm regendâ ciuitatis formâ superior; quatuor enim & viginti eiusdem nationis vicos habet subditos virorum fortitudine excellentissimos, illi tributa conferentes, & Latij ius habentes,*

adco

a: in lib. cui
titulus Las
antiqueda-
des.

b. in orat. pro
P. Sext.
c: lib. 8.
d: lib. 15.
e: in lib. cui ti-
tulus Impe-
rii Roma-
num.

f: in l. 7 ff. de
Detur.

g: lib. 47.
h: lib. 2. bell.
ciuil.
i: in lib. supra
cit.
k: lib. 10. c. 12
antiq. Rom.
l: lib. 1. hist.
cognob. D.
Iustinz.
m: lib. 4. in
prine.

adeo ut qui *Ædilitatis*, *Quæstura*que dignitatem *asse-*
cuti sunt, *Romani in Nemauso adsint*; innuens, ut est
 verissimum, ciues Romanos deinceps Nemausi adef-
 se, qui maioribus magistratibus inibi defuncti sunt.

a: lib. 4 c. 10.
 genial. dies.

quod tamen aliter sensit ^a Alexander ab Alexandro,
 suppresso auctoris nomine de more. Hinc est quod
 Catulli tempore Comi Cæcilia gens, (Cæciliæ quippè
 Romanæ cliens) exstabat, nec deerant aliæ familiæ
 Romanis nominibus honestatæ, Colonia scilicet latini
 iuris eò iampridem à Cn. Pompeio Strabone deductâ
 ut supra vidimus. Hinc est quod Cæliorû, & Quinctiorû
 Veronensiu, Furiorûq; & Aureliorû, præter alios, quos
 itidem Veronenses fuisse facilè credimus, mentionem
 apud Catullum habemus, quæ omnes familiæ à Roma-
 nis deriuatæ ius ipsum simul clientelæ, & Coloniam no-
 stram, cum iure Latij ante Catullum constitutam fuisse
 demonstrant, ab eodè quippe Pompeio Strabone, vnâ
 cum alijs colonijs Transpadanis. Hinc etiam L. Va-
 lerius Catullus, Catulli nostri frater, ut non leuibus

b: in gente Va-
 leria.
 c: in cœment.
 in Catull. in
 principio.

coniecturis probat ^b Vrsinus, notatur in æreo numo,
 cuius etiam meminit ^c Achilles Statius, Romæ Trium-
 uir A. A. A. F. F. qui ante fratrem Poetam in Bithy-
 nia, seu Troade vitam obiit, ut sapius Catullus con-
 queritur, neq; enim Valeria gens, quæ ubicumq; gen-
 tium vnquam fuit, Catullorum cognomen habuit, præ-
 terquam nostra Veronensis; licet enim existent duo
 Catulli, eorum in Circo agitadores, memorati in
 quadam veteri inscriptione Romæ effossâ, quam ^d re-
 fert Panuinius, incertâ tamen sunt familiâ. Verùm alia
 etiam quamplurima Romanorum familiarum nomina,
 quarum Veronenses inscriptiones meminere, cum sua
 tribu

d: in libro de
 Lud. Circës

tribu POB. in quam fuerunt relatæ, antiquiorem coloniam nostram apertè ostendunt ipsâ Iulij Cæsaris Dictaturâ, atq; ideo ipso etiâ Catullo, cuius patris hospitio Iulius Cæsar familiariter utebatur, ut ait ^a Suetonius, non è contra, ut perperam tradit ^b Crinitus; tùm quia post Cæsaris Dictaturam omnia ex arbitrio Principum fuere administrata, tribuum suffragijs ad magistratuum creationem minimè, vel parùm necessarijs, tùm etiâ quia ciuitate ab illo Transpadanis omnibus pleno iure donata, ut post ^c Tacitû, & ^d Dionē tradit ^e Alexander ab Alexandro, & ^f Læuinus Torrentius, nec ipsâ Ciuitate Romanâ Trāspadani indigebāt, nec erat, ut eam acquirerent, cur se ampliùs in alicuius fidem, & clientelam committerent. quam ob rem rectè auctor Panegyrici ad Constantinum, illam à Cn. Pompeio Strabone deductam apertè testatur his verbis. *Scilicet ut quam Coloniam, (de Veronâ loquitur) Cn. Pompeius aliquando deduxerat, Pompeianus euerteret; ò miserabilem Veronensem calamitatem, quos nō tam tua, (ad Constantinum loquitur) quàm intestina satellitum pressit obsidio; quippe Athesis ille saxus asper, & gurgitibus verticosus, & impetu ferox oppugnationem prohibebat, omnemq; retrò regionem euehendis copijs tutam, defensamq; præstabat.* Neq; verò me de sententiâ dei jcit ^g Velleij auctoritas, qui ab Eporædiâ deductâ, C. Mario sexies, & L. Valerio Flacco Consulibus, anno V. C. DCLIII vsq; ad sua tempora nullam coloniam deductam fuisse testatur, quod ipse meminere, præter militares, anno scilicet XI ante colonias Transpadanas à Cn. Pompeio Strabone latino iure donatas; rectè enim deductas non fuisse inquit Velleius, quia diuerso

a: in Cæsare
cap. 75.
b: lib. 2. c. 27;
de Poet. lat.

c: lib. 2. annal.
d: lib. 41.
e: lib. 4. c. 10.
f: in cōment.
Sueton. cap.
8. in Iulio
Cæsare.

g: lib. 1.

ad lib. f.

uerso ab alijs ordine hoc iure donatæ fuerant, nullis quippe Triumuiris earum deducendarum causâ institutis, nec nouis in eas colonis inductis, Comensi exceptâ, in quam noui coloni, atq; iidem fortasse militares, restituti sunt,^a Strabone auctore. Quoniam verò adhuc nonnulli Veronam inter duodetriginta colonias ab Augusto in Italiam deductas commemorant, eâ præsertim freti inscriptione, quæ in arcu Gallieni, (vel potius in portis nostræ ciuitatis à Gallieno olim conditis, quas nunc Burfareas vocât,) adhuc cernitur, hoc modo, COLONIA AVGVSTA VERONA NOVA GALLIENIANA VALERIANO II ET LVCILLO COSS. MVRI VERONENSIVM FABRICATI EX DIE III. NON. APRILIVM DEDICATI PR. NON. DECEMBRIS IVBENTE SANCTISSIMO GALLIENO AVG. N. INSISTENTE AVR. MARCELLINO V. P. DVC. DVC. CVRANTE IVLIO MARCELLINO.

b: in Thesaur.
rei antiq.
c: in Synony.
geogr. verbo
Adrumetû.
de dicto libro
supra cit.

e: in era 3. nu-
mismat.

Tales homines in summo errore versari, & totius antiquitatis rudes esse vel ex eo liquet, (si cætera à me relata hoc satis non persuadent,) quòd eo pacto Verona Augusta Gallieniana dicta est, quo colonia Ælia Hadriana Augusta, & colonia Traiana Augusta frugifera Hadrumetina apud^b Goltzium legitur cum sua veteri inscriptione, cuius etiam Habraham Ortelius mentionem facit; apud^c Panuinium porrò, vbi singulæ quæ extra Italiam coloniarum recensentur, Colonia Augusta Vlpia Traiana nominatur in Galliâ Belgicâ, nec nõ & Colonia Augusta Tiberij in Rhœtiâ, & Colonia Vlpia Traiana Augusta Dacica Zarmis in Daciâ, ita enim & in areo Gallieni numo legitur, quem refert^e Sebastianus Ericius, COL. IVL. AVG. FEL. idest Colo-

Colonia Iulia Augusta Felix : Neque enim ad Augustum Diui F. verbum illud (Augusta) refertur, sed ad illos potissimum Impp., à quibus vel ipsæ colonix deductæ sunt, vel restauratæ, siue ingenti aliquo beneficio affectæ; quamquam verò coloniã à Gallieno Veronam deductã ex hac inscriptione credidit ^a Pancirolus, illi tamen non ita faciliè assentior, vt aliàs à me latius explicabitur.

a: in cōment.
in Notit. æc-
cid. imp. c.
30.

C A P. IV.



VIT animum iam nimis longâ contentione fatigatum Romanæ historiæ recordatione paulisper recreare, dum vtriusque Valeriæ gentis Veronenfis, Comensiq; originem scrutamur: maiore verò voluptate inde etiam afficimur, quòd nec sine fructu, nec improspere id egimus, namq; & tenebris Comensium, (Parauiciniq; in primis) multa lux à nobis allata est, & rebus Veronensium certus nitor: nunc ad ipsum Pliniũ reuertor, quem vel ex ipso vocabulo, de quo agimus, eò magis Veronensem fuisse credendum est, quòd magis à Patriæ mentione semper toto opere abstinuit; satis illam, & super testatus, nouã, & singulari, nec ab alijs vnquàm usurpatã dictione, in operis sui præfatione: vbi enim de Veronã deinceps loquitur, siue de his, quæ ad agrum, & res Veronensium spectant, quod sæpe facit, vt ostendam, nunquàm amplius Patriam illam vocat, ne vir Romanus superflue patriæ mentione repetitã, Romanam sibi ciuitatem obscuraret. Itaq; longè fallitur Cigalinus, qui ex isto posteriore Plinij silentio argumentum pro suis

L

Co-

Comensibus ducit, memorans illum opportuniore loco, ubi de Verona loquitur, illam patriam suam testari potuisse, si Veronenlis fuisset: nec videt, vir alioquin prudens, in se ipsum hæc eadem tela certius retorqueri posse, æquè enim Plinius Comensium rerum, ac Veronen-
 sium mentionem facit, nùmquàm tamè Comum Patriam nominat; quin etiam eorù, quæ apud Comenses rarissima quandoq; exstiterunt, ignarù se fuisse manifestè ostendit, (vt infra videbitur,) vnde eadè ratione illum nos Comensem fuisse negamus: interea hæc etiàm ab ipso Plinio, qualiacumq; sint, agnoscamus. Vbi enim de lino scribit, *APUD NOS*, inquit, *maturitas eius duobus argumentis intelligitur, intumescente semine, aut colore flauescente, tunc euulsum & in fasciculos manuales colligatum siccatur in sole pendens, conuersis supernè radicibus, vno die.* &c. illa enim verba (apud nos) non video quomodo ad agrum Romanum referri possint, quem lini feracem nunquàm nouimus, nullaquè ob id de lino ferendo præcepta nobis à Catone, Varrone, aut Columella relicta sunt; quid ferat ager Comensis, quanto lini prouentu exuberet, doceant ipsi; apud nos fanè magna lini copia est, atq; in eo parando eadem adhuc ratio, quam Plinius tradit, Seruatur, ac demum Lini vicus exstat (quem hodie Liniacum vocant,) oppidum munitissimum ad Athesim, tricesimo ab Vrbe lapide, frumenti, liniq; mercatu in primis nobile; & ideo (apud nos) meliore iure apud Veronenses interpretor, quàm apud Romanos, Comensesuè. ^b Alibi etiam ubi de Thymbrâ loquitur, *Hæc APUD NOS*, inquit, *habet vocabulum & aliud, Saturia dicta in condimentario genere; an Romanum*

Satu-

lib. 19. c. 1

lib. 19. c. 3

Satureiæ nomen fuerit, non liquet, at illud ex aduerso Veronense antiquitus fuisse vetustissimus illius vsus apud nos, & maiores nostros demonstrat, Saoreziam enim hâc herbam corrupto vocabulo adhuc vocamus, diuerso porro ab alijs nominibus quibus passim per totam Italiam nuncupatur, vt ostendit^a Matthiolus; neq; verò ideo minus Latinum dici debet, quia Veronense, quoniam Italica omnia vocabula æquè ac Romana, latina. Quintilianus agnoscit, & inter Romanos Oratores nonnullos è Galliâ Cisalpinâ^c Marcus Tullius recenset, hinc illa T. Liuius^d Patauinus ab Asinio Pollione obiecta, nimia scilicet Patauinorum vocabulorum frequentia. Alicæ præterea quæ in agro Veronensi, Pisanoq; , & Campano olim optima conficiebatur, ^e Plinius meminit, vsu quippe ita edoctus, dum apud Veronenses suos in patriâ aliquando versaretur, vt Campanam assecutus est, cū Misenenſi classi in Campaniâ præesset, & Pisanam, dum loca illa aliquando classe præteruectus lustraret. at quod sequitur longè clarius testimonium est. *Lacus est* inquit, *Italia Benacus in Veronensi agro, Mincium amnem transmittens, ad cuius emersus annuo tempore, Octobri serè mense, autumnali sidere, vt palam est, hiemato Lacu fluctibus glomerata voluuntur (de anguillis loquitur) in tantum mirabili multitudine, vt in excipulis eius fluminis ob hoc ipsum fabricatis singulorum millium globi reperiuntur. &c.* Quo in loco Plinius de re sibi valde notâ vsu magis, & experienciâ, quâ famâ, loquitur, ita enim vis ipsa anguillarum quæ capiuntur, inquit, ita locus earû excipulis aptandis accommodatus, ita annuû tempus, October mensis, sidus autumnale, & hiematus

a: in cōmem.
Dioscorid.
lib. 3 c 38:

b lib 1 cap 9

c: lib. de clar.
orator
d: Quintil.
lib 6.

e: lib. 28 c. 27

f: lib. 9 c 12.

lacus ostendunt, vnde illum Româ, vbi à puero educatus est, ad suos Veronenses aliquando diuertisse, & amantitates Benacenses frequentasse credendum est: Larij verò nullas commemorat delicias: vt pote sibi ignotas, & ideo sui calami perpetuo silentio damnatas, apertèq; idcirco se Comensem nō fuisse testatur. Neq; verò mihi obijciatur inter naturæ miracula fontem ab eo^a describi in agro Comensi iuxta Larium singulis horis intumescentem, residentemque, vnde arguunt aduersarij Comensem illum fuisse; ego enim ex illo Plinij loco, cum altero tamen minoris Plinij collato, illum Comensem non fuisse apertissimo argumento comprobabo; contumacis animi illos etiam reos acturus, si qui fortè mecum idem non senserint. Etenim ter in die

^b Plinius nepos ipsum fontem intumescere, & residere scribit, non singulis horis, vt inquit auunculus; neq; id ab alijs edoctus scribit, sed experiētia, & re ipsâ optime exploratâ, annulo quippe in sicco posito, qui illius auctu alluebatur, & recessu in sicco remanens detegebatur, memoratâ insuper etiâ cænatiunculâ manufactâ, in quam fons excipitur: malè ergo de hoc fonte Plinius noster sensit; non ergo planè gnarus tanti apud Comenses miraculi, non ergo Comensis, nec inter Comenses versatus. Omitto, quòd vinis Rhoeticis Plinius agrû Veronensem nobilitauit, quæ falernis tantummodo à Vergilio fuerant posthabita; quod adhuc esset incertû, ni tanti viri testimoniû hoc nobis demonstraret; cû præsertim vnas Veronenses Rhoeticis affines, & proximæ alibi, appeller. Omitto mala penè peregrina in vno Italiæ agro Veronensi nascentia, quæ Lanata appellantur, ab eodem celebrata, vt pote sibi longè nota, nō ab alijs indicata. Verum vbi de pictura loqui-

a: lib. 2. c. 10.

b: epist. vii. lib. 4.

c: lib. 14. c. 6.

d: lib. 14. c. 1.

e: lib. 21. c. 14.
f: lib. 35. c. 4.

tur, & si Veronensem apertè se non fatetur, at saltem se rerum Veronensium nec ignarum ostendit, nec Veronensem ciuem omnino dissimulat. *Postea, inquit, non est spectata honestis manibus, nisi fortè quis Turpiliū Equitem Romanum è Venetiâ nostrâ atatis velit referre, hodieq; pulchris eius operibus Veronæ exstantibus; Lævâ is manu pingebat, quod de nullo ante memoratur.* Quid igitur est aliud Catullum conterraneum suum vocare, Veronæ frequentem, ac honestam mentionem habere, alicam Veronensem inter optimas connumerare, anguillarum Veronensium copiam, & captum docere, amœnitatesq; Benacenses frequentare, vina Rhœtica, & poma lanata Veronensia celebrare, picturasq; nobiles suo tempore Veronæ exstantes memorare, nosse pictorem, & illius pingendi rationem, quàm se Veronensem ciuem apertissimis indicijs declarare, & Patrię dulcissima recordatione sapius refici, & recreari?

At nec minoris Plinij minora sunt de auunculi Patriâ testimonia, vel potius de suâ, quam ab auunculo adoptatus fuerat adeptus; sic enim ad³ Maximū scribit. *Reclè fecisti, quòd Veronensibus. NOSTRIS gladiatorium munus promisti.* &c. NOSTRIS, inquam, idest vtriq; communibus, nō affectu, non benevolentia tantum, sed etiam ciuitate: multa id suadent. Quid enim intererat Plinij, ederetur, nec ne Veronensibus à Maximo gladiatorium munus in vxoris iam elatę memoriam, vt tantoperè illorum causâ laboraret, si Veronenses aliquo iure non contigisset? cur Maximi facilitatem in annuendo Veronensium precibus, & liberalitatem in edendo laudauit? cur tantâ Africanarum ferarum curâ sollicitatus, quia tempestate detentæ ad

2: epist. vi.
lib. 6.

præ-

præfinitum diem non occurrissent, indoluit, nisi quia & ipse Veronensis? NOSTRIS denique, quia facile cum vno ex ciuibus Veronensibus, & cum multis amicitia contrahi potest, vt singuli NOSTRI vocentur, at cum omnibus, ita ut omnes NOSTROS dicere possimus, non ita facile, nisi tum demum cum in communem ciuitatem sumus recepti, uel aliter de illa benemeriti. Hic etiã nobis armati occurrunt Comenses, vt hanc arcem validissimam expugnent, solitãq; inuidiã estuantes, caliginem clarissimo testimonio, sepiarum more, offundunt, distitantes verbum illud, NOSTRIS, familiaritatis esse notam, & beneuolentiã, non patriã indicare, quo enim pacto ad ^a Sabinum scribens Firmanos nostros tⁱlinius appellauit, & ^b Catullus Transpadanos suos vocauit, ita etiã nostros Veronenses ab eo dictos cõtendunt; sed quò magis rem adeo claram Comenses obscurare conantur, eò magis de causã desperare dignoscuntur; neq; enim priùs Firmanos nostros in epistola ad Sabinum Plinius dixit, quàm publicam illorum causam patrocinio suo delatam suscepisset; Verùm vbi illum patronum Veronensibus adfuisse vnquam legimus? vbi hoc de se testatur? credibile ne est ^c Tifernatum Tiberinorum patrocinium, ^d Firmanorum, ^e Beticorumq; ex Hispania, ^f Afrorum, & ^g Asiaticorum prouincialium fuisse ab eo commemoratum, ne posterorum memoriam, suamq; gloriam nulla tantorum officiorum recordatione fraudaret, Veronensium tantùm fuisse prætermissum? At non me fugit, ex illã NOSTRA Italiã Minucium Acilianum Brixiensem ab ipso Plinio fuisse vocatum in epistola ad ^h Iunium Mauricum, ex illa scilicet Italiæ parte

a: ep. 18 lib 8

b: in epigr. in
tⁱgnatium.

c: epist. 1. lib. 4

d: ep. 18. lib. 6

e: ep. 4. lib. 1.

f: ep. 11 lib 2.

g: ep. 1. lib 10.

h: ep 14 lib 1

parte, quæ suis Comensibus proxima esset, vel affectum quendam in Brixienſes eximium exprimens, non patriam, vt credit Cigalinus, cuius sententiæ ipse quoque assentior: verum aliter quod ad Iunium Mauricū, (fortasse Comensē) scribit, est intelligendū, aliter quod ad Maximum Veronensem; amoris ibi nota: Patriæ hic profectò est; quamquàm verò Maximi cognomen multarum Veronensium familiarum proprium fuerit, vt infra ostendam, hic tamen proculdubio C. Gavius Veronensis fuit, Strabonis cognomento, cuius meminit marmorea inscriptio Veronæ ad castrum vetus in reliquis arcus dictæ gentis his literis,

C. GAVIO C. P. STRABONI

& Maximus agnomine, qui cōsul fuit sub Antonino Pio anno Urb. C. DCCCXCVII, cuius seriore, & plenior inscriptionem refert Panuinius huiusmodi,

C. GAVIVS C. F. STRABO MAXIMVS COS.

Hic est ille C. Gavius Maximus Prætorij Præfectus Antonini, cuius mētio est apud Capitolinū ī ipso Antonino Pio, (ita etiam opinante^b Io. Maria Cataneo, &^c Isaaco Casaubono,) cuius pariter meminit, Martialis eiusdem Plinij amicus, & familiaris, virtutumq; summus observator, & laudator egregius, à quo etiam Veronensis apertissimè declaratur, in epigramate ad eundem Maximum de Columba Stellæ superius relato, quod rursus non pigebit adscribere.

*Stella delictum mei Columba,
VERONA licet audiente dicam,
Vicit, MAXIME, passerem Catulli,
Tantò Stella meus TVO Catullo,
Quantò passare maior est Columba.*

Ita

a: in Fast. anni
897. ab V. C.

b: in cōment.
ep. 14. lib 7
c: in marg. epist.
2. lib. 1.
d: ep. 8. lib. 1

Ita enim profecto TVVM Catullum ad Maximū scribens dixit: id est Veronensem vtrumque, vt Veronēses NOSTROS ad eundem scribens Plinius vocauit; quo genere argumenti etiā^a Scardōnius Asconium Pēdianum Patauinum fuisse ostendit, ita etiā^b Marcialis ad Licianum scribēs Bilbilim nostram dixit, id est vtriusq; Patriam, his versibus

a: Scard. lib. 1
class. 3
b: Marcial ep.
29 lib. 1.
& in epigr.
104 lib. 10

*Te Liciane gloriabitur NOSTRA,
Nec me tacebit Bilbilis.*

Et Claudianus in epigrammate ad Gennadium Proconsulem se palam Alexandrinum testatus est, vt etiam Crinitus notauit, cum Nilum nostrum vocauit eo versu

Graiorum populis, & NOSTRO cognite Nilo.

c: lib. 1. Aen.
d: ibid.
e: ibid.
f: Briffon. li. 4

Hinc illa formula recipiendi transfugas^c apud Vergilium, *Noster eris*, vt obseruat^d Seruius, & post eum Iacobus^e Pontanus, &^f Briffonius; Nec verò nobis obijciant Comenses, temerè à me Maximum & Veronensem vocatum, & C. Gaium Maximum Consulem, & Præfectum Prætorio fuisse existimatum, siquidem in comperto est Maximum illum, ad quem scribit Plinius, non Strabonē, sed Africanum^g à Panuinio, &^h à Lipsio appellari, diuersumq; prorsus fuisse ab ipso Gaudio Maximo, qui nunquā Africani agnomine vsus est; non dubio enim errore uterq; deceptus est, (ignoscant uiri doctissimi) uerbum enim illud (Africanæ) in epistola Plinij ad Maximum, à quo utriq; fuit impositum, non stat in quinto casu singularis numeri, ut illi crediderunt, sed in recto pluralis, & cum æ diphthongo scribendum est, feras Africanas inuens, spectaculis edendis

g: in fast. ann.
253. ab V C.
h: lib. de amph.
phi. quæ ex-
tra R. cap. 2

dis destinatas. Hic etiã rursus obijcient, quòd si Veronensis ex isto Martialis epigrammate censendus esset Maximus, ipse quoque Martialis ex Bilbili Hispanus Patauinus fieret, illis verbis (Stella meus) qui Patauinus fuit: ac demùm illud etiã adijcient, quòd si Sentio Augurino Catulli tantùm imitatori Catullum suum dixisse licuit, vt supra vidimus, æquum non est, vt Martiali denegetur, quin & ipse ad Maximum scribens, Catulli forsan imitatore, TVVM Catullum vocare potuerit; sed omnia facillimè dissoluuntur. Etenim vxor Veronensis pro Maximo Veronensi argumento est; editio itidem spectaculorum Maximi Veronæ; item alia multa, quæ ex epistolâ Plinij resultant; sin autem hæc omnia minus rem probant, at Maximorum saltem cognomen multis Veronensibus familijs cõmune, & potissimùm Audiæ genti, Cassiæ, Domitiæ, Flauia, Læliæ, & Valeriæ, (vt ex inscriptionibus fèdissimè editis à Sarainà colligimus,) non difficulter Maximum inter Veronenses recipiet; quòd si & hoc ipsum parum est, illud sanè verbum (TVO Catullo) in epigrammate Martialis Maximum Veronensem arguit, quamquam enim (MEVM Stellam) Poetam lepidissimum, & uiuentem blandè, & per adulationem Martialis dixit, ad quem exstat & ^a Papinij Statij epithalamium, & alia ^b Martialis epigrammata, quod tamen sequitur non est huiusmodi, Catullo præfertim iam ultra annos centum defuncto: At nec illum Martialis totum Maximo tribuisset, quatenus ratione Patriæ totus ad eum Catullus non spectasset, quoniam si propter commune studium id fecisset, non tuum, sed nostrum Catul-

M

lum

a: li. 1. Siluæ
b: epigr. 201.
lib 1. 6. lib.
4 11. lib. 5.
& 11. lib 6.
& 15. lib 7.
9 lib 9 epig:
3. lib 12.

1: epigr. 78.
lib. 10.

lum rectius dixisset, quod uel cæci uident, & Martiale præsertim unum sibi Catullum præponente.

CAP. V.



ED iàm tempus est ut etiàm nostris lapidibus, hoc est Veronensibus inscriptionibus, res peragatur. Exstat apud me lapis ille peruetustus, & semisfractus, iàm annos CXXX Veronæ effossus in Ædiculâ Diui Blasij, teste Pantheo, (ea sita est inter ædes amplissimas Æmiliorum Comitû, & Salernorum ciuium clariss.) ille inquam lapis in hac nostrâ Plinianâ scânâ sapius, quàm olim Orestes in tragicis antiquorû agitur, in quo C. Plinij Secundi mentio est; atq; is nō solùm valdè celebris ipsius Panthei testimonio habitus est, cuius tempore in lucem ex imâ terrâ prodijt, verùm etiam Ludouici Nogarolæ Comitis longè clarissimi, & omnium sui temporis doctissimi iudicio, qui illum, quoad vixit, in delicijs uti præstantissimū habuit, vsq; adeo ut suarū ædium exteriorem partē illius adstruētiōne cohonestauerit, idē superioribus annis Caroli Tonsi V. nobilis, & amici optimi, Philarmonicæque Aca- demix mecum consortis liberalitate, ad quem ipsæ ædes nunc spectant, ad me delatus est. literæ, quæ in eo sculptæ nunc supersunt, istæ sunt, (namque ignis vapore rimis ductis reliquum lapidis dissiluisse palam est:) eo tamen ordine, ut paulatim à supremo vsq; ad imum versum decrescant, reliquis amissis.

.... INIV..
 NDVS..
 ... AVG.
 :.. RCIVIAE..
 :.. CELLAE
 RI
 :.. ERI PATRI
 :.. MAE MATRI
 MARCELLAE

.. T. F. I.

Hanc etiã inscriptionem nobis Comenses inuident, eamq; mordaci calamo, vt cætera nostra argumenta, liberè discerpunt, & conuellunt, vtq; omnium in eam criminationũ auctor est Iouius, ita illam etiã aperto odio Cigalinus infectatur, assentatorẽ lapidem hunc nostrum appellans, & fictam inscriptionem, tam nullam illi fidem adhibendam esse contendit. Sed nihil adeò mihi molestũ est, quàm quòd scriptores nostri huiusmodi sugillationis ansam aduersarijs præbuerint. Nãm de lapidis inuentione, vbi scilicet primò repertus fuerit, non sine causã Comenses dubitant, quippe inuentum ^a Pantheus in Ædícula Diui Blasij scriptum reliquit, at ^b Panuinius in agro Veronensi inter rudera effossum prodidit; sed maior sit apud nos Panthei fides, vt pote antiquioris, & eo tempore florentis, quo lapis ipse inuentus est, siquidem annos octuaginta post illum inuentum mentionem de eo Panuinius fecit; Verùm nec ipsa illius restitutio, i quã multi maiores nostri, sed frustra omnes insudarunt, cùm simplicem inscriptionẽ, & ita truncatam, vt erat, referre prius debuissent, ac deinde suum de illa iudicium, minorem dubitationis causam in animos Comensium iniecit, tanta est enim

a: in li. de bal
 neis Calderij.
 b: in cõment.
 Falt in con-
 sul Plinij ne
 potis.

illorum inconstantia in eâ restituendâ, vt de fide ipsius lapidis ingentem suspicionem excitauerint, sed malè, vt ostendam, sic enim illam restituit Pantheus extenso tractu, nec ipsarum literarum lapidis ordine seruato,

PLINIVS SECVNDVS AVGV R PATRI MATRI MARCELLÆ
TESTAMENTO FIERI IVSSIT.

tribus medijs versibus, & alijs literis omissis: eandem eodè ordine, & eisdè verbis Rufus itidè retulit; quatuor tantùm literis additis ante illam dictionem (PATRI) prout in veteri inscriptione legebantur, illarum primâ nunc penè exesâ (LERI) opportunè protestatus sibi de illarum sensu nō liquere. Forellus verò Saraina Veronensium antiquitatum supinus magis, & stupidus deprauator, quam solers inuestigator, cuius ingenij præstantiam falsè aliquando, & per iocum risit⁴ Lipsius; inscriptionem nostram ita integram effecit, vt contaminatissimam, barbaram, & prorsus ineptam reddiderit, hoc modo

PLINIVS SECVNDVS AVGV R MARCIVIÆ MARCELLÆ
MATRI POSTERI PATRIÆ MATRI MARCELLÆ T. F. I.

Non defuit demùm, qui aliter etiâ illam sarciret quatuor illas literas Rufo obscuras (OPITERI PATRI) interpreteratus, quàm magnus Oedipus. truncata verò ab Alexandro Benedicto refertur, sed lapidis fide prorsus in omnibus non seruata. adeò ne difficile erat inscriptionem mutilam cum suis literis exscribere, & legendam posteris exhibere. iniuste autem lapidem nostrum Comenses criminantur, quia siquid in tantâ huius nostræ inscriptionis inconstantia fuit commissum, nulla culpa est innoxij lapidis easdem notas semper referentis, sed ingeniorum Veronensium, à quibus prout

2. lib. de amphib. quæ extra Româ cap. 2.

prout singulorum ferebat arbitriū , variè fuit refartus, & ideo Comensium criminationes longè æquiore ratione in varios, & inconstantes illius reſtitutores erāt dirigendæ, non lapis inſons conuicijs, & maledictis inceſſendus, ac nouis quodammodo iniurijs conficiendus, & ſedandus. Illud verò me ſummâ admiratione in primis afficit, quod animaduerto Comenſes multa huic noſtræ inſcriptioni obijcere, licet illam nunquam viderint, (namq; illam à ſe vnquam viſam nemo fateatur, quod ſciam,) oculis ſcilicet clauſis, vt arbitror, Andabatarum more, decertantes: quo fit, vt & ſuas obiectiones acutas quidem, ſed inanes eſſe oſtendant, quippe ab ingenio, non ab ipſo ſenſu, vt par erat, petitas, & mihi facillimum futurum ſit argumenta in noſtrū lapidem ab eis contorta nō ſolū retundere, ſed etiā certiſſimā reſponſione prorfus hebetare. Primi igitur verſus in lapide noſtrati literas non minus ad Aſiniam gentem, Caniniam, Cominiam, & Liciniam, quàm ad Pliniam referri poſſe dicant, addant, ſi lubet, etiam Gabiniam, Sanquiniam, Siciniam, Tarquiniam, & Titiniani, & alias huiusmodi, & ideo malè actum à noſtris exclamant, qui literas illas ad gentem Pliniam retulere. Secundi verò verſiculi literas æquè locundum, & Verecundum, ac Secundum denotare poſſe contendit Cigalinus, cognomen Veronenſibus lapidibus, (Verecundumque in primis) non ignotum, cuius rei vnicum citat exemplum ex Saraina; ego uerò etiam alterum à me obſeruatum ſubijcio, quod eſt huiusmodi.

Verone

*Verona in turri Pontis
noui.*

V. F.

.. CASSIVS M. F.
.. ERECVNDVS SIBI ET
.. IASONIAE L. F.
.. AXIMAE VXORI

Auguratus porro notam, quæ in tertio lapidis versiculo exstare videtur, tanti non esse inquit, ut summi viri, qui amplissimis honoribus functus, & Principibus Vespasianis carissimus fuisset, merita impleret, illiusq; dignitatē, & gloriam solus æquaret, obijcientes luculentissimam illam Mediolanensem posterioris Plinij inscriptionem, quâ singuli magistratus, & illius res gestæ appositæ, & disertè recensentur.

Hic nos in primis non negamus literas illas superstites in primo versiculo nostri lapidis ad aliquam ex familijs, quarum à Benedicto Iouio, & à Cigalino, ac denique à nobis supra mentio facta est, spectare posse, omnes enim in INIVS æquè desinunt; nec minus negamus alterius versiculi truncatum cognomen ad Verecundum etiam eadem ratione aptari posse, ut arguit Cigalinus, quis enim sanæ mentis hæc audeat negare? Verum nulla æquiritatis ratio suadet, ut hoc tempore de nostrâ istâ inscriptione iudiciū habeamus, deficientibus nunc multis literis, quæ prius in ea legebantur, quæ siue temporis iniuria, seu potius lapide ignis vehementiâ soluto, & in rimas diducto abscissæ desiderantur; & ideo recurrendum est ad exemplum vetustum ipsius truncatæ inscriptionis, & ad iudicium antiquorum de illâ. Ipsum igitur exemplum tale fuit, quale à Panuino

nio refertur, viro doctissimo, & rei antiquariæ studio-
fissimo, at in primis antiquarum inscriptionum religio-
sissimo exscriptore. C. P. INIVS &c. prout etiã
à Benedicto Iouio, & à Cigalino refertur; altera enim,
quam Alexander Benedictus vulgavit, rejcienda est,
vt pote & accessione, & defectu multarum literarum
mendosa, prout vnusquisq; facillimè cognoscet, qui
illam cum nostrâ, & alterâ illâ Panuiniana conferre
voluerit. Si igitur duæ illæ priores literæ C. P. ante
illas quæ nunc supersunt, INIV, exstabant in antiquâ
nostrâ inscriptione, vt testatur Panuinius, vnâ tantum
literâ post ipsum P. & ante illas quæ sequuntur, de-
ficiẽte, doceant Comenses, si possunt, quomodo ad
alteram magis, quam ad Pliniam gentem omnes simul
iunctæ pertinere possint; Vnus verò, atque idem mi-
rus maiorum nostrorum consensus, qui nullâ prorsus
hæsitacione suspensi hanc nostram inscriptionem ad C.
Plinium Secundum sepe retulêrunt, eandem ita se an-
tiquitus habuisse, ut à Panuinio memoratur, aperte
ostendit; ut enim uaria, & diuersa inter se, dùm illam
factam esse uolunt, in posterioribus illius uersiculis
prodidere, ita in hoc omnes conueniunt, ut superior il-
lius uersus C. Plinium tantum, nõ aliũ præferat, quod
minimè fecissent, nisi aperte ex superstitibus ipsius lite-
ris hoc sibi constitisset. Huc etiã accedat q̃ inter Ve-
ronenses familias (quatenus ex nostris antiquis inscrip-
tionibus colligimus) nulla unquam illarum recẽsetur,
quas nobis Comenses obiecere, nec earum quarum su-
perias memini, Tarquinia exceptâ, cuius tale Veronæ
exstat monumentum.

*Ad Dni Laurentij in angulo muri viridarij V. preclariss.
Leonardi Nogarola Comitis.*

T A R Q V I N I A L L
FAVSTA V. S. L. M.

Ad quam tamen lapis noster non est referendus, Panuinianâ inscriptione, antiquorû iudicio, ac ipsâ demû ratione, & lapidis formâ resistente. In primo namq; illius versiculo, (quâtum ex ipso lapide solerti cura à me dimenso, & ex lacunâ in eius medio supernè cauatâ conijcere potui,) nullas plusquam octo literas capi posse animaduerto, ex quibus quatuor integræ adhuc extât, postrema deficit, & quod ab ea parte superest lapidis, nullas post eam admittit, quare tribus prioribus literis tantum deficientibus lapis ipse suppleri debet, omnibusq; æqua ratione inter se compositis illius medium statuendum est in spatio quod est inter quartam literâ, & sequentem, videlicet inter I, & N, vnde nulli dubium est, quodd Tarquinij nominis reliquum spatij, quod deest dextrorsum, non erit capax, nam sex literæ loco trium deficientium in eo essent reponendæ, prima prænominis notam indicans, vt C. M. P. scilicet Caius, Marcus, Publius, vel similes; reliquæ quinq; ex ipso nomine Tarquinij, antequam cum alijs literis INIV in lapide notatis coniungi possent. Ex quibus patet, nec illam acutissimi Cigalini commentitiam restitutionem admittendam esse, qui & si noh ausus Panuinij fidem impugnare, & illius auctoritati contraire, primas tamen inscriptionis nostræ literas æquè ad C. Pleminium aliquè, atq; ad C. Plinium referri posse censebat, duabus literis superfluctibus, quæ totû ordinem
ipsum

ipſius inſcriptionis peruerterent. Hac eâdem ratione dubium, quod ex ſecundo verſu Cigalinus excitabat, in parte facillimè tollitur, non enim plures, quàm octo literæ & ipſum ſecundum verſum conſtituebant, quarum tres ex poſtremis adhuc ſuperſunt, cum fragmèto vltimæ, reliquæ quatuor priores deſiderantur; & ideo Secundi nō Verecundi nota per illas, & cognomen re- præſentatur, quod etiam eò magis dicendum eſt, quia æqualibus ferè literis ſecundus verſus conſtat, ac primus, & æqualiter ferè cum primo deſinit, & terminatur, quo fit vt meo quidem iudicio expungendæ ſint illæ duæ literæ C. F. quas Panuinius ſuperaddidit, vt infra mox oſtendam, cum ſecundum verſum compleret, veterum epitaphiorum potius rationem ſecutus, quàm noſtri lapidis latitudinem; fuiſſet enim ſuperfluum vt C. Plinius C. F. in principio inſcriptionis diceretur, ac deinde in eadem de C. Plinio Celere illius patre mētio repeteretur; ſicubi verò accommodari duæ illæ literæ C. F. potuiſſent, priorem potius lineam terminare, quā ſecundam inchoare debuiffent, veteribus inſcriptionibus ita ſuadentibus. Quanquam verò æquè Iocundum, ac Secundum iſtæ literæ ſignificare poſſunt, vt arguit Cigalinus, (nam totidem vtrumque cognomen conſtituūt,) illas tamen potius ad Secundum, quam ad Iocundum referendas eſſe cenſeo, quia nullum Iocundorum cognomen inter Veronenſes inſcriptiones reperitur, Secundorum verò adeo frequens, vt nullibi frequentius, ita vt maiores noſtros aliquando ad tantum errorem deduxerit, vt hoc cognomen, quod erat multis familijs commune, vnius tantum Secundæ familiæ proprium nomen fuiſſe exiſtimauerint.

N

Quod

Quod attinet ad illas literas in tertio loco inscriptionis nostræ notatas hoc modo AVG. primò nobis videndum est quid significant, antequam de ipso Auguratu videamus, & an Plinij nostri titulis cōueniat, nec ne, vt obijciunt Comenses, erit enim facile vt huiusmodi disputationi vel nullus sit locus, uel ut leuiter hæc attingere sufficiat: siquidem cum illas non uideam in medio lapidis sitas, sed aliquantum in sinistram illius partem uergentes, itaut dextrorsum ante illas nōnullæ literæ deesse uideantur, facile adducor ut credam minimè Auguratus notam esse, prout Veronenses nostri falsâ cōiecturâ ducti aliquando credidere, sed alterius dignitatis; itaq; Panuinius noster maximus totius antiquitatis, & studiosissimus reparator, cū totam ipsam inscriptionem sarciret, sic illas restaurauit, ut etiā apud

alib. antiqua
eum inscrip.

Ianum^a Gruterum legimus.

C. PLINIUS

C. F. SECVNDVS

VIVIR AVG.

SIBI ET ORCIVIAE

MARCELLAE

VXORI

C. CELERI PATRI

ET OPTIMAE MATRI

MARCELLAE

V. T. F. I.

Verum hic altera, nec mediocris difficultas oritur; ad quem scilicet spectet ista inscriptio, ad Plinium ne nostrum de quo scribimus, an ad alium; ad Plinium enim nostrum illam spectare Pantheus, & Rufus, & alij eius classis homines prodidere, eo fortasse argumento, quia duos tantum Plinios secundi cognomēto

in

in Italiâ floruisse animaduverterant, hunc scilicet nostrum, & C. Cæcilium illius ex Pliniâ sorore nepotem ab auunculo adoptatum, quàmquàm enim & alterius senioris Plinij exstet métio apud ^a Appianum, qui cum Sex. Pompeio in Sicilia militauit, & cum octo legionibus, quibus præerat, ab eo Messinam ex Lilybeo vocatus est, illius tamen cognomen ignoratur, alterius verò cognomento Secundi, & Sophistæ, cuius meminit ^b Suidas, nulla ratio habenda est, quia fuit Atheniensis; cum igitur vidissent multa marmorea monumēta iunioris Plinij memorię ab antiquis dicata, quę apud Comenses, & Mediolanenses leguntur, hanc alteram Veronę repertam nesciebant ad quem magis referret, quam ad ipsum superiorem Plinium Veronensem; Ego autem, si liberè expromere licet, quod sentio, C. Plinium nostrum hac inscriptione notari minimè arbitror; non quia illa nimis nuda, & ieiuna sit, atq; omni pumice aridior, vt obijciunt Comenses, (quo enim fucō, quibusue inscriptionum pigmentis summus ille vir, & suis scriptis gloriosissimus indigebat, vt memoriam suam posteritati commendaret?) fuit præterea iussu testatoris ab hærede cum tumulo erecta, cuius supremū iudicium eludere nefas erat, vt docet ^c Papinianus, & ex rescripto ^d Alexandri Seueri colligitur, & latius Ioannes ^e Kirchmanus ostendit in suo libro nuper edito de Funeribus Romanorum, nec etiā quia credam Auguratum (quatenus quisquam in opinione pertinaciter persistat, vt illæ literæ Avg. Auguratus sint notæ) minus conuenire, & parū fuisse meritis, & dignitati tanti viri; qui sciam Augurum Collegium Reip. Romanę tempore, ac post illam vsq; ad Constantinū,

a: lib. 5. bell. ciuili.

b: in verbo Secundus.

c: l. 53. ff. de petit. hered.
d: l. 5. C. de relig. & sumpt. fun.
e: lib. 3. cap. 12. de Funer. Roman.

a: Liu. lib. 1.
 Flocc. Floré.
 lib. 1. c. 4.
 Dionys. Ha-
 licarn. lib. 2.
 Plutarch. in
 parallelis
 Val Max.
 b: lib. 7. c. 48.
 c: cap. 45. de
 prodig.
 d: li. de diuin.
 in princ.
 e: lib. 1. stro-
 mat.
 f: in verbo Sol-
 istimum, &
 i verbo [pro-
 brum]
 g: lib. 1. cap. 1.
 h: lib. 1. cap. 8.
 diuin. inst.
 i: lib. 5. cap. 19
 gen. dier.
 k: lib. 1. c. 14.
 de inu. rer.
 l: lib. 2. hist.
 iur. civ.
 m: lib. 3. c. 8.
 & 9.
 n: lib. 1.
 o: lib. de Fam.
 Rom.
 p: lib. de vet.
 numism.
 q: li. numism.
 xij. Caesar.
 r: lib. d. antiq.
 relig. Rom.
 s: li. s. aduers.
 gent.
 t: epist. 13. lib.
 10
 u: ep. 8. lib. 4.

amplissimum^a semper fuisse, & legerim Q. Fabium
 Maximum, ita^b Plinio nostro prodente, annis LXIII
 Augurem fuisse, licet XXII dicat^c Obsequens: Au-
 guralis disciplinæ, & dignitatis^d Cicero, &^e Clemens
 Alexandrinus meminere, de eadem libros editos ab
 Appio Claudio Pulcro, & de Auguribus à M. Porcio
 Catone orationem inscriptam, auctor est^f Pompeius
 Festus: multa de eadem exstant apud^g Valerium Ma-
 ximum,^h Lactantium,ⁱ Alexandrū ab Alexandro,^k Po-
 lydorum Vergilium,^l Aymarum Riualium, &^m Ioan-
 nem Rosinum, & de eius formulis, & solemnibus ver-
 bis apudⁿ Brissonium: illius etiā dignitas passim ex
 Liuio colligitur, atq; ex numis antiquis, quorum multi
 erei, & argentei apud me sunt, & præsertim C. Iulij
 Cæsaris Dictatoris, M. Antonij Triumviri R. P. C.
 Augusti, Vitellij, Vespasiani, Neruæ, M. Aurelij Phi-
 losophi, Antonini Elagabali, & alijs quamplurimis,
 qui referuntur, & declarantur à^o Fulvio Ursino, ^p Se-
 bastiano Ericio, ^q Ænea Vico, &^r Gulielmo Choulío
 Gallo rei antiquariæ, numariæq; in primis studiosissi-
 mis: illius porro vanitas ab^s Arnobio damnatur, ac de-
 mum nescio quomodo impar^t linij maioris meritis
 Auguratus esse potuisset, quem posterior, Plinius ceu
 summum amplissimæ dignitatis fastigium à Traiano
 deprecatus est, & se illum adeptum ingenti lætitiâ ef-
 fusus ad^u Arrianum scribit, nec inter illius titulos, qui
 fusissimè in eius inscriptionibus recensentur, postre-
 mum posteriores hunc habuerunt: sed idè in hanc
 sententiam pronior fui, quia cum viderem hunc C. Plin-
 nium in nostrâ inscriptione notatū Sexuirum Augusta-
 lè fuisse, (qua dignitate multos libertini ordinis homi-
 nes

nes ornatos Veronenses inscriptiones ostendunt,) adduci non potui vt crederem huiusmodi Sexuiratum ab eo vnquā gestū, vel si gestus aliquando fuisset, (quod illi dedecori minimè cessisset, & præsertim in patriâ, vt de alijs summis viris vel talia, vel similia legimus) hunc solum omnium minimum in eius inscriptione fuisse descriptum, reliquos verò illius titulos, & res gestas, quæ maximæ fuerunt, silentio fuisse præteritas, id enim summæ iniuriæ expressa fuisset nota, non gloriæ; cum præsertim ipsum Plinium nobili genere ortū, vel ex eo liquet, quòd summâ cū libertate. C. Mario triumphatori, & septies Consuli ignobilitatem exprobrat, dum illū aratorem Arpinatem, & manipularem Imperatorem vocat, & post Cimbricā victoriā cantaris illū potasse Liberi patris exemplo apertè indignatur. Alterā verò etiam ratione ad hoc credendum moueor, quia ille C. Plinius, cui nostra inscriptio ab hærede erecta est, vxorem habuit, at vxore nostrum semper caruisse video, (neq; enim vnquam ab se ductam testatur, nec Plinius iunior scribit;) quanquā verò sororē pro vxore in sexto versu nostræ inscriptionis^b Panuinius primò restituerat, hoc tamen minimè probauit, sed sententiā mutatā sororem postea in vxorem, & rectius; conuertit, vt ex ipsâ integrā inscriptione per eū restitutā constat, quam ego vidi in quodam eius breuiario historiæ Veronensis manuscripto, quod in Bibliotecâ Cæsaris Nichesolæ V. clariss. & doctiss. seruatur; nec plures quàm vnā sororem illamque Pliniam, C. Plinij iunioris matrem, habuit, quod sciamus. Marcellorum verò cognomen, (quod Romę proprium Claudię gentis fuit,) Plinix familiæ feminis minimè

lib. 3, c. 11

b: in eodem
in fasti cons
loco citato

conuenit; verum nec illo sæculo nomina filiabus pro parentum arbitrio imponebantur, sed ab ipsâ tantum familiâ deducta, vt supra ostendi; itaque ORCIVIAE nomen (nam familiam huius nominis nunquam vidi) aliquantò posterius est Plinij sæculo, ni fallor, prout etiâ ex sequenti inscriptione conijcere licet, quam refert, Panuinius, in quâ præmissis quibusdam carminibus de morte T. Statij Apri satis rudibus, & multa barbarie horrentibus, quæ breuitatis causa non recensio, sic habetur.

a: in lib. cui
tit. Civitas
Romana,

T. STATIO T. F. VOLT.
APRO
MENSORI AEDIFICIOR.
VIXIT ANN. xxii. M. viii
D. xv.
T. STATIVS VOLT.
PROCVLVS
ACCENSVS VELATVS
ET ARGENTARIA EVTYCHIA
PARENTES
FILIO OPTVMO. ET
ORCIVIAE ANTHIDI
VXORI EIVS SIBIQ.
ET SVIS LIBERTIS
LIBERTABVS POSTE-
RISQ. EORVM.

Neque verò ideo minus ad rem nostram facere hunc nostrum lapidem, & hanc Veronensem inscriptionem existimandum est, ex quo ad Plinium nostrum iudicio meo non pertinet, quoniam mihi satis est vt illius testimonio doceâ gentem Pliniam, quæ Secundorû cognomine antiquitus utebatur, Veronensem existisse, reliqua ipsi viderint. Alteram verò antiquam inscriptionem ego illis adhuc subijcio, quâ vel Harpocrates post-
hac

hac efficiantur, vel illius obtutu, si oculos non auerterint, ceu capite Medusæ inspecto, dirigescant: ea est huiusmodi.

C. PLINII VERONENSIS

. . . . HISTORIARVM

H. L. . . . OMNIVM

. . . MEMORIAM DEDIT

. . . NECNON . . T. . . C.

..XXXV... CONS... MACER.

Rem nouam Comenses, & alijs Veronensibus, qui ante me scripserunt, intactam, nunc à me sibi obijci mirabuntur: multaq; aduersus illius fidem de more molientur. Ego verò rem non nouam, sed veterē inscriptionem illis affero, non à me conflatam, nec inuentā, sed iam annos CXX. & ultra à Felice Feliciano obferuatam in lapide rubro antiquo semilacero, & igne absumpto ad litus Benaci prope Sirmionem, cuius liber manuscriptus à me visus, & diuersis antiquis inscriptionibus exaratus, quas passim per totam Italiam vir antiquitatis studiosus collegit, & Andrea Mantegnæ eximio pictori Patauino dicauit, exstat Veronæ in eadem bibliothecâ Nichesoliâ. Eiusdem sanè inscriptionis meminit etiam Paulus Suardus in suis castigationibus in Becichemi collectanea, & prælectiones in Plinium, cum hac inscriptione. *Sirmioni in ripâ Benaci quod præ vetustate aliqua ex parte mutilatum exstat:* qui liber impressus est Venetijs anno Dñi MDVI; nec eandem sibi ignotâ fuisse ostendit Petrus Appianus vir insignis, & omni eruditione ornatissimus, quiq; publicè Ingolstadij mathematicen de suggestu professus est, ab illo enim refertur in suo
vete-

veterum inscriptionū libro, quem Raimundo Fuggero V. Illustrissimo, & literatorū omnium suæ tēpestatis Mecœnati beneficentissimo, dicauit, impresso Ingolstadij anno Dñi M D XXXVI, hac illi præfatiunculâ præpositâ. *In ripâ Benaci præpè castellum Sirmioni in lapide rubro fracto.* Quanquam verò lapis iste nunc non exstet, nec à Pantheo, aut ab alijs, qui post ipsum scripsere, visus sit, nihil tamen de illius fide est ambigendum, probatissimis scriptoribus illum nobis referentibus, vel enim à Pantheo, siue ab alijs nunquam fuit obseruatus, quia in loco à ciuitate longinquo, & inuio expositus iacuit, vel etiam quia forte, (vt alijs plerisq; marmoreis monumentis euenit,) vel murorū Sirmionis, vel ædium fundamentis suppositus inglorius delitescit.

C A P. VI.



HIS omnibus argumentis Veronensium animi incitantur ad iustam pugnam pro suo Plinio suscipiendam contra Comenses, (at quota pars eorum sufficit) & ad eum sibi ciuem tuendum, & seruandū, quem natura dederat; ad eandem verò non minore etiam studio accenduntur doctissimorum virorum iudicio, qui scriptis suis illum Veronensem fuisse apertè testantes illos de veritate dubitare minimè patiuntur: quorum numerus adeo magnus est, vt iustum ferè exercitum æquare possit, & ideo non tumultuario, & confuso agmine singulos recensere statui, sed vt suo ordine signa educerentur, atq; aliquem ceu castrorum ducem

ducem sequerentur, effeci; Horū igitur ille mihi Princeps sit, qui verè inter omnes quotquot vnquam in omni liberali eruditione insignes fuerunt, primas tulit, Franciscus scilicet Petrarcha vir doctissimus, & literatorum omnium sui sæculi facilè Princeps; Is enim tam in suis famæ triumphis Etrusco carmine concinnatis, quos nemo non nouit, quàm in suo libro ^a Rerum memorandarum, qui vnà cum alijs quos latinè scripsit, paucorum manibus teritur, Plinium hunc nostrum palam, & apertissimâ nominatione Veronensem appellat. illum itidem Veronensem alij quàm plurimi qui post Petrarcham doctrina, & ingenij gloria floruerunt suis scriptis testati sunt; ^b Raphael scilicet Volaterranus, Æneas ^c Siluius Picolhomineus, qui postea Pius II. Pontif. Max. dictus est, ^d Laurentius Valla, ^e Nicolaus Perotus, ^f Flauius Blūdus, ^g Angelus Decembrius Mediolanensis, ^h Marinus Becichemus Scodrensis, ⁱ Bernardinus Barducius Florentinus, ^k Ambrosius Calepinus, ^l Auctores Thesauri linguæ Latine, ^m Albertus Burerus, ⁿ Quinctius Æmilianus, ^o Georgius Iodocus, Carolus Stephanus, siue auctor ^p Dictionarij historici, Lilius ^q Gyraldus, ^r Ioannes Rauisus Textor, ^s Iacobus Philippus Bergomas, ^t Bernardinus Corius Mediolanensis, ^u Hieronymus Ruscilius, ^v Ioannes Maria Cataneus Nouariensis, ^w Arnoldus Pontacus Galus Episcopus Vafatenfis, & omnium postremus, at iuxta clarissimus, & doctissimus ^x Ioseph Scaliger, à quibus ^y Cælius Rodiginus, ^z Ioannes Cuspinianus, & ^{aa} Gaspar Bugatus Mediolanensis minimè videntur dissentire, quorum omnium testimonia seorsum in fine operis recitabo. Idem præterea saltem tacitè sta-

a: lib. 1. c. 1.
b: ibi cōment.
vrb. 4, & 18.
c: in lib. defer.
Aff. 1. c. 1.
d: lib. 4. c. 83.
elegant.
erin Cornue.
f: lib. Ital. ill.
g: lib. 1. par. 17.
lib. 6. par. 68.
lib. 7. par. 81.
in verbo cy-
nathodos.
de polit. lit.
h: in collect.
in Plin.
i: in epist. ad
Ioan. Nesci.
k: in verbo
[cōterran].
l: in d. verbo.
m: in d. verbo.
n: in ode ad
Plin. nostrū.
o: in suo Bena-
col. lib. 2.
p: in ver. Flin.
q: d. poet. hist.
dialog. 2.
r: lib. 2. c. effe-
tit. Viri cele-
bres mortui
in alie terra
lib. 6. suppl.
s: à vita De mē-
u: in ind. Viro-
rum ill.
x: in frontispī-
cio epil. ol.
Pimij ab se
cū suo cōm.
editarum.
y: in cōment.
in Euseb.
z: ibidem.
aa: lib. 1. c. 5.
aut le. a.
bb: in cōment.
in Chronic.
Castled
cc: lib. 1. hist.
vniuers.

tuerunt Angelus Politianus, & alij omnes supra citati, qui Pliniano vocabulo (conterraneus) in suo recto sensu, ipsiusq; Plinij sententiæ inprimis congruente, suis scriptis vti sunt, atq; hi omnes externi. Ex nostratibus verò Plinium Veronensibus suis ciuem asserunt,

a: in Balneis
Calderij
b: in ep. ad In-
stum Iustit.
c: in libellode
VV. illuR.
Veron.
d: in sua præf.
in Plinium.
e: i lib de vv.
illuR. Veron.
f: in fustis: in
li de nomin.
Rom. i hist.
Veron. n. n.
g: lib. 9. c. 13.
h: lib. 1. hist.
Veron.
i: in lib de Pa-
tria Plinio-
stri.
k: in log VV.
M. Veron. E.

& acerrimè ruerunt, ^a Ioannes Antonius Pantheus, ^b Matthæus ^c Rufus, ^d Petrus Donatus Auogarius, ^e Alexander ^f Benedictus Medicus, ^g Torellus Saraina, ^h Onufrius ⁱ Panuinius, ^k Ioannes Franciscus Tinetus, ^l Hieronymus à Curte, ^m Bartholomæus Vitalis I. C. & Eques, ⁿ & Franciscus Pola I. C.

Hic est nostrorum scriptorum, (vel potius commilitonum globus,) hic ille armatorum cuneus, in quem Comenses, tamquam in certam victoriæ spem erecti, atq; ideo nimiam securitate passim incauto agmine palantes, veluti cum paucis dimicaturi, (nam paucos ex nostris nouerant) inermes inciderunt, à quibus se prius obsessos, & circumclusos vident, quam hostem adesse senserint: nunc quid agant ut his se angustiis expediât, atque ut domesticas insidias euitent, (multos enim domesticos hostes experiuntur, quos suis partibus facere falsò autumant,) dispiciamus.

C A P. VII.



PERRORE lapsum Petrarchâ inquit Iouius, & in hanc sententiâ præcipiti studio cucurrisse, nullis rationibus suadētibus, sed solâ tantum cōiecturâ, quæ ex ipso Pliniano vocabulo deriuabat. satis apertâ increpatione obiecit, perinde ac si viuo doctis. alia defuissent

argu-

argumenta in re tam facili; sed vrbane Iouius, comiterque, durè nimis, & inclementer Parauicinus, qui libellum integrum ab eo mutuatus, illius tantum lenitatis oblitus est, tanta enim calami libertate, (ne dicam procacitate,) in Francisci Petrarchæ mores, & doctrinam inuehitur, vt non obscuram illi adulationis, & ignorantia notam pertinaciter inustam esse velit; Illum quippe cum extra Patriam exularet, familiarem fuisse inquit Carrariensium, & Scaligerorum Principum, quorum hi Patavinis, postremi Veronensibus nostris imperabant; quorsum hæc? credibile hinc esse subijcit, hanc ab eo sententiam tunc temporis fuisse promulgatam, vt eorum gratiam iniret, & auræ popularis susurro allectus publicum fauorem captaret: parum verò consultè, imo leuiter, ab eis actum esse dicit, qui illius sententiam secuti sunt, sicuti enim plurimum valuit Etrusco carmine, ita in his quæ latinè scripsit, minimè probatur, neque enim talis est, qui antiquis scriptoribus sit æquandus, nec recentioribus anteposendus; iamque etiam illius memoria apud mortales extincta esset, ni maternâ magis linguâ, quàm latinâ, eternitati suæ consuluisse; ab se visum etiam, inquit, in Vaticanâ bibliotecâ Columellam cum notis in margine Francisci Petrarchæ manu exaratis, quæ summam illius ingenij leuitatè facilè ostendebant; alia etiam complura illius scripta sibi à Ludouico Valdezucco Patauino aliquando ostensa fuisse dicit, nihilò meliora notis ad Columellam adscriptis. Pudet vltèrius pergere tam fædas contumelias recensendo, ne doctissimi viri manes, me etiam inuito, dum narrationi tam iniuriosa insisto, lædantur, ac simul etiam quia vereor, ne

quæ à Parauicino tantarum iniuriarum poenæ ab vniuersâ doctorum Rep. meritò exiguntur, à me itidem, qui talia refero, expetantur. Hariolatur itaque Parauicinus, & historiæ planè aduersatur, dum credit famæ triumphum conscriptum, & editum à Francisco Petrarcha fuisse Veronæ, quo tempore aulam Scaligerorum Principum, vel Patauij Carrariensium frequentabat, quando in comperto est huiusmodi poemata vnâ cum secundâ parte suorum lyricorum absoluta ab eo fuisse in amenissimo illo Vallis clausæ secessu in Galliâ Narbonensi, quò se post mortem Lauræ suæ, & Iacobi Carrariësis liberalissimi sui Mecœnatis ocia- tum receperat, vt testatur Bernardinus Ilcinus in eius vitâ; quinimò omnia ferè illius opera inibi ab eo vel scripta, vel cepta, vel concepta sunt, ita ipso prodente in epistola ad posteritatem his verbis. *Hæc summa est, inquit, quòd quidquid ferè opusculorum mihi excidit, ibi, (de Valle clausa loquitur) vel actum, vel ceptum, vel conceptum est.* Neq; verò à nobis negatur Veronæ illû aliquândo fuisse Scaligeris Principibus imperâtibus, quò se tamquâ in tutissimum Asylum, extorres omnes Florentini, cæteriç; Hetrusci suis sedibus aduersâ factione expulsi recipiebant, quorum multæ adhuc Veronæ insignes supersunt familiæ, deletæ multæ: ex quibus Alexander Lisca I. C. Comes, & Eques, & Augustinus del Bene I. C. & Eques, vir vterq; amplissimus, & doctissimus, maximumç; Oratorum par, dignitate, & gloria in primis florent; quorum iste splendidissimâ legatione cum Hieronymo Veritate Conite V. clarissimo ad Leonardum Donatum Serenissimum Reip. Venetæ Principem nuper functus, tantam sui nominis opi-

opinionem excitauit, vt Equeſtri dignitate primò ornatus, mox etiam, licet abſens, ab vniuerſo Senatu Veneto inter conſiliarios iuris eiufdem Reip. ſummâ cum laude relatus ſit. Iplius tamen Petrarchæ tantâ fuit vitæ caſtitas, tantuſq; morum candor, vt omnem aulicæ aſſentationis ſuſpicionem ab illo ſemper abſuiſſe credendum ſit, ita etiam Ioanne, Bocaccio teſtante his verbis: *Cui mendacium, inquit, lethalis eſt hoſtis, qui vitiorum omnium execrator eſt, & venerabile veritatis ſacramentum, virtutum decus, & latitia, & catholica ſanctitatis norma, pius, mitis, atq; deuotus, & adeo vericundus, vt inde dicatur Parthenias alter.* caſtiſſimos itidem illius mores Hieronymus Squarciaficus in eius vitâ in primis cômendat. At quantû in eo fuerit bonarum diſciplinarum ſtudium, quantaq; doctrina, immenſa volumina ab illo ſcripta, & edita, quæ adhuc exſtant, id facile oſtendût, nunquàm fortâſſe à Parauicino viſa, neq; enim hanc ſolus in homine præſtantiſſimo deſideraſſet, quam literati omnes ſuſpiciunt, & admirantur, atq; inter cæteros Ioannes^b Herold Hoechſtetenſis,^c Hieronymus Cardanus,^d Ludouicus Viues,^e Franciſcus Floridus, atque alij, quorum quidam nihilò his inferior ſpecioſa de illo hæc proferit. Itaque, inquit, *reſtoreſcentis eloquentiæ Princeps apud Italos videtur fuiſſe Franciſcus Petrarcha ſuâ etate celebris, ac magnus: nunc vix eſt in manibus, ingenium ardens, magna rerum cognitio, nec mediocris eloquendi vis.* Cardanus verò multa in hoc viro præclaro egregia fuiſſe teſtatur, ſed potiſſimum linguarum pluritatem, percalluit enim latinam linguam iuxta ac Græcam, ſuo æuo, ſuperioribusque Italiæ peregrinam. At Viues, primùm illum

acciraro è pre-
lati de in Co-
pura omnia
F. Petrarca

be ibid;
c: ibid.
d: ibid.
e: ibid.

biblio-

bibliothecas diu claufas referaffe, inquit, fitumq; , & puluerem è monumentis maximorum auctorum excuffiffe. Floridus itidem primum illum latinam linguam diu feputam, ex ruderibus, & vetuftate in lucem afferere effe adortum fcribit. Abbas Triterius illum in diuinis fcripturis eruditum, & in fecularibus literis omnium fui temporis longè doctiffimum appellat; philofophum, rhetorem, & poetam celeberrimum, qui literas humanitatis poft longa fientia mortuas, ab inferis reuocauit ad fuperos, nec minus fanctâ conuerfatione, quam fcientiâ clarum. Eundem virum vndecumq; doctiffimum, & latinæ linguæ multis iam fæculis extinctæ primum inftauratorem vocat Sixtus Senenfis, Hetrufcæ poefeos parentem, & abfq; vlla controuerfiâ principem. Virum fui fæculi eruditiffimum afferit Becichenfis; Poetam, & oratorem fui temporis facundiffimum Tiraquellus. ita vt verè de illo dicere poffimus, quod olim de Titinio Capitone minor

æ: ep. 11. lib. 3 Plinius pronuntiauit, *literarum illum iam fenefcentium* (vel potius iam extinctarum,) *reductorem, ac reformatorem fuiiffe*, quæ omnia, quamquàm minus nota fortaffe Parauicino fuerunt, non ideo tamen illum ab iniuriâ tam infigni, & ab iniquâ calumniâ tutum efficiunt, quoniam quæcumque ab ipfo Petrarcha, vel ab alijs extraneis fcriptoribus non acceperat, à fuis faltem Comenfibus agnofcere, & illorum fententiæ acquiefcere debuiffet, atq; ab ijs potiffimum, quos ille præ cæteris commendat, & fummis laudibus in cælum, proprijsq; virtutibus extollit; nam ^b Benedictus Iouius doctiffimum illum appellat, ^c Paulus verò Iouius florentis ingenij, & ftili fcriptor, inter præftantiora ingenia

b: apud Por-
cachium li.
bello iam ci-
tato
c: in elogio F.
L. euzarchæ.

genia, quæ in literis claruerunt, illum enumerat, nec illius effigie suum Musæum præclarissimum, & æternitati virorum doctorû dicatum carere, nec nobilissimo elogio tantum virum à se fraudari passus est, in quo inter cætera glorioso illius calamo hæc verè digna effulgent. *Sed debeamus, inquit, plurimum ingenuo sudore semper æstanti, dùm literas à multo æuo miserè sepultas è Gothicis sepulcris excitaret, modo eum tamquam Italica linguæ conditorem, & principem ab incomparabili diuini ingenij virtute veneremur.* multos præterealibros ab eo non mediocri impensâ repertos, qui iniuriâ temporû interciderant, sed in primis epistolas M. Tullij Ciceronis ad Atticû, idem^a Illicinus scribit, quod & ipse^b Petrarcha modestè innuit. Malè igitur Parauicinus, & nimis liberè, procaciterq; in mores, & doctrinâ optimi, & doctissimi viri inuehitur, tot illius scriptis, totq; clarissimis auctoribus reclamantibus, male ab eo contra mortuum tam iniusta pugna suscepta est, quâ contra viuum non inuitus detrectasset, quid enim est aliud ita agere, quàm cum laruis luctari? sed & lepores Leonis defuncti barbam conuellunt. Vbi verò vnquam ipse, qui Philosophus est, Aristotelem vidit Platoni detrâhere, quàmuis sæpe ab eo dissentiat, siue Anaxagoræ, Anaximandri, Melissi, Parmenidis, Democriti, aut aliorum pudorem, & famam conuicijs perstringere, quancumq; ab eorum opinionibus recedit? vbi à Ptolemæo Marinum carpi, quàmquàm sapius in his, quæ ad Geographicen spectant, illius sententiam explodat? Sed qui Angelus, Dij boni, aut qui potius Demon, notas illas tam leues, & ineptas in Columellæ margine à Francisco Petrarcha fuisse

a: in vita F. Petrarchæ.
b: in d. epist. ad posterit.

isse conscriptas Parauicino detulit? quis alia scripta
 apud Ludouicum Valdezuccum? nam quis illum iam
 annos ducentum, & quinquaginta scribentem vidit?
 quis illius *αὐτογράφον* agnouit? qui testes producti? quæ
 prolata tabulæ, vt pro certo hoc ille possit affirmare?
 an forte nos ita dementes, ita stupidos Parauicinus
 arbitratur, vt illi absque testibus in hoc iudicio, vbi
 de dignitate, & de statu, vt ita dicam, summi ho-
 minis agitur, credamus, cuius fidei in alio diuer-
 so, ita ipsis legibus suadentibus, minimè stare-
 mus? Vnde etiàm Parauicino constat, Columel-
 lam in Vaticanâ Bibliothecâ existentem, è Petrarchæ
 ex Arquato in Euganeis montibus, siue Patauo, vbi
 magnus ille vir ex humanis sublatus est, siue aliunde,
 Romam migrasse? quo tempore? quâ ratione? qui-
 bus auctoribus? doceat ipse, vel saltem honesto pudore
 suffusus habenas licentioris calami ab se nimis libe-
 rè, & vltra fines modestiæ effusas palam, & apertâ de-
 claratione fateatur.

CAP. VIII.



HVCVSQ. non obscuris detractionibus,
 & contumelijs contra Franciscum Pe-
 trarcham à Parauicino res peracta est;
 nunc nouo obtreccionis genere Vola-
 terrano imponens, & speciem laudatio-
 nis obtendens conuiciatur; multa nimis illum in suis
 Vrbani commentarijs scribendo amplexum esse, in-
 quit, itaut rectè singula nequeat discutere, atq; inde
 inconsultò illum in hanc sententiam fuisse prolapsum;
 homi-

homini nimirum literato in re literariâ literas obijcit, ceu magnum crimen, quid fecisset indocto, & inerudito? nisi fortasse id agat, vt tantò sibi maior fides habeatur, quantò pauciora quàm ille volumina euoluit, & lexitauit. In opere etiàm tam longo Volaterrani nullum Parauicinus lapsus, præter hunc, offendit, quàm emunctæ naris homo: de quo tamen non ita malè Iouius sensit, qui illum nec sui Musæi celebritate, nec elogio luculentissimo indignum esse duxit, latinamq; tantû elocutione se in eius scriptis desiderare, non eruditionem, non doctrinam testatus est: eundem inter celebres historicos recenset Gilbertus Genebrardus, & virum eruditum, perspicaciq; ingenio vocat Papirius Massonus, quò facilius credamus nulla ratione, sed naturali quodam animi morbo rantorum virorû existimationem ab hoc homine velligari, cui fortasse illud Sannazarij in Pogium non erit inconueniens.

a: in elogio
Volaterr.

Dum patriam laudat, damnat dum Pogius Ioseph,

Nec malus est ciuis, nec bonus historicus.

Hæc quoq; ^b Viues de Volaterrano scribit.

b: lib. 3. de tra
déd. d. scip.

Raphael Volaterranus varia vir eruditionis, ac latè patetis inter alios est mihi reddendus.

Item lib. 4.

Nec minus contemplationem hanc iuuare Raphael Volaterranus potest tertiam suorum cõmentariorum parte, quam Philologiam inscripsit, auctor magnam sanè diligentie laudem meritis. Eadem argumentandi ratione, mordacitate scilicet, & linguæ procacitate vtitur ad Pij II Piccolomini auctoritatē minuendam, vel si fieri possit, infringendam; diuturna nempe studia, & assiduas oc-

P

cupa-

cupationes præstantis. viro, & in studijs omnium disciplinarum versatissimo obiectat, longèque leuiorem, (hoc est indoctiorem,) Volaterrano illum vocat; tanta dicendi libertate, vt quod virus in infimæ plebis hominem vix mediocriter literatum spargere nunquam debuisset, id in virum nobilissimū, & doctissimum, summūq; Pontificem gloriosissimum, & de Rep. Christiana optimè meritum, liberè euomere non erubescat: in illum nimirum, qui totius antiquitatis, & in primis superioris Plinij studiosissimus fuit, quoq; nullus vel certius, vel probatius testimonium de illius patriâ dicere potuit, qui summorum Pontificum, & aliorum Principū à secretis iugiter in aulâ vixit, qui multas, grauiissimasq; legationes ad omnes supremos totius Europæ Principes obiuit, quiq; demū singulari doctrinâ, & pari pietate ad summū Pontificatus fastigiū sibi gloriosum iter patefecit, vnde ex Æneâ Siluio Picolomineo Pius II dictus est. Vtq; multa tanti viri scripta, quæ ingentem illius eruditionem, & summum ingenium declarant, non sine iniuriâ Parauicinus subtrahit, ita dum pueriles illius lusus, Euriali scilicet, & Lucretiæ amores, opus Gallicum per contemptum cōmemorat, inuidiæ suspitione non caret, est enim iniqua, (vt inquit orator,) in omni re accusada prætermisissis bonis, malorum enumeratio, vitiorumq; selectio: quanta etiā ingenij eminētia in illo fulserit, tradidit præter Platinā, vel potius ad viuum delineauit, idem^a Decembrius, & Papirius Massonius, quibus adijcio^b Sabellicum. Verū nec Laurentij Vallę cineribus, qui paucos, quādiū vixit, criminationum suarum expertos esse voluit, Parauicinus pepercit, non veritus à Poetarum catu, ab histo-

ar lib. 4 parte

32

h: in vita Pij 2

et lib. 4. l. nec

ad 10.

ad 10.

historicoſum, & oratorum ordine illum indiſtinctâ cauſâ excludere, & ablegare, vix illi relicto inter mediocres grammaticos tantum loco; quoniam tamen ſe iudicem ſelectum huius quæſtionis non cognoscit, non ſuo id actum iudicio tacitè innuit, ſed illorum qui benè de re literariâ meriti ſunt. malè enim apud eos illum audire inquit, & iam non mediocrem ſui nominis iacturam feciſſe, ex quo primùm differentiam inter conterraneū, & cōciuem, Comenſium opinione nō admiſſâ, ſtatuerè voluit. Sed neceſſe eſt vt vel Parauicinus doceat qui nam ſint iſti viri docti, apud quos Laurentius Valla tã male audiat, & quorum iudicio illius exiſtimatio, quam ex literis, & multâ eruditione ſibi comparauit, lædatur, & diminuatur, ſimulq; vt eorū ſententiam de illo proferat, vel vt ſe non leuis iniuriæ etiã in hunc hominem illatæ reum fateatur, neque enim illi in cauſâ propriâ fides habenda eſt, cui fortasſe illud antiquum non conuenit (*ἀντις ἔρα*) quod olim Pythagoræ diſcipuli in dubijs diſſertationibus proferebant. Paulus ſanè Iouius, ciuis Comenſis, ſummo vir ingenio, & varia eruditione inſignis, qui parcus alieni operis ſemper laudator fuit, ſeueræq; auris arbitrio ſuperbus, vt illi quiſpiam obiecit, Laurentij Vallæ effigiem à ſuo Muſæo non reiecit, ſed illam inter viros doctos, & præſtantes virtute collocauit, Romanosq; præalto ſepultos ſomno à Gothicis temporibus uſq; ad parentum ſuorum memoriam ad nobilium literarum ſtudium ab illo excitatos fuiſſe prædicauit; Thucydidemq;, & Herodotū, Græcanicæ hiſtoriæ parentes, illius liberali labore è Græciâ in Latium miſſas; præterea perſcriptos ab eo falſè, & eruditè reſtatur libros aliquot inueſtiuarum,

& recriminationum, nec nō historiam rerum in Hispaniā, & Siciliā gestarum ab Alphonso Aragonio, & alia complura opera, ex quibus illum longè eruditum hominem, oratoremque, & historicum magni nominis fuisse constat; nec aliter de illo sensere Sabellicus, & Becichemus, qui illum Varronē sui tēporis, nobilissimū verò Grammaticorum vocat Alciatus, eundem vt virū præstantē in literis citat ^a Budęus, multæ virum doctrinę, & ingenij in primis acuti vocat ^b Pontanus, hoc etiā miror à Parauicino iam flamine de Vallā proditū, quod melior flamen, quàm grammaticus extiterit, quando inter claros grammaticos illum omnes nec postremo loco statuant, at impietatis, violatęque religionis reum ille se ipsum suis scriptis manifestè prodar, cuius eundem apertè infimulant Pontanus, Iouius, & Sigonius, & doctissimis etiam libris in eum editis Augustinus Steuchus. In alios ex scriptoribus à me supra relatis, qui multi sunt, mordacis calami mucronem Parauicinus non dstringit, vt pote sibi maiori ex parte ignotos; Corium verò, & Bugatum sententię suę, & suorum Comensium etiam assertores, & probatores sibi falsò persuadet: nam ^c Corius Plinium superiorem Veronensem agnoscit, & Veronēsem apertè nominat, ^d Bugatus verò dum vnus Plinij, eiusdemque Comensis, tantum meminit, alterum tacitè Comensem non fuisse testatum esse voluit; negat etiā Parauicinus à Panuinio nostro, & ab Hieronymo à Curte historię Veronensis scriptore superiorem Plinium Veronensem vocari, sed vel neutrius libros, vir alioquin multę lectionis, legit, & obseruauit, vel subdolā ratione calliditatē argumenti velauit; quoniam Panuinius non semel illū

et si necessarius. § si an-
non ff de pi-
gnor. action.
lib 6 de ser-
uone.

et in vno Do-
mitioni

de lib. 2. hist.
vniuersi

Veronensem appellat, sed bis, terq; in Commentarijs
 scilicet in libros Fastorum, vbi de Consulatu Plinij iu-
 nioris agit, & in libello de nominibus Romanorum, ac
 demum in breuiario Veronensis historię manuscripto
 à me superius citato, ^a Hieronymus verò à Curte eun-
 dem inter Veronenses scriptores adeo palàm, & apertis
 verbis recenset, vt necesse non sit hoc ipsum clarius à
 me probari. In eo autem calliditas arguentis ver-
 satur, quod non omnino à Panuinio, aut ab Hieronymo
 à Curte Plinium Veronensem agnoscere negat, sed solum
 cum ab eis citatur, semper Veronensem non vocari, le-
 uissimo, nec vlla responsione digno argumento. Hęc
 omnia, tot, tantorumq; hominum magna consensione
 confirmata, vt etiam certa, & diuturna Plinij apud nos
 possessio consequatur, necesse est; eā igitur semper tam
 ante Franciscum Petrarcham, quā post illius excessum
 Veronenses retinuisse gloriuntur, cuius rei argumento
 est ipsius Plinij statua in summo Veronensis Comitij
 fastigio à maioribus nostris ex S. C. antiquitus erecta,
 præter Panuinij testimonium; sed quoniam eandem
 apud se esse ipsi quoq; Comenses iactant, & ideo vi-
 dendum esset, vtra iustior, vtra antiquior sit, hanc di-
 sputationem hic missam facio, de illā satis acturus, cum
 de Comensium possessione tractabo.

a: lib. i. hist.
Veron.



DE VERA C. PLINI SECVNDI
SVPERIORIS PATRIA,
ATQ. EA VERONA.

POLYCARPI PALERMI I.C. VERONEN.

Liber Tertius.

CAP. I.



AGREDIOR alteram partem pol-
liciti operis, argumenta scilicet, &
iura omnia, quibus Comenses
vtuntur, vt Plinium nostrum etiã
inuitum, Comensem efficiant; quę
quidem opera quãquam ina-
nis, & superflua esse videbatur,
(postquã satis superque duobus superioribus libris à
nobis probatum est Veronensem illum fuisse,) non fuit
tamen pratermittenda, nè vel silentio nostro illorum
argumenta probare videremur, vel nullã responsione
despicere, & aspernari: quod omninò inciuile esset, & à
nostro instituto prorsus alienũ; simulq; quia pręuidebã
aduersarios ijs omnibus ad amussim examinatis, & per-
spectis, cũ nostrisq; collatis, iã de victoriã parũ solli-
citos faciliũ præsẽti cõtrouersię cessuros, atq; id quidẽ
sapienter, nullo siquidem magis Patrię affectu, sicut
ego existimo, quã veritate, præsens negotium, vt
cætera sua omnia meriũtur. Hoc igitur illis præmissum
esse volo, quod etiã aliàs attigi, quodq; verissimum
est,

est, ex adoptione scilicet Plinij nepotis, qui per eam
 è Cēciliâ Comensi gente in nostram Pliniam migravit,
 ingentem, & supinum hunc errorem in animos homi-
 num obrepssisse, vt Plinius noster Comensis aliquan-
 do fuerit existimatus, idem quippe nomen, cogno-
 menq; Auunculi per illum hac ciuili actione adqui-
 situm, tantum quandoq; tenebrarum ingenijs poste-
 ritatis offudit, vt vterq; Plinius etiã à nonnullis an-
 tiquorum, prout à multis recentiorum, vnus tantum
 fuerit creditus; Ita q; nihil de posteriore Plinio loque-
 batur, quod etiã superiori, hoc ipso errore decepti nō
 adscriberent, & è contra: cuius adoptionis tale nobis
 testimonium Plinius iunior reliquit in epistolâ ad ^{2. cap. lib. 9.} Ca-
 pitonem. *Auunculus meus, inquit, idemq; per adoptionem pater, historias & quidem religiosissime scripsit.*
 Ex hac primùm adoptione Plinia familia inter Comen-
 ses censerī cepit, illis antea ignota; hinc deinde tractu
 temporis nonnullæ Pliniorum inscriptiones apud eos
 emanare, quarum ante ipsam nulla mentio, nullum ve-
 stigium, at ne vmbra quidem fuit, quod & ipsi fatebū-
 tur; ab eâdem adoptione Parauicinus multarum fabu-
 larum argumentum auspicatus multa prodit, quæ mi-
 nus vera sunt, exordioq; in primis hinc deducto sic sta-
 tuit, Cigalino tamen, præter Iouium, in multis duce:
 quod filij adoptiui non solùm in ius, potestatemq; pa-
 tris adoptantis transibât, sed etiã illius patriam nan-
 ciscebantur, suæ originis iure amisso; & idè, cū Plinius
 minor sēper in Oufentina tribu, in qua Comēses suffra-
 gium ferebant, descriptus videatur, nunquàm in Po-
 blihâ, seu Publiciâ, in qua Veronenses, necesse est vt
 etiã Plinius auunculus, à quo fuerat adoptatus, in

Ou-

Oufentinam, non in Poblíam fuerit relatus, atq; hinc Comensis, non Veronensis sit censendus. Quo argumento Cigalinus adeò erigitur, vt ex eo certissimam sibi victoriæ palmam polliceatur; firmissimum illud, certissimumque argumentum appellans, quo omnis in posterum dubitandi occasio præcidatur; verum hæc, & similia & si legentium animos, ceu laræ quædam, primo adspectu mouere videantur, in his tamen, qui Romanam historiam callent, & adoptionum iuris non sunt omninò nescij, nihil efficiunt, nulliusq; momenti habentur. sicut enim verum est, filios adoptiuos in parentum adoptantiū potestatem, familiamq; cōcedere, & omnia illorum iura consequi, vt præsertim docet ipse minor^a Plinius illis verbis, vbi de Traiani adoptione loquitur. *Simul filius, simul Casar, mox Imperator, & consors Tribunicie potestatis, & omnia pariter, & statim factus es, quæ proximè parens & verus tantum in alterum filium contulit*: ita falsum est, vt per huiusmodi civilem actū ius originis lædatur, immutetur, vt docet^b Paulus I. C. & Diocletianus Aug. cum Maximiano, antiquum ius interpretantes, qui in hæc verba ad Atticū rescripserunt. *In adoptionem quidem alienæ ciuitatis ciui re esse dato additur, non mutuatur Patria; ac propterea ius originis in honorem, & munerum obsequio per adoptionem non minui perspicitur*. quo loci Baldus Vbaldus inter recentiores I. C. acutissimus, ita scribit. *Per adoptionem patria additur, non detrahitur, additur civilis, & non detrahitur patria naturalis*. item Bartholomæus Salicetus, *Adoptio, inquit, non minuit adoptati domicilium originis, ideo & ibi honores, & onera subire tenetur; quod etiā fusius, & luculentius quàm cæteri, explicat doctiss.*

Petrus

a: in Panegy.

b: in l. 15. §.
ult. ff. ad municip.
& de incol.
c: in l. 7. C. de
adopt.

Petrus¹ Gregorius: soluto verò per emancipationem iure patriæ potestatis, & ipsum ius ciuitatis per adoptionem quæsitum soluebatur, vt post Hermogenianum idem² Petrus Gregorius docet, quæ quidē omnia videntur comprobari etiā ex illâ P. Scipionis oratione, quam Cenfor habuit ad populum, cuius meminit A.³ Gellius, à Cigalino obseruatus, licet mihi subobscura sint illius verba; quid igitur refert, quòd Plinius nepos, qui per adoptionem ius originis minimè mutauerat, nec Comensis esse desiderat, Oufentinâ semper Comensium tribu videatur notatus, (quatenus tamen id factum sit C. Plinio auunculo viuente, quod est falsum) quando nihil obstabat, quominus etiā Veronensis eodem tempore exstiterit, hoc iure per adoptionem adquisito? Hinc igitur rectius Cigalinum sensisse, quàm Parauicinum, dicendum est, qui non adimi patriam originis filio adoptato rectè sensit: at in utrâq; tribu tam patris naturalis, quàm adoptantis eidem ius suffragij ferendi saluum esse apertè testatur. Verùm ex his altera, nec minor oritur dubitatio, an scilicet filius adoptiuus, qui post adoptionem in duabus tribubus ius habebat, vtramque etiā in suis inscriptionibus testaretur, quod credidit Cigalinus, vir perspicax, & acutus, exemplo Augusti, qui à C. Iulio Cæsare auunculo magno adoptatus, Fabiam, & Scaptiam æquè titulis suis viuens inseruit, vt ex hac inscriptione patet.

a: lib. 10. cap. 6 n. 26. & li. 18 c. 13. nu. 11 Syntagm. ior. vniu. b. l. 16. ff. ad munic. c: ind. locis.

d: lib. 5. c. 19

C. IVLIO C. F.

FAB. SCAPT.

CAESARI

AVGVSTO

Q

alte-

a: cap. 40. in
Aug.

alteram scilicet propriam gentis Iulæ, vt ipse inquit, alteram Octauia; hinc ipse Augustus Fabianis, & Scaprienſibus tribulibus ſuis dic Comitiorum, ne quid à quoquam deſiderarent, ſingula millia nummum à ſe diuidebat, vt inquit ^a Suetonius, à Cigalino etiã obſeruatus; nec illi deest exemplum alterius Brixienſis inſcriptionis, quæ eſt huiusmodi, cuius fidem ratam habet Panuini, & Sigonij teſtimonio.

Q. MINICIO Q. F.

FAB. POB.

MACRO.

be in tribu
Scapria
et in Auguſti
titulis.

Ex quibus innuit Cigalinus, Oufentinam tribum ad vtrumq; parentem, naturalem ſcilicet, & adoptiuam minoris Plinij ſpectaſſe; nam ſi Plinius ſuperior, & illius per adoptionem pater alterius tribus fuiſſet, illam etiã filius adoptiuus in ſuis elogijs expreſſam feciſſet; Ego verò in contrariam ſententiam totus inclino, quoniam quidquid ſit de illâ primâ Auguſti inſcriptione, (quæ mihi valde ſuſpecta eſſet, tamquam nimis ieiuna, nimis arida, & tanti viri maietàti minimè conueniens, omnibusq; illius inſcriptionibus longè diſſimilis, nullâ vllius dignitatis, ſed tribuum tantum mentione, niſi illam ^b Panuinius, & ^c Hubertus Goltzius probarent) illud ſanè veriſſimum eſt, quòd longè plures lapides exſtant cū inſcriptionibus filiorum adoptiuorum, in quibus vnus tantum tribus, quàm in quibus duarum mentio eſt, quas hic ſubi, cio, alijs prope innumeris omiſſis, quæ paſſim apud Iacobum Maz zochiũ, Panuinium, Lipſum, & Gruterum leguntur; atq; inde vſu frequentiore receptum credo, vt vnâ tantum ab adoptiuis, non plures tribus nominarentur.

Apud

*Apud Marzochium.**fol. 102.*

DIS MANIBVS
 TI. CLAUDIO TI. F. QVIR.
 PROCVLIANO
 CLAVDIA PROCVLASOROR
 FECIT
 VIXIT ANN. LXXXXV.
 MENS. IIII. DIEB. XII.

*Ibid. fol. 144.**exametris antiquis satis
elegans.*

AVLVS PALATINA EGNATIVS
 IRISCILIANVS.
 ARTE SVPER GEMINA
 NOBILIS ET SOPHIA
 DVM VIXI DIDICI QVAE
 MORS, QVAE VITA HOMINI
 ESSET
 AETERNA VNDE ANIMAE
 GAVDIA PERCIPIO

Ibid. fol. 161.

D. M.
 Q. EMILI Q. F. QVIR.
 IVLIANI EQ. R.
 QVI VIXIT A. XIII. M. VI
 D. XII. FILI DVLCISSIMI
 PARENTES INFELICISSIMI.

Ibid. fol. 171.

C. IVLIVS C. F. PAL.
 SVLPICIANVS
 ET CÆCILIAE EIVS ...

*Ibid. fol. 175.**Lögiss. inscriptio quæ incipit.*

T. PLAVTIO M. F. ANI.
 SILYANO ÆLIANO
 PONT. SODALI AVG.
 III. VIR. A.A.A. F.F.Q. II.
 &c.

Ibid. fol. 176.

M. VALERIO M. F. PAL.
 AMERIMNIANO
 VIXIT ANNIS XII.
 MENSIBVS VII. DIEBVS
 DVOB. HOR. X.
 M. VALERIVS M. L.
 AMERIMNVS
 FILIO SANCTISSIMO ET
 PIENTISSIMO
 FECIT
 NATVS EQ. ROM. VICO
 IVGARIO.

*Apud Panuinium in
tribu Horatia.**fol. 507.*

M. SEPTIMIO M. F. HOR.
 SEPTIMIANO
 EQVO PVBLICO III VIR. I.D.
 PRÆF. FABR. ROMÆ
 DEC. IIII. SCAMILLAR.
 OPERÆ VETERES
 A SCAENA
 PATRÒNO OB MERITA
 L. D. D. D.

*Ibid. in tribu**Sergia fol. 511.*

C. RASINIO C. F. SER.
 TETTIANO
 PRÆF. FABRVN III VIR.
 PRÆF. COH. PRÆTOR.
 PATRONO MVNICIPI.

*Ibid. in tribu**Veturia fol. 512.*

SEX. CALPVRNIVS
 SEX. F. VETVRIA
 QVINCTIANVS.

Q 2 *Ibid.*

*Ibid. in tribu**Stellatina fol. 515.***SOLI INVICTO****MITHRÆ****T. ANTISTIVS. T. F.****STELLATINA****SEVERIANVS DEDICAVIT.***Ibid. in tribu**Tromentina fol. 516.***C. BETVO C. F. TRO.****CILONI MINVCIANO***Apud Ambros. Morales in**lib. de antiquit. Hispan.**fol. 19.***C. VALERIVS C. F. GAL.****VALERIANVS**

&c.

*Item ibid.***C. VIBIO C. F. L. N. TRO.
GALLO PROCVEIANO
PATRONO PERVSINORVM
PATRONO ET CVRATORI
R. P. VETTONENSIVM
&c.***Ibid. in tribu**Pompina fol. 520.***L. IARQVITIO****L. F. POMP.
ETRVCO SVLPICIANO
SERIBAE QVAESTORIO
EX TESTAMENTO
DE HS. XX.***Apud me.***CASSI.
F. POB.
VIO IIII VER.
AEDILIC. POT.***Quem sic restituo.***CASSIO
F. POB.
FVLVIO II I VIRO
AEDILIC. POT.**

Plures etiam huiusmodi inscriptiones exstant apud Fulvium Ursinum, ac præsertim in gente Flaminia, Tarquitia, & Vargunteia, ac demum in incerta fol. 290. ubi veterem inscriptionem Dei Fidij Semonis Sanci refert; sed dum aliena sectamur, nostrorum penè obliuiscimur, namq; ab ipso Cigalino, nec sciète, opportunissima nobis adfunt exempla, quibus illum ceu proprijs telis conficiamus.

*Item***P. MARIO . . VOT.****LUPERCIANO****EQ. R. EQ. PVB. OMN. HONOR****MYNICIP. ADEPT. &c.****C. CORNELIO C. F. VOT.****MINICIANO****PRAF. COH. PRIMAE****DAMASC. &c.***si quan-*

si quando verò in antiquis monumentis geminè tribus mentio reperitur, quod accidit adedò rarò, vt vix duo supra relata exempla longo studio Cigalinus ex Panuini nostro, & Huberto Goltzio collegerit, hinc tamè certa adoptionis nota non præsumitur, vt ille credit, quod etià patet ex illa Brixienſi inſcriptione Q. MINICII MACRI, in quâ nullum adoptionis veſtigium videtur; ſi quidem alias etià ob cauſas contingere hoc poterat, quarum meminit^a Panuinius, vbi duas illas inſcriptiones, Auguſti ſcilicet, & Q. Minicij recenſet, his verbis. *Duas enim tribus Auguſtus, & pleriq; alij aliquando obtinebant, alteram quam ſibi naſcendi ſors dediſſet, alteram verò vel iure adoptionis, aut in accuſationis de repetundis premium, aut emptam, vt quis maiorem in diſtributionibus partem haberet.* Quo fit, vt valde mirer, Cigalinum illas quidem à Pauinio deſumpſiſſe, rationem verò duas tribus adquirendi ibidem per eum traditam, præter illam adoptionis, ſilentio præteriſſe, quo ſcilicet maior fides ſuis dictis quæreretur. Ipſa autem ſola tribus, quæ in adoptiuorum titulis legitur, non patris adoptantis, vt inquit Cigalinus, (meo quidem iudicio,) cenſenda eſt, ſed propria originis, & naturalis patris, tùm quia tale ius nullo ciuili vinculo tolli, vel lædi poterat, ut ſupra oſtendi, & ideo Senatoris, vel Conſulis ſeu Conſularis filius in adoptionem datus plebeio homini, ſenatorius, vel conſularis eſſe non deſinebat, ut tradit^b Paulus I. C.; tum etià quia maximum abſurdum ſequeretur, ut fictio adoptionis, quæ naturam imitatur, plus poſſet efficere, quam ipſa natura; niſi potius diceremus, quòd durante adoptione, nec eà per emancipatione, vel per

a: in tribu ſeq
ptia,

a: ep. 14. lib. 1

b: l. 1, ff. de
adoption.

mortem solutâ, filij quoq; adoptiui patris adoptantis
tribum præcipuam haberent, quod uidetur innuere
illa C. Cornelij Miniciani inscriptio; qui cùm tribum
Fabiam, quæ gentis Miniciæ propria fuit, sequeretur,
ut potè Brixienfis, ut scribit^a Plinius ad Iunium Mau-
ricum, in Votiniâ tamen descriptus est, ut in sæpe me-
moratâ inscriptione patet, patre scilicet adoptiuo ad-
huc uiuente; solutâ uerò adoptione, uel per emancipa-
tionem, ut supra uidimus, uel per mortem adoptantis,
omnia itidem adoptionis iura soluebantur, ut ne uesti-
gium quidem illius superesset, ita nobis^b Papiniano at-
testante, proindeq; ius etiâ ipsum tribuarium extin-
guebatur; itaq; mirum non est, quòd in inscriptionibus
Plinij minoris Oufenting tribus mētio sēper habeatur,
non alterius; quia factæ sunt non solum annis triginta,
& ultra post obitum patris adoptantis, Consulatu sci-
licet ipsius Plinij, Auguratu, & alijs rebus gestis ibidē
luculenter descriptis hoc nobis indicantibus: acceden-
te etiâ, quod L. F. idest Lucij Cæcilij filius, nō C. F.
idest C. Plinij filius in eis dicitur, sed etiam post mor-
tem ipsius adoptati, quoniâ nec tantos titulos (quæ fuit
lius uerecundia) uiuēti sibi inseribi passus esset, quâquā
immensâ gloriæ cupiditate flagraret, nec nisi defuncti
supremæ tabulæ aperiuntur, unde tam profusa libera-
litas illius emanauit, cuius ipsæ inscriptiones non du-
bio grati animi indicio fusissimè meminerunt: quam-
quàm uerò in unâ tantum ex eis C. F., & C. N. di-
catur ita Panuinio referente, idest Caij filius, & C. ne-
pos, quæ notæ patrem adoptantem, & auum respici-
unt, suspicione tamen non caret in hac parte, prout e-
tiam Cigalinus animaduertit, & in alterâ, ubi Legio-
nis

nis VI. Gallicæ mentio est, quæ Plinij tempore nondum fuerat instituta, quantum ex ^a Dione colligi potest, à Cigalino citato.

2: 16. 55.

Est etiam altera responsio non spernenda, cuius me auctorem facere nec pudet, nec piget: siquidem, cum vidissem in maiori parte colonicarum inscriptionum, & præsertim nostrarum Veronensium, nullam alicuius tribus notam exstare, dubitare primum cepi, an fortè ad peregrinos spectarent, sed rursus cum obseruassem longè maiorem esse numerum illorum lapidum, in quibus nulla tribus mentio est, quàm illorum in quibus notata cernitur, existimaui fieri non posse, (quantum ex hoc conijci potest) ut plus peregrinorum, quàm ciuium in ciuitate reperiretur; & idè arbitratus sum familias illas, quæ suæ tribus nota ab alijs distinguebantur antiquiores, & clariores alijs fuisse illà notâ caretibus, ut potè ab illis familijs emanatas, quæ post deductam coloniam, & ante Dictaturam C. Iulij Cæsaris in patriâ primis magistratibus gestis Romanæ ciuitatem adquisiissent, atq; hinc, cum multæ per clientelam Romanis familijs insertæ essent, Romanis etiam nominibus utebantur, ut ex his quas cum suis inscriptionibus hic subiicio, facile apparet, partim à Saraina, & ab alijs relatis, partim à me obseruatis.

Apud Sarainam.

Q. TVRPILIO

Q. F. POB.

Ibidem.

M. CINTVLLVS L. F. POB.

SEVERVS

MILES COH. V. PR. SIBI ET

. P. F. MAXIMAR

MATRI

Apud

Apud Sarainam.

C. SEMPRONIUS C. F. POB.

REITA

Ibid.

*Ad portam adium Io. Bap.
Carterij V. Nob. & uxoris
meae auunculi prope tē-
plum Cathedrale.*

Q. CAESIO Q. F.
POB. SIGNIF.
M. CAESIO Q. F.
POB. VETERANIS
LEG. XIII. GEMIN.
Q. CAESIVS Q. L.
PRIMVS.

Ibid.

L. OCTAVIO L. F. POB.
SEVERIANO
QVI VIX. ANN. XXI
DIEBVS XXIX
L. OCTAVIVS SEVERVS
ET TRATORIA
PARENTES INFELICISSIMI
FILIO DESIDERATISSIMO

Ibid.

V. " F.
M. QVINCTIVS P. F. POB.
MODERATVS
P. QVINCTIO POLLIONI
FRATRI
:

Ibid.

SEX. RVBRIO SEX. F. POB.
FESTO
FLAMIN. ROMAE ET AVG.
D. D.

Ibid.

*Ad hospitium Stella in foro
vinario.*

Q. SALASIO Q. F. POB.
LVCILIAE VXSORI
SIVS
PAVLLVS L. FECIT ET SIBI.

Ibid.

L. OCTAVIVS L. F. POB.
MARCELLINVS
BENEFICIARIVS PRAETOR
P. B. L. VOCATVS
T. F. L.

Ibid.

P. GRAECINIO
P. F. POB.
LACONI
ORNAMENTIS
CONSVLARIBVS.

Ibid.

C. ATTO C. F. POB.
C. XILO FILIO SVO.

Ibid.

L. TRVTTEDIVS
P. F. PVB.
SIBI ET SECVNDAE
BAEBIAE C. F.
V. F.

Apud

*Apud Panuinum in tribu
Popilla.*

M. APICIVS
M. F. PVB.
PVDENS
VERONA
MIL. COH. XII. PR.
MILIT. AN. XVI
VIX. ANN. XXXIIX
H. S. E.

*Apud Oratorium Dini Ze-
nonis humi fixus lapis
à me obseruatus.*

C. STATIVS
C. F. POB.
MANCINVS.

*In tabula aenea Caesaris
Nichefolæ.*

HONORI
M. GAVI. M. F.
POB. SQVILLIANI
EQ. PVB. IIII. VIR. I. D.
IIII. VIR AP VB
CVRATORI VICETINOR
APPARITORES ET
LIMOCINCTI
TRIBVNALIS EIVS.

Apud me.

. CASSI. .
. F. POB.
.. LVIO IIII VIR.
.. DILIC. POT.

*Repertum Piscerie ad emer-
sum Benaci in agro Vero-
nensi anno 1594.*

C. PETRONI C. F.
POB MARCELLINI
INTER PRIMOS COLLEGI
ATO IN COLLEGIO NAVICVLA
RIORVM ARDELICENSIVM CVI
COLLEGIO DEDIT LEGAVITQ.
SS. N II AT SOLEMNIA CIVIS
ET ROSARVM SIBI ET CONIVGI
PETRONIA PIA PATRI
PI-NTISSIMO.

*In templo Corigij in agro
Veronensi*

Duo capita.

M. CLVTIVS P. F. POB.
SIBI ET SVIS
PACILIA M.F.VASSILIA VXOR.

Tria capita.

P. CLVTIVS VIRIO
PATRI
CAELIAI MAXIMAI
MATRI
CLVTIIAI P. F. TERTIAI
SORORI

R Alias

Alias verò familias, quæ innominatâ tribu in nostris lapidibus spectantur, illas fuisse credo, quæ ante Dictaturâ C. Iulij Cæsaris maiores magistratus in patria non gesserant, & ob id nec in ciuitatem Romanam, nec in Romanas clientelas fuerant receptæ, sed illius tantum beneficio ciuitatis Romanæ ius vnâ cum alijs Transpadanis obtinuerât ipso iam Dictatore, vt supra ostēdi, in quarum inscriptionibus suæ tribus denominatio vti superflua omissa est, omnibus quippè ciuitate, & tribu iam communi, non paucis, vt antea. Itaq; cum Plinia gens ciuitate Romanâ hoc posteriore iure vteretur, vt est credendū, (est enim Pliniorum nomē Romanis familijs penitus externum) nulla tribus nota referebatur; Cæcilia verò Comensis Romanæ ciuitatis vetustate, & Cæciliæ gentis clientelâ insignis cum suâ tribu nominabatur, atq; inde fit, vt Oufentina tantum tribus in istis Plinianis inscriptionibus, nulla verò Publiciæ, seu Publilię mentio habeatur.

C A P. II.



I tam facile quæ firmissima à Comensibus, certissimaq; habentur argumenta, à nobis resoluuntur, & eorum arces munitissimę expugnâtur, nō video quod nā illis tutū deinceps pateat confugium, & ideo nō vereor quin ea quæ sequuntur illorum argumenta ipso transitu, ceu arces inualidæ, & parum firmæ, nullis resistantibus à nobis facillimè occupentur. Possidebat, (inquiunt Comenses) Plinia maioris Plinij soror, & minoris mater, prædia in agro Comensi

menti iuxta Larium, quorum alienationem in Core-
 liam, defunctâ iam matre, Plinius interdixit, cui cete-
 rorum omnium emendorum, (paternis, maternisque
 exceptis) potestatem fecerat, vt ad Fabatum proso- 2: ep. 14. lib. 7
 cerû scribit, ergo & ipsa Plinia Comensis erat, (ita enim
 subdunt,) ergo & Plinius frater; sed fatua est ista con-
 clusio, & ab omni rectâ ratiocinâdi ratione aliena; quid
 enim prohibet quominus etiâ Veronensis in agro Co-
 mensi fundos habeat, eosq; in dotem sororis cōuertat,
 nec tamen Comensis sit, aut Veronensis esse desinat?
 Legimus Romanos ciues in Prouincijs extra Italiam
 Augusti tempore latifundia, villas, & multa prædia
 possedisse, cumq; ab ipso Augusto omnis extra Italiam
 profectio Senatoribus interdicta esset iniussu suo, per-
 missam tamē fuisse in Siciliam proficiscentibus, in Gal-
 liamq; Narbonensē, vt tradit^b Dio, at nō quidem om- b: lib. 31. in
fine.
 nibus, sed illis tantum, qui aliquam ibi locorum pos-
 sessionem haberent; quid ergo? an ex eo solum, quod
 in his Prouincijs, & in longè remotioribus ciuis Ro-
 manus fundos, & prædia possideret, amissâ idē ciui-
 tate Prouincialis Siculus, & Gallus Narbonensis fie-
 bat? quid magis ridiculum? Eâdem ratione nec Ca-
 tullus noster Veronensis, nec M. Cælius Romanus, c: in orat. pro
M. Cælio.
d: Flin. ep. 30
lib. 6.
e: idem ep. 20
lib. 8.
f: ep. 9. & 22.
lib. 1.
Item ep. 17.
lib. 1. & 6. li.
4. & 4 lib. 7.
& 40. lib. 9.
g: ep. 1 lib. 4.
It. 6 & 8. 15
11. 1. 16 & 40
lib. 9.
 nec Plinius nepos, aut Fabatus Comenses fuissent;
 habuit enim Catullus fundum inter Sabinos, & Tibur,
 quod docet illo epigrammate ex Scæzontibus incipiē-
 te, *O funde noster seu Sabine, seu Tiburs*, M. Cælium
 in Africâ paternas possessiones habuisse tradit^c Cice-
 ro, habuit Fabatus villâ Camillianâ in Campaniâ, præ-
 ter^e Amerina prædia; celebrat^f Plinius Laurentinum
 suum, celebrat^g Tusca prædia Tifernio Tiberino vici-

2 ep. 6. lib. 5.

h. Plin. ep. 4.
lib. 1.

et. f. 8. ad mo-
nicip. & de
incolis
de. l. 6. lib. 6.

2 ep. 20. lib. 6

na, in quibus villam suam amplissimam, & amænissimam describit. Pompeia quoque Celerina Fabarî nurus, & iunioris Plinij socrus in agro Oriculano, in Narniensi, in Carfeolano, & Perusino rura olim^b possedit, nec tamen simul, saltem origine, Oriculana, Narniensis, Carfeolana, & Perusina fuit, quàmuis domicilium in omnibus istis locis eodem tempore habere potuerit, non est enim à iure dissonum, vt pluribus in locis quis habeat domicilium, vt tradit^c Paulus I. C. & d^d Vlpianus, nec tamen vllum iuri naturę, & originis præiudicium inferatur: fuit autem vel Romana è gente Pompeia, vel Comensis, familię Põpeię nomine eò per clientelã trãslato, vt supra memorauî, & ideo nec etiã simul Alsiensis esse potuit, saltẽ origine, nã de illius quoq; villã Alsiẽsi meminit^e Plinius gener in epist. ad Albinũ.

Ex his planẽ vident Comenses huiusmodi argumenti leuitatem, & ideo illud, tamquam arborem succiso trunco omni ex parte nutantem, exemplo maioris Plinij nituntur adiuuare, atq; in primis Parauicinus; nam, si Plinius maior, (vt ipse inquit,) aliquid prædiorum in agro Veronensi habuisset, illud vtique etiam ad filium adoptiuum post eius mortem peruenisset, at nihil ibi minor Plinius vnquam possedit, multa verò in agro Comensi, & ad Larium: ergo & Plinius superior minime Veronensis, sed Comensis habendus est. Sed hoc eodem argumenti genere nos quoque captioni versutę aduersariorum respondebimus, omnemq; illius dubitationem tollemus; nãm cum nihil penitus in agro Comensi ex Plinij auunculi hęreditate ad nepotem peruenisse constet, dubio procul nec ipsum auunculum Comensem fuisse censendum est; nam si quidquam bono-

rum

rum ad se inibi ex illius hæreditate esset delatum, uel illud Plinius nepos non siluisset, vel æquè ac paterna, maternaq; prædia, in Corelliam alienari prohibuisset, ob singularem tanti viri memoriam: à quo amari, & educari non multum fuit, (hoc sibi sanguinis propinquitate postulante;) at verò sui nominis, & totius assis hæredem institui, hoc profectò plurimum, illius etiam iudicio accedente: cuius tamdiu mansurum testimonium vir veræ gloriæ cupidissimus ostentare poterat, quamdiù illius bonorum alienationi pepercisset. sicut enim Alsiensem Pompeiæ^a Celerinæ villam clariorem reddiderat Virginij Rufi nomen, ex eo solùm, quòd illam vir clarissimus possederat, quo pacto & alia littori imposita inter Auernum lacum, & Puteolos M. Tullio Cicerone, ac deinde Antistio Vetere dominis nobilitata est, quam Cicero Academiam suam appellauit, sic Plinio^b nobis testante, ita suos fundos adeo sui nominis celebritate ipsum maiorem Plinium illustrasse credendum est, ut etiam illo mortuo tamquam prioris domini gloriâ fulgentes pretiosissimi, & laudatissimi haberentur. Sed in hoc tam Comenses falli possunt, dum negant quidquam in agro Veronensi ab illo fuisse possessum, quam nos negantes in agro Comensi vlla prædia eundem habuisse; siquidem inter sua Transpadana, (quorum meminit minor Plinius,) tam sua Comensia Cæciliana, quam Veronensia Pliniana contineri possunt, non enim magis Transpadani sunt Comenses procul à Pado siti, quàm Veronenses, ipso Pado fines nostros ad Hostiliâ vetustissimū Veronensiu Vicum, & lōgo spatio inferius alluente. Neq; vero quisquam sit, qui paternorum fundorum appellatione, quorum alienatio-

^a Plin. epist.
10. lib. 6.

^b lib. 31. c. 2.

^c epist. 6. lib. 4.
& ep. 1. lib. 6.

nationē in Corelliam Plinius nepos suis literis vetuit, etiam fundos, qui hæreditario auunculi iure ad eum peruenerant, cōprehendi existimet, quoniam illum passim auunculum, non patrem nominat; paterno præsertim adopcionis iure per mortem illius iam longè antea penitus extincto; præterquàm quòd patris nomē in duobus ad naturalē magis, quàm ad ciuilem referendū est.

At nec illud Comensium argumentum me mouet, æp. 19. lib. 1 ex epistolâ nepotis ad Romatium Firmum, à Benedicto Iouio deductum, quod tantopere Parauicinus post Cigalinum extollit, ubi ad eum scribens, sic inquit. *Municeps tu meus, & condiscipulus, & ab ineunte ætate contubernalis, pater tuus, & matri, & auunculo meo, mihi etiam, quantum ætatis diuersitas passa est, familiaris.* quibus verbis firmissimum sententiæ suæ fundamentum Comenses constituere videntur; nam si Romatius Firmus minori Plinio municeps, & proinde Comensis fuit, cuius pater itidem Comensis maiori Plinio, & Pliniæ sorori familiaris exstiterat, ex istâ familiaritate, quæ illi cū utroq; eorum intercesserat, arguere volunt quod etiam superior Plinius Comensis existimandus, & inter Comenses ciues referendus sit: sed minus rectè meo quodam iudicio: quoniā sola illorū inter se familiaritas, (quantum ex istâ Plinij epistolâ coniectamus,) non sufficit ad probandum eandem ipsi Plinio fuisse patriam, quæ & Romatio patri; quid enim prohibet, & si diuersam patriam uterq; nactus, quominus Comi, Romæ, in Hispaniâ, in Campaniâ, aut alibi, inter se mutuâ familiaritate vsi sint, meliori præsertim ætate à Plinio Romæ exactâ, & vsq; à primâ pueritiâ, ut supra ostendi, & publicis Romæ muneribus ab eo ad-

mini-

ministratis, præter Hispaniæ procuratiōē, & Misenenſis
 claffis Præfecturā? omitto diuerſa bella quib⁹ interfuit,
 quorum cauſā aliquando Romā abſuiſſe coactus eſt.
 quòd ſi etiam Comi huiuſmodi familiaritas Romatio
 cū Plinijs fratribus interceſſit, (fratre forte ſororē pro-
 pinquitatis cauſā quādoq; vt ſit inuiſente) tātī tamē nō
 eſt, vt idem ex eā ſolā Comenſis ſit præſumendus; que-
 madmodum nec illa Romatiij cum Pliniā ſorore fami-
 liaritas hoc nobis perſuadet; illa ſiquidem tam Romæ,
 quàm alibi, præterquam Comi, accidere potuit; quod
 eò magis credendum eſt, quia poſt mortem L. Cæcilij
 mariti cum Plinio filio puero in domum fratris ſeceſ-
 ſit, erat enim cum eo Miſeni pridie quam inde ad Ve-
 ſuuium ſolueret, vbi vi pulueris, & fauillæ oppreſſus
 interiit, vt in epiſtola ad^a Cornelium Tacitum idem a: ep. 20. lib. 6
 Plinius tradit, ^b quo tempore annum duodeuigeſimum b: ibid,
 ætatis ſuæ, agebat, ſequenti verò anno dicere in foro
 primum cepit, auunculo iam ex humanis exempto, vt
 ipſe ad^c Capitonem ſcribit, ^d poſtquam adoleſcentu- c: ep. 8. lib. 5
 lus in Siriā militaſſet, vt alias præmonui, auunculum d: ep. 10. lib. 1
 ſecutus, (ni fallor,) cum quo ſe Romæ fuiſſe aliquando & 4. lib. 7
 etiam^e ſignificauit, vbi penè puer patronus à^f Ti- e: ep. 5. lib. 3
 fernaſibus eſt cooptatus, (ob gratiam nimirum auun- f: ep. 1. lib. 4
 culi quā apud Principes, & apud omnes plurimum
 valebat.)

• Poſtquàm libello ſuperiore oſtendimus fieri nō poſſe,
 vt Plinius noſter Comenſis fuerit, ex eo etiā potiſſimū,
 quòd eorū, quæ apud Comenſes olim admiranda viſa
 ſūt, vt eſt ille fons iuxta Lariū ab utroq; Plinio celebra-
 tus, ſed longè diuerſā ratione deſcriptus, cuius incremē-
 ti, & defectus ignarū ſe Plinius noſter declarauit, vidē-

tes

tes aduersarij se in hoc argumento non posse ampliùs
 tutò persisterè, ab ipso statim loci nomine, non iam
 amplius ab ipso fonte, alterum confingunt, Plinianâq;
 illum vocari dictitant, ab ipso scilicet Plinio nomine lo-
 co indito. Hic Paraucinus amplissimas olim Plin-
 niorum ædes fuisse fabulatur, eiusq; rei ipsum loci no-
 men indicio esse: verum nullum ex suis Comensibus,
 sed Leandrum tantum Albertum Bononiensem huius-
 modi fabulæ auctorem facit, ne laboret apud literatos
 suorum fides; atque ut prudenter Comenses hoc non
 audēt affirmare, ita perperam de illo Leander sensit, vir
 alioquin non levis auctoritatis, sed lōgè in philosophiæ,
 & sacris Theologiæ studijs (ex clariss. quippe Prædica-
 torum instituto) quam in historiâ conscribendâ spe-
 ctatior. Existare sanè locum iuxta Larium, qui Plinia-
 na dicitur, vbi fortè olim fons ille ab utroque Plinio
 memoratus labebatur, facilè est ut credam, sed hic Plin-
 niorū villam, aut ædes, (atq; horū præsertim, de quibus
 agimus,) aliquando fuisse nō est ut credam, nec sine ra-
 tione, siquidem, cum Plinius maior tam mirabilis fon-
 tis mentionem^a facit, *In Comensi*, inquit, *iuxta La-*
rium lacum fons largus horis singulis semper intumescit,
& residet; hæc ille: nullâq; alicuius villæ suæ ibidem
 exstructæ mentione factâ, ad alia naturæ miracula
 recitanda protinus transit. quam silentio, tantâ oppor-
 tunitate omisâ, non dissimulasset, si vir clarissimus,
 & in omnes vel minimas orbis partes, & naturæ fæ-
 tus sui calami, & laborum ferè prodigus, villam inibi
 habuisset. posterior verò Plinius in epistola ad Li-
 cinium Suram, fontem ipsum describit, ut supra vidi-
 mus, illiusq; naturâ, & causas crescentis, & decrescētisq;
 liquo-

^a epistol. vlt.
 lib. 4:

liquoris cum multas afferat, de villâ tamen suâ quàm iuxta illum habuerit, nullum verbum facit: alibi quoque, ubi villas suas ad Larium fitas describit, & præsertim in epistola ad ^a Romanum, nunquam istius meminit; itaque tale nomen aliunde emanasse, & ab ipso potius fonte crediderim, cuius hodie nullum fortasse vestigium superest, atque ideo cum vtriusq; Plinij scriptis fuisset olim illustratus Plinianus dictus est, quodque olim fonti nomen fuit, id postea etiam suppresso, & exsiccatò, loco remansit, atque inde corrupto vocabulo Pliniana dicitur, prout etiam Gaudentius ^b Merula ante nos videtur observasse.

^a ep. 7. lib. 9

^b lib. 1. c. 9. de
antiq. Gall.
Cisalpin.

Quoniam verò Comensium disputatio de Plinij superioris patriâ tutò peragi posse non videbatur, nisi aliquâ etiam ex parte ipsius Plinij testimonio iuvaretur, ideo totis viribus in hanc curam incumbunt, & toto illius opere de naturali historiâ sæpiùs voluto, & reuoluto, id tandem se affecutos gloriantur, dicantem illum non dubia demonstratione Comum patriam suam fuisse testatum, cum longa verborum narratione in illius origine describenda utitur: at ex aduerso Veronæ tantum mentionem sobriè, & sicco, ut aiunt, pede pertransit: cuius ingeniosæ, & callidæ observationis Iovius, Cigalinus, & Parauicinus auctores sunt: sed nò vident homines isti perspicaces, & lyncei, quòd si in re tam facili cuiusquam animus hæsitare unquam possit, (nam cum ratione suspicari nemo sanus potest) Plinium, quem sibi non iure ciuem asserunt, Bergomatem potius, ac Liciniforensem, quàm Comensem efficiunt: quandoquidem longiùs excutrit Plinius in Ber-

2. lib. 3. c. 17.

gomatum, ac Liciniforensium origine referendâ, quàm Comensium; quod ut apertius etiâ pateat, illius verba recitabo; *Orobiorum*, inquit, *stirpis esse Comum*, atq; *Bergomum*, & *Liciniforum*, & aliquos circa populos auctor est Cato; sed originē gentis ignorasse se fatetur; quâ docet Cornelius Alexander ortam à Grecia, interpretatione etiâ nominis, vitam in montibus degentibus; in hoc situ interijt Oppidum *Orobiorum Barra*, vnde *Bergomates* Cato dixit ortos, etiâ nūm prodentes se altiùs, quàm fortunatiùs sitos: hucusque Plinius. quid est autem in tam longâ narratione, quod Comensium sententiæ faueat? quod verbum erit index illius animi? quæ vox? quæ syllaba? quis est adeo ingenio hebeti, & mentis acie ita obrusus, & obcæcatus, qui non videat, totam ipsam narrationem ad interpretationem *Orobiorum* vocabuli pertinere, Catoni ignotam, & à Cornelio Alexandro traditam, ex ipsâ quippe verbi etymologiâ desumptam? *hic* enim græcè mons dicitur, *hæc* vita, atq; hinc *Orobij* monticolæ, & in montibus vitam degentes optima ratione dici possunt. tantum ne hoc indicium fuit Plinianæ mentis, ut Patriam vir doctissimus, & in omnes æquè benignissimus, voluerit his verbis significare? *an qui amant ipsi sibi somnia fingunt*, ut inquit Poeta? Hoc etiâ loco præterire nolui, alteram Comensium obiectionem, qui in spem erecti, (quâquam inanem,) quoddam veram Plinij patriam ex loco præcitato naçi sint, sæpè ipsum in Veronæ mentionem incidere aiunt, nec illam tamen patriam suam uocare, uel saltem significare, quod sæpius opportuniore loco facere potuisset, quàm in ipsâ operis præfatione, si Veronensis fuisset, quibus ego respondeo sæpe eundem

in

in Comi mentionem incidisse, & ubi de illius, & Orobiorum origine ^adisserit, ut nuper uidimus, ubi itidem ^{a: lib 3. c. 17.} de fonte iam sæpè memorato ^bloquitur, ubi de urbibus ^{b: lib. 2. c. 103} ferri temperandi gloriâ illustribus, inter quas post Bilbilim in Hispaniâ, & Turiasonem, ^cComum quoque ^{c: lib 34. c. 14} enumerat, ubi demum de ^dlapide uiridi in lebetes excavando, & tornando, nunquam tamen Comum patriâ suam uocasse, uel saltè indicio aliquo vel minimo innuissè; itaq; pari iure adhuc inter nos ageretur, nec magis hac ratione Comenses, quàm Veronenses agnoscere Plinium suum possent; Cæterùm, cùm Plinius Catullum Veronensem ciuè statim in operis exordio conterraneum suum appellat, hoc ipsum illi satis uisum fuit ad suâ patriam indicandam, ut amplius eiusdem mentionē repetere non curauerit, nullo Comensium toto opere conterraneo appellato, quamobrem hoc etiam illius testimonium causæ nostræ accedit, quo illi carent, ut Veronensis uerè fuerit, non Comensis censendus. ^{d: lib. 4. c. 12}

C A P. I I I.



VCVSQVE Comensium coniecturas, & argumenta uidimus tam ab ipsâ tribu Oufentinâ, in quam minor Plinius relatus fuisse uidetur, quam ab eiusdem epistolis, & à maiore Plinio desumptâ, quibus Comum illius patriam, uano nisu, conantur effigere: nunc de testimonijs à diuersis auctoribus, & ab antiquis lapidibus per eos ad idem petitis est nobis tractandum; in quo argumenti genere eò magis studium nostrum calere debet, quò plures scriptores illo decepti,

a: in callig. Plinius

ueritateq; non bene exploratâ, ad Comenses trāsierūt: quorum primus^a Hermolaus Barbarus, vir alioquin clarissimus, & doctissimus, illis auctor fuit, vt ipsum Pliniū inter suos ciues referrent, de cuius patriâ nihil antea fortè cogitauerāt, nulla ratione ductus, quod ego videam, nisi tantum Suetonij Tranquilli, & Diui Hieronymi, (a quo Eusebius Latinus factus est,) auctoritate, cuius apponam verba, quo magis illius error in aperto sit. *Sed, vt praefatus sum, inquit, nec reijcio, nec vtique recipio* (congruentem scilicet, loco conterranei) *non quod Veronensem fuisse Plinium suspicer, qui absque dubio Nonocomensis fuit, Suetonio Tranquillo, Hieronymoque testibus; hinc Iouius in eucharistico illo elogio, quod Hermolao adscripsit, illum his verbis in cœlum usq; extollit. Nulla hercle cuiusquam defuncti insignis effigies maiore merito, quam tua, in Musæo spectatur, Hermolae, eruditorem omnium omnibus numeris longè doctissime: Nonocomensis enim C. Plinium Secundum ciuem suum, ab imperitis inuidiosè surreptum, eruditâ, præclarâq; sententiâ reddidisti.* Post ipsam verò Hermolaum^b Iacobus Mazzonius tam Eusebij testimonio, (cuius singula de Plinio refert verba,) quam ipsorum antiquorum lapidum inscriptionibus, eundem Comensem fuisse tradit, Francisci Petrarchæ sententiâ commentitijs figmentis circumuentâ, & explosâ; sed quàm malè vterq; nunc expediâ. A Suetonio Tranquillo libellum de viris illustribus fuisse conscriptum Comenses prædicant, in quo ipsius Plinij vita deferbitur, Nonocomensisq; appellatur; cuius sanè auctoris solâ nominatione maximè cōmoueor; quia illum adolescentulum fuisse noui Domitiani Principis tempore,

prout

b. li. 3. defens.
comoc. Ds
tis fol. 469.

prout^a ipse de se testatur, & Plinij nostri excidio proximum, minori verò Plinio etiam familiarem, cuius ad eum^b multæ exstant epistolæ; verum omnibus melius perspectis, ingens me suspicio inuasit; an Plinij vita quæ circūfertur ab ipso Suetonio scripta fuerit, necne, nūquam enim illius de viris illustribus librū vidi, quem citāt Comenses; illum certè ab eo nō fuisse scriptum,^c Suidas me monet, qui singulos illius libros recenset, huius verò nunquam meminit; nec Diui Hieronymi auctoritas hīc mihi rectè ab aduersarijs obijcitur, qui ad Dextrum Præfectū Prætorio scribens contrarium videtur sentire his verbis. *Hortariis, Dexter, ut, Tranquillum sequens, Ecclesiasticos scriptores in ordinem digeram, & quod ille in enumerandis Gentilium literarum viris fecit illustribus, id ego in nostris faciam;* nām loquitur de libro Suetonij de claris Grāmaticis, qui adhuc exstat, non de alio, prout etiā ante me^d Andreas Schottus vir doctissimus obseruauit, qui verò circumfertur de viris illustribus inscriptus, nūquam à Suetonio, siue à minore Plinio, licet illi aliquando adscriptus, sed à Sex. Aurelio Victore editus fuit, cui Schottus illum, ceu postliminio reuersum, tamquam vero, & legitimo parenti post multa sæcula tandē restituit; in quo tamen Sex. Aurelij libro elogiū illud Plinij, quod Comenses Suetoniū auctorem habere dicunt, non exstat descriptū, sed solum, & sine certo auctore huc illuc vagatur, & veluti naufragum fluitat, quod est huiusmodi.

Plinius Secundus Nonocomensis equestribus militijs industriè functus, procurationes quoque splendidissimas, atq; continuas summa integritate administravit; & tamē libe-

a: cap. 12. in Domit.

b: ep. 8. lib. 3.
& 11. lib. 5.
& 34 lib. 9.

c: in verbo
τραγούλλος
siue Trāquil
lus.

d: in sua præ-
fat. in Sex.
Aur. Victor.
de Viris il-
lustr.

liberalibus studijs tantam operam dedit, ut non temerè plura quis in otio scripserit; itaq; bella omnia, quæ vnquã cum Germanis gesta sunt, viginti voluminibus comprehendit, item naturalis historie triginta septem libros absoluit; periit clade Campania, nam cum Misenensi classi præesset, & flagrante Vesebio ad explorandas propius causas Liburnicas prætendisset, neq; aduersantibus ventis remeare posset, vi pulueris, & fœuilla oppressus est, vel vt quidam existimant, à seruo suo occisus, quem deficiens astu, vt necem sibi maturaret, orauit.

Hanc sedenim Plinij vitam tamquam adulterinam, quæq; nec Tranquillo eloquentiæ saporem habeat, nec veritatis, reijcit ^a Becichemus: eandem etiã perperam Suetonio attribui, cum sit sequioris æui, & plusquàm quatuor sæculis post illius obitum scripta, & post Hieronymum, quo auctore scripta est, qui de duobus vnũ Plinium effecit, monet doctissimus ^b Scaliger; eã nimirum coniecturã, quia Nouocomensẽ hunc Plinium dixerit, nam quis illius auctor fuerit, aut vnde sibi de hoc compertum sit, non docet. Verum quia ex aduerso non defuerunt scriptores probatissimi, qui iam annos quadringentos, & sequentibus exinde sæculis hoc Plinianum elogiũ Suetonio tribuerunt, in primisq; Vincentius Bellouacensis antistes, Franciscus Petrarca, & Antoninus Florentinus Archiepiscopus, quid certi de illius auctore statuã nescio; simulq; vereor ne fortè Suetonius opere suo fraudatus tam insignis iniuriæ à me etiam pœnas expetat, illud sanè cõstanti animo semper affirmabo, verbum id (Nouocomensis) quod in ipso statim narrationis exordio se nobis offert, minus legitimum esse, sed nothum, & suppositum,

&

ar in suis in
Plin, præle-
ctio.

luc in cõment.
in Euseb.

& omnibus antiquis exemplaribus ignotum, quam iudicij mei rationem, vel ipsos Comenses probaturos spero: siquidem Vincentius Bellouacensis, qui vniuersalem mundi historiam vsque ad annum Christi M C C X L. (quo etiam floruit tempore,) conscripsit, ipsam integrâ Plinij vitam, quam superius retuli, scriptis suis inseruit, licet mendosam, nec tamen in ea verbum illud (Nouocomensis) agnoscit; eandem integrâ Diuus Antoninus, (ex Bellouacensis tamen historiali speculo desumptam) refert, nam aliunde à se acceptam non docet, nullâ prorsus illius verbi (Nouocomensis) mentione factâ. quid, quòd Franciscus Petrarcha eâdem & ipse recenset, & Suetonio attribuit, totamq; ferè in suû de Plinio Superiore elogium transtulit, sed eundem semper, palàmq; Veronensem, non Nouocomensem appellat: cuius hæc sunt verba, præter ea quæ in suis triumphis de Plinio nostro Veronensi æternis, & gloriosis notis prodidit.

*Nec te, Plini Secunde Veronensis à Tito Linio disjungam, à quo nec atate, nec patriâ longinquus es; tu quidem quamuis equestribus militijs industriè functus, procurationes quoq; splendidissimas, atq; continuas summa integritate administrasse perhiberis, verumtamen tantam liberalibus studijs dedisti operam, ut non nisi temerè plura quis in ocio, quàm tu inter multas occupationes scrip-
sisse memoretur. &c. vbi paulò inferius hæc subdit; Primum nempe Plinij opus, in quo, ut est apud Tranquillum, omnia bella tractauerat, quæ cum Romanis unquâ gesta sunt, ex oculis nostris euauit, nec vsquam superest. &c. Quis igitur sanæ mentis credat, alienum exemplum à Bellouacensi antistite, & à Florentino Archiepiscopo*

2: lib 1. c. 2. re-
rum memo-
rand.

piscopo suis scriptis fuisse insertum non seruata in omnibus fide? quis credat, quod verbum illud (Nouocomensis) in quo multum inest momenti, æquè ab vtroque historiam scribente fuisset prætermisum, si in antiquis exemplaribus manuscriptis illorum tempore extitisset? quis credat Antoninum ipsum virum religiosissimum, & historiæ conditorem accuratissimum in dubio posuisse Plinij patriam, (ignorare enim se profitetur vtrum Comensis, an Veronensis fuerit) si Nouocomensem illum apud Suetonium legisset? illa enim summi viri dubitatio re verâ hinc oritur, quia verbo illo (Nouocomensis) antiqua exëplaria, quæ suo tempore legebantur, carebant, simulque, quia errorem Bellouacensis ex duobus vnû tantum Plinium efficientis nonnihil odorabatur. Quis verò tam stupidus est, tam ingenio tardus, qui sibi persuadeat, Franciscum Petrarcham tam amentem, (at quid inquam amentem?) oris tam improbi, & animo tam inuerecundo, & impudenti fuisse, vt ipsum Pliniû tam apertis verbis Veronensem nominasset, si illum Nouocomensem à Suetonio in suis scriptis vocatum vidisset? Huc acies Comensium argumentorum dirigenda est, in hac arenâ est decertandum, non inanibus ambagibus, & fallacibus commentis res peragenda. Præcauit longè ante me nescio quâ prædiuinatione, hanc meam responsionem Benedictus Iouius, ingenium vehemens, & acutissimum, (eandem tamen Rufo nostro etiam subindicante, & illi forsan præmonstrante: sed vtrique Petrarchæ auctoritate ex æquo ignotâ) breuitatisque causâ à Bellouacensi, & à Florentino Archiepiscopo ipsam vocem (Nouocomensis) in refendâ Tranquilli de Pli-

de Plinio inscriptione fuisse omissam dicit, sufficereq; Nouocomensem illum ab utroq; antea vocatum, hanc illorum esse sententiam; verum non videt Iouius aliud esse suā sententiam dicere, & aliud longè diuersum aliorum scripta recensere, vt enim summā cum libertate internos animi motus interprete linguā efferimus, ita summa fides in alienis rescendis exigitur: proptereaq; cum in ipsā Plinij vitā siue à Suetonio, siue ab alijs descriptā, nullus antiquorum verbum hoc de quo agimus, agnouerit, idem ab antiquis etiam exemplaribus semper abfuisse credendum est: at quæ breuitas in vnius vocabuli prætermisione consistit? doceat Iouius, doceant Comenses. sicut autē magnopere summum Vincentij Bellouacensis ingenium admiror, qui amplissimis voluminibus, quæcumq; ad Philosophicā, Theologicāq; facultatem, quæq; ad historiam, & ad omnem eruditionem spectant, complexus est, sæculo illo bonarum disciplinarum planè rudi, & prorsus barbaro, vt vix credibile videatur tot libros, imo tot ingentia volumina ab vno homine scribi, & edi potuisse, ita vehementer indignor, quòd Plinius maior eo tempore à minore non dignosceretur, sed vnum eundemq; fuisse auunculum, & nepotem, tam ipse Bello-uacensis, quàm alij ante illum crediderint, etenim cū maioris Plinij epistolas quasdam legisset, quarum circiter centum ad manus suas peruenisse testatur, integro earum volumine luci nondum restituto, ipsumq; ex eis Comensem agnouisset, illico Plinio nostro illas attribuit, eundemq; etiam Comensem manifesto errore deceptus prædicauit, sed nullā omninò veniā indignus est, quoniam cū posterioris Plinij, mentio-

T

nem

nem ab Eusebio fieri obseruasset, eundemque ab eo Nouocomensem appellari, (nunquam superioris Plinij, & longè præstantioris nomine memorato,) non fuit difficile, ut uir alioquin clarissimus, quique unum tantum Plinium ab ipso Eusebio agnouisset, in hunc errorem laberetur. Bellouacensis porro uerba, quæ hic subijcio, hoc planè probant, idemque ex uerbis ipsius Eusebij, quæ mox adscribam, si cum illis Bellouacensis conferentur, magis, ac magis comprobabitur.

Igitur anno Traiani XIII, (inquit Bellouacensis) Plinius Secundus Nouocomensis Orator, & historicus insignis habitus est, secundum chronicas, cuius plurima ingenij exstant opera. (Eusebium innuit, cuius sententiã de Plinio ad uerbum hucusque retulit) deinde sequitur Bellouacensis. Hic scripsit de historia naturali libros triginta septem, quos Vespasiano cum Epistolâ premissâ direxit, de quo ingenti eius volumine excerpta in Speculo naturali locis congruis inserui: eiusdem epistolas ad diuersos circiter centum reperi; Tranquillus in catalogo virorum illustrium. Plinius Secundus equestribus militijs induritus fuit. &c. usque in finem, & paulo inferius inter Plinianas epistolas à se repertas multas citat, quæ adhuc in libris epistolarum Plinij nepotis leguntur: ex quibus manifestè deprehenditur tanti uiri hallucinatio; etenim quæcumque de Plinio minore ab Eusebio scripta sunt, eadem ad maiorem spectare existimauit, & ideo triginta septem libros naturalis historię opus maioris Plinij ab ipso minore scriptos fuisse credidit, epistolas verò quæ sūt minoris Plinij, Superiori adscripsit, atque ita dum vnū tantum Pliniū agnoscit, utrumque confundit.

In eundem etiã errorem Diuum Antoninum Bellouacensis impegit, qui illius ductu ex duobus Plinij vnum & ipse facit, illumq; Nouocomensem, verũ ita tamen, vt aliquantum dubius hoc apertè non audeat affirmare, cuius verba hic appono, quia difficile est vt etiam illius ingentia volumina ad omnium manus peruenire possint;

Plinius Secundus Nouocomensis, (quem alij Veronensem fuisse dicunt), orator, & historiographus insignis habetur, cuius plurima ingenij exstant opera, inquit Vincentius in Speculo lib. X. cap. LXVII: hic scripsit de historia naturali libros triginta septem, quos Vespasiano cum epistola præmissâ direxit, de quo ingenti volumine excerpta. &c. refert enim singula Bellouacensis verba vsque in finem, sed erroris illum arguit, quia ex duobus Plinij vnum conflauit, Petrus Maturus è Societate Iesu in suis ad Antonini chronicon notis. Est igitur dicendũ vel auctorem vitæ Plinij non fuisse Suetonium Tranquillum, vt multi credidere, sed multo tempore post illius mortem ab alio fuisse scriptam, qui eodem modo, quo Bellouacensis, & alij, deceptus est, vt credidit Scaliger, vel verbũ illud (Nouocomensis) tamquam spurium, quodq; antiquitus in exemplaribus manuscriptis

Bellouacensis duo, & Francisci Petrarchæ, &

Antonini non legebatur, esse reiiciendum,

& proinde Comenses Suetonio suo

nullo iure hucusque citato ca-

rere in posterum equo ani-

mo assuescant.

auctorem Hieronymum semper & ipse vocat. Tri-
 igitur sunt, ni fallor, quibus persuasū esse potuit Comē-
 sibus, & alijs qui illorū partes sequuntur, vt ad maiore
 Plinium ista Hieronymi verba referrentur; quia scili-
 cet orator fuerit, (nam causas illum in foro aliquando
 actitasse^a Plinius nepos testatur) quia etiā histori-
 cus, nam bellorum omnium^b historiam, quæ olim à
 Populo Romano cum Germanis gesta sunt, viginti li-
 bris absoluit; item à fine, Aufidij Bafsi trigintauno;
 præter libros triginta septem Naturæ historiarum, qui
 adhuc supersunt; ac demum quia ad Vesuuuium exani-
 matus concidit, vt supra vidimus. Cæterum si tem-
 pus vtriusq; Plinij vitæ inspicimus, si rationem studio-
 rum vtriusq; etiā consideremus, omniaque cum istis
 Hieronymi uerbis conferantur, ad nepotem: non au-
 tem ad Plinium auunculum, Eusebium, siue Hierony-
 mū respexisse planè uidebimus; atq; ut ab auunculi eta-
 te incipiam, iam certi sumus illum Tiberio imperan-
 te natum esse, (hoc enī tantarū nebularum memor
 de industriā in ipso operis limine præmonui,) eundēq;
 multa sub Caligulā, & sub Claudio uidisse, & obser-
 uasse, multa sub Nerone scripsisse, reliquum temporis
 Vespasianorum Principum amicitiam nactum, studijs,
 calamo, publicis muneribus, priuatisq; officijs con-
 cessisse: defunctum demum anno ætatis suæ sexto su-
 pra quinquagesimū, Urbis uerò cōdite DCCXXXII,
 uel illi proximò, Vespasiano patre IX, & Tito filio
 VII Cofs., & à Virginis partu LXXX; Quapropter
 amentis, uel potius furentis animi fuerit, illius mortē
 in annum XII imperij Traiani conferre: (in hunc e-
 nim, siue etiā in posteriores, ut legitur, apud Bello-
 uacē-

a: ep. 5. lib. 3.

b: ibid.

c: ibid.

uacensem, Eusebij, seu potius Hieronymi de Plinio uerba reijciuntur) qui primò imperij Titi Vespasiani, anno scilicet XXXI ante ipsum annum XII Traiani extinctus est. Si uerò etiam Plinij nepotis ætatem intueamur, de illo Hieronymum sensisse, non de auunculo, nisi planè cæci esse uolumus, perspicuè uidebimus; nam cum auunculum ad Vesuium expirasse doceat, quo tempore ipse annum duodeuigesimalum agebat, natum se his uerbis ostendit anno VIII imperij Neronis, & V. conditæ DCCC XIII C. Cæsonio Pæto, & C. Petronio Turpiliano Consulibus; post mortem uerò auunculi beneficio Traiani bimestrem consulatum cum Cornuto Tertullo gessit anno Vbis conditæ DCCCLIII, & imperij Traiani tertio, ipso Traiano III, & M. Cornelio Frontone Cofs., ut ex diuino illius panegyrico ad Traianū patet, (ita enim mihi illum cum Iosepho Scaligero libet appellare) utq; omnes fasti consulares consentiunt: à cuius consulatu usq; ad annum XII imperij Traiani nouem tantum anni intercessere. Si igitur istā Hieronymi de Plinio memoriam ad Plinium auunculum referimus, necesse est ut in multa absurda incidamus, & rectam temporum seriem præposterè confusam subuertamus. Vt igitur Cigalinus, (hunc autem præ cæteris nomino, quia cæteris animosior in hac re tractandā mihi uidetur) hunc scopulum euitaret, & causam Comensum ab imminente naufragio seruaret, statim Hieronymum corruptū, & mendosum pronuntiauit, hancq; illius de Plinio mentionem suā sede transpositam, & in aliā fuisse locatam conquestus est, nulla tamen ratione, nullo auctore, & omnibus, qui ante illū, quiq;

quique post illum de hac re scripserunt, vel aliquam huius loci mentionem habuerunt, resistentibus, quos longum esset memorare, videant Comenses: Calliodorum intelligo, Bedam, Marianum Scotum, Hermolaum Barbarum, Ioannem Nauclerum, Iacobum Mazzonium, Arnoldum Pontacum, & Iosephum Scaligerum. Quoniam verò ille Plinius ab Hieronymo celebratus orator, & historicus insignis fuisse perhibetur, videndum etiam nobis est, an talis minor Plinius fuerit, qualis ab eo refertur, & an rectius illi Hieronymi inscriptio, quam auunculo conueniat. si quis igitur in dubio sit, an ipse Plinius nepos non solum orator clarissimus, sed etiam auunculo longè præstantior in ea facultate fuerit, is solem micare nescit; is Plinianas epistolas, & Panegyricum ab eo Traiano dictum turpiter ignorat; sapientissimè enim in suis epistolis se oratorem, & patronum in diuersis iudicijs adlitisse docet, & apud imperatorem, apud centumuiros, & apud alios iudices pro diuersis dixisse. ex ipso verò panegyrico oratoris præstantissimi partes, & ipsam orandi artem in eo genere, tamquam in tabulam ad viuum expressam, opere omnibus numeris absolutissimo planè agnoscimus, & contemplamur; cum interea auunculum Plinium aliquando causas quidem adlitasse tantum videamus, sed nihil quod ad oratorem pertineat, scripsisse. Cæterum quia ab illo historiarum ingentia volumina scripta sunt, ut supra vidimus, à nepote verò non itidem, hinc doctissimus Scaliger credidit verbum illud (historicus) Hieronymo perperam excidisse, dum simul duos Plinius non obscuram hallucinatione confundit; cuius opinio ex eo facile videtur suaderi, quia etiam ante Hieronymum simili

2: in suis an-
madactis.
ad Euseb.
Chronice.

b. lib 2 c. 11.
Saturn.

simili errore Sammonicus Serenus deceptus est, qui, ut apud^b Macrobiū legitur, Plinium auunculum citat in eo loco, ubi de Acipensere loquitur, illūq; vsq; ad Traiani ætatem peruenisse scribit his verbis.

c. lib 9. c. 11.

Plinius, ut scitis, adusq; Traiani imperatoris venit ætatem, nec dubium est quod ait, nullo in honore hunc piscem (de Acipensere intelligit) temporibus suis fuisse. & c. Plinij porro verba de ipso pisce, ad quæ respexit Sammonicus, hæc sunt. *Apud antiquos piscium nobilissimus habitus Acipenser, unus omnium squamis ad os versis contra aquam nando meat, nullo nunc in honore est, quod quidem miror, cum sit rarus inuentu: quo in loco Sammonicus manifesti erroris arguitur, siquidem in comperto est, Plinij auunculi vitam metas imperij Titi Vespasiani non excessisse, nepotis verò etiam Traiani, & Hadriani: quamobrem Comenses, ut tantas Sammonici tenebras discutiant, multa de more confingunt, fabulis, quàm veritati propiora, nihil inausū, nihil intentatum relinquentes, ut quantum ingenij vires valent, Sāmonicum ab errore, quem vel ipsi negare non audent, tueantur, Gigantes illos terrigenas imitati, qui, ut ait^d Poeta.*

d. lib 4. Georg.

*Ter sunt conati imponere Pelio Ossam,
Scilicet atq; Ossa frondosum inuoluere olympum.*

e. apud Por-
cathū lib.
1. Nobilit.
Com.

Etenim^e Iouius totis viribus pugnat, ut persuadeat Plinij epistolas Sammonici præferim, & Hieronymi suo aliquandiu delituisse, & nullam earum copiam extitisse: quod etiam ex nostris nonnulli, nec bene, opinati sunt: inter quos^f Matthæus Rufus; & Cigalinus uerò alia etiā multa his adiicit, quibus se philosophum, & acutissimum potiùs dialecticum, quàm hi-

f. in epist. ad
Iulium.
g. fol 41.

stori-

Roricum arguit, dùm causas tanti lapsus Sammonici sciscitatur, sed frustra diu capite ad parietem impacto, illum tandem fateri cogitur, velatis tamen verbis, ne in se illa à nobis, ceu tot spicula, retorquantur; Verùm scriptores omnes Comenses, & Rufus noster, nullâ sibi ratione persuadent hanc Plinianarum epistolarum occultationem: quandoquidem verisimile est ipsum Plinium gloriæ studio, suæq; immortalitatis mirè incensum illas in vnum volumen collegisse, & viuentem edidisse; is autem floruit sub Traiano, à cuius imperij initio vsque ad Septimium Seuerum, ad quem scripsit Sammonicus, intersunt anni XCV, & anni CCLXX, usq; ad obitum Eusebij, Baronio auctore, quo tempore Hieronymus itidem florebat, nec ullum inter utrûq; tempus tam atrox in Italiâ bellum gestum est, nulla tam fæda depopulatio ipsam Italiâ uastauit, vt in suspicionem adduci possimus, (nam pro certo habere fatuû esset) uel hoc epistolarum uolumen prorsus interiisse, uel in occulto aliquandò delituisse, ita ut liberè à Hieronymo, liberiùs à Sammonico uideri non potuerit, cuius tempore nihil hostile post Traianum Roma metuerat, præter coniurationem in Commodum, & militares motus in Pertinacem, post ipsum uerò Septimiû usq; ad Valentinianum, & Valentem, quorum anno VI imperij Eusebius obiit, & si uarijs bellorum incendijs Italia exarsit, de hoc etiâ non licet suspicari; quòd secus, accidit sæculis posterioribus à Constantino vsq; ad primum Fridericum, sub quo Marianus Scotus, & inde vsq; ad Secundum Fridericum, sub quo Bellouacensis floruit; vniuersa enim Italia interea sæpius à Barbaris fædè dilaniata fuit, & direpta, hostiliumque

armorum incurfationibus (omitto intestina omnium
ferè ciuitatum bella) miserè exhausta, & funditè e-
uerfa; vsq; adèd, vt ipsi lapides, ipsa marmora, & equa-
tæ cœlo machinæ funesta Romanæ maiestatis, & ma-
iorum nostrorum monumenta sæuissimam illorum vio-
lentiam non sustinuerint; atq; hinc barbarie inuectâ
ipsi etiâ libri, clarissimæ priscorum ingeniorum re-
liquiæ, tantis cladibus superesse non potuerint. hinc
M. Tullius Cicero, Sallustius, T. Liuius, Velleius,
Pompeius Trogus, vterq; Plinius, Dio, & alij propè
innumeri scriptores, vel prorsus interierût, vel meliori-
bus suis membris mutili, & detruncati seram posteri-
tatem frustra deplorati videre. hinc est etiâ, quòd
ipsius minoris Plinij epistolæ Bellouacensis tempore
circiter centum conuulso volumine legebantur, vt su-
pra vidimus; quarum iustum, & integrû volumen ma-
nuscriptum in membranis primus omnium in Italiam
iam annos C. è Gallia reportauit Aloysius Moceni-
cus, Vir clarissimus, & doctissimus, & apud Gallorû
Regem Venetæ Reip. Orator, * Aldoq; Manucio se-
niori typis excudendum tradidit: quapropter iustâ ex-
cusatione dignum existimo Bellouacensem, siquid de
Plinio minus rectè sensit, & vtrumq; cõmiscuit, prout
nullâ Barbarum, Nauclerum, & Mazzonium, quibus
nullâ ex parte ipsæ Plinij epistolæ ignotæ sunt, ex ijs
enim videre potuerunt Hieronymi, non Eusebij de
Plinio testimonium minimè superiori Plinio, sed mino-
ri tantum conuenire. Cæterû an & ipse Hierony-
mus vtrumq; Plinium vnam tantum fuisse existima-
uerit, vt obijcit Scaliger, valde dubito; tûm quia vix
mihi persuadere possum, vt error tam supinus tantum

a: Ald. in epist.
dedicat.

virum, historiæq; gloriâ insignem fefellerit: reliquorum quæ ab eo scribuntur, fide in periculo expositâ, quem Summonico obropere non fuit difficile, historiæ quippe naturalis gnaro magis, quam chronisticæ; tum etiâ quia minorem Plinium historicû fuisse ex multis illius epistolis constat, cuius historiæ, quæ nunc desiderantur, Hieronymi tēpore fortasse exstabant, ita enim ad^a Capitonem scribit.

a: ep. 8. lib. 3

Suades ut historiam scribam, & suades non solus: multi hoc me sæpe monuerunt, & ego volo, non quia commodè facturum esse confido, (id enim temere credas, nisi expertus) sed quia mihi pulchrum in primis videtur, non pati occidere, quibus æternitas debeatur, aliorumque famam cum suâ extendere; me autem nihil æquè, ac diuturnitatis amor, & cupido sollicitat, res eo homine dignissima, qui nullius conscius culpæ, posteritatis memoriam non reformidat. Hinc^b Caninium docet, quomodo belli Dacici historia ab eo sit scribenda; hinc librum à se scriptum, & à Sparso probatum^c gratulatur, libellosque suos à Geniali cū patre lectos^d probat: alibi plura volumina se ad Iuniolem misisse^e scribit, & suos libellos Lugduni venditari libenter ex Geminij literis^f cognovit; librorum porro à se conditorum de Heluidij vltione, illius exstat epistola ad^g Quadratum. libellorū denique suorum^h alibi etiam meminit, quid ergo tot voluminibus, quæ libellos verecundè vocat, scriptum ab illo fuisse credemus, nisi historias? quid enim aliud se scripturum Capitonis hortatu apertè testatus est, præter historiam? quid aliud sunt libri, non vnus, sed plures deⁱ Heluidij vltione ab eo scripti, nisi historia? quò semper tetendit illius animus gloriæ, & immorta-

b: ep. 4. lib. 2.

c: ep. 3. lib. 2.

d: ep. 13. lib. 8.

e: ep. 19. lib. 8.

f: ep. 11. lib. 9.

g: ep. 13. lib. 9.

h: ep. 18. & 20.

lib. 9.

i: vidēdus Tacit. li. 4. hist. & Suet. in Vesp. c. 25. & in Domit. cap. 10.

litatis cupidissimus, nisi ad historiam, ut suam cum aliorum famâ, ut ipse inquit, extenderet? iam igitur in aperto est minorem Plinium historicum fuisse, & rectè ad illum etiam in hac parte Eusebianam inscriptionem referri, hoc idem Senatus, Populusque Comensis in elogio, quod sub eius statua Comi cernitur, non dubiâ attestazione significavit, cuius infra exemplum subijciam, hoc idem demum etiam Martinus Polonus in suâ temporum supputatione testatus est.

a: fol. 49.

Verùm hic rursus dubium faciunt illa postrema Eusebij verba (*perit dum inuifit Vesuuium*): quatenus enim priora Plinium tantum minorem respiciunt, ista sanè postrema ad maioris tantum mortem spectant, quoniam nepotem nullo Vesuij incendio periisse legimus, à quo illum semper cauisse, tamquam suis fatali, & in suorum exitium sæuienti, quæ summa in eo prudentia fuit nobis facillimè persuadet. Hac ita mihi cogitanti venit ad manum Matthæi Rufi epistola ad Iustum I. C. & Equitem Lælij Iusti I. C. & Equitis filium, in quâ verba illa postrema tamquam notha, & superaddita legitimorum Eusebij numero eximit, & prorsus rejicit, eadè in antiquis Eusebij (Latinis nimirum) codicibus minimè extare affirmans, atque ita paulatim non solum Rufi epistola me in hanc opinionem deflexit, viri profectò longè eruditi, & ex illâ Bessarionæa familiâ in primis clari, sed longè magis Iusti viri clarissimi, & in literis spectatissimi, ad quem scribit, iudicium, cuius doctrinæ fucò aliquo imponere nunquam voluisset Rufus, nec si voluisset, potuisset: nolui ta-

men

non illius sententiæ statim acquiescere, & subscribere, quin prius totam rem melius perspicerem, & explorare: ea propter Eusebij in primis aliquod exemplar Græcum, Latinumue, quod antiquū, & manuscriptū esset, longo sed inani studio Veronæ, Venerijsq; perquisiui: hac spe frustratus ad alios auctores tam veteres, quàm recentiores me deinde contuli, vt hanc veritatem inuestigare, demumq; suâ Rufum opinione non falli, vel manifestis indicijs compertum mihi est, vel ego fallor. ^{a: in Chron.} etenim ^a Cassiodorus vir inlustis, & Theodorici Regis à secretis, qui Odoacre extincto Italiæ regnum solus occupavit anno Dñi CCCCLXXXIII, vbi Celsi, siue Soleni, & Crispini meminit, quorum Consulatus in annum XII Traiani rejicitur, & V. conditæ DCCCLXIII, ipsa omnia Eusebij verba de Plinio refert, postremis, de quibus agitur, excerptis, quorum nullum prorsus apud eum legitur, sic enim inquit. •

His Consulibus Plinius Secundus Nouocomensis Orator, & historicus insignis habetur, cuius ingenij plurima opera exstant.

^b Bedas quoq; Presbyter Anglosaxo vir eruditissimus, qui proximis post Cassiodorum temporibus floruit, in eo libro, quem de temporum ratione inscripsit, vbi Traiani vitam, & res gestas breuissima oratione perstringit, eadem singula Eusebij verba de Plinio recenset, quæ etiã Cassiodorus, nec postrema illa, de quibus agimus, agnoscit, quæ omnia hic lubens appono, quia Bedæ liber, inuentu difficilis, paucorum manibus teritur. ^{b: cap. 65.}

Traia-

Traianus (inquit Bedas) annos XIX, menses VI, dies XV, Ioannes Apostolus sexagesimo octauo anno post passionem Domini, etatis autem suae nonagesimo octauo, Ephesi placida morte quieuit. Traiano aduersum Christianos persecutionem mouente, Simeon, qui & Simon, filius Cleophae Hierosolymorum Episcopus, Romam perductus, bestiis traditur; Alexander quoque Romanae Urbis Episcopus martyrio coronatur, & septimo ab Urbe milliario via Nomentana, ubi decollatus est, sepelitur. PLINIVS SECVNDVS NOVOCOMENSIS ORATOR, ET HISTORICVS INSIGNIS HABETVR, CVIVS PLVRIMA INGENII OPERA EXTANT. Pantheonum Romae, quod Domitianus fecerat, fulmine concrematum, cui nomen inde datum est, quod omnium Deorum sit ipsa domus habitaculum; Iudaei per diuersas terrarum partes seditionem mouentes, iustae caede sternuntur. Traianus Romam imperij, quod post Augustum defensum magis fuerat, quam nobiliter ampliatus, fines longè, latèque diffudit. hæc ille.

His accessit Marianus Scotus historicus sui temporis non ignobilis, qui ubi eiusdem Celsi, siue Soleni, & Crispini Consulatum commemorat sub annum XII Traiani, ipsa eadem Eusebij verba, eodemque refert ordine, prout antea à Cassiodoro, & Beda fuerunt relata. Idem pariter fecere Bellouacensis, & Antoninus, suspectis illis, de quibus agimus, nunquam memoratis.

Hic autem iniustam Cigalini de Cassiodoro querimoniã præterire non possum, à quo Eusebium deprauatũ fuisse exclamat, & illis posterioribus verbis truncatum; nam nec vetusta Eusebij exemplaria hanc accusa-

cusationem admittunt, nec ipsa ratio, vt supra vidimus, nec illa Eusebij verba aliter atque à Casiodoro, ab vilo ex posterioribus, siue etiam illi anterioribus scriptoribus referuntur; verùm quæ causa fuerat Casiodoro tantæ in Eusebium iniuriæ, tanti odij, vt eum illis verbis tantû decurtaret? seq; simul Comensibus infensum, Veronensibus verò propensum declararet? quomodo verò tuto id effici potuit, tot Eusebij voluminibus passim per totum terrarum orbem iam publicatis? quàm insignis vanitas, quàm vera somnia.

His perspectis Arnoldus Pontacus Episcopus Vatisensis, à quo nuper doctissimæ in Eusebij Chronicon notæ editæ sunt, cùm omnes prius insigniores bibliothecas, in primisq; Vaticanam Romæ, & alias in Galliâ, & alibi consulisset, & à XIIIII manuscriptis Eusebij codicibus ista verba abesse animaduersisset, nec illi Plinio, qui ad Vesuuu exstinctus est, vilo modo cõgruere, illa post Becichemum, & Ioannem Cuspinianû tamquam spuria, & illegitima expunxit, prout eadem & doctissimus Scaliger reiecit, & reprobauit: subijciã tantorum virorum sententiam, quò facilius Hermolai Barbari, & Mazzonij lapsus (ignoscant obsecro) in hoc Eusebij loco explorando deprehendatur. acceptas verò in primis Marco Velsero viro clarissimo, & doctissimo, Pontaci, & Scaligeri notas refero, qui studiorum meorum rationem ab amicis edoctus, penuriãque istorum librorum, & aliorum multorû nos laborare non ignorans, illarum exemplum superioribus diebus Augustâ ad nos in Italiam transmilit: sed prius Cuspiniani de illis iudicium referamus, qui in suis cõmentarijs in Casiodori Consules sic inquit, *His Coss. C. Plinius*

Secum-

Secundus Nouocomensis &c. Hac eadem Eusebius in libro tēporū, sed in pramisso codice Eusebij error intolerabilis est, quia subdititia clausula illic ponitur. (PERIT dum inuisit incendium Vesuij,) quod neque in scripto manu reperitur, neq; in Cassiodori hoc libro, neq; in Honorij Chronicis, qui tamen ambo Eusebium imitati sunt: nam hoc de seniore Plinio auunculo suo iunior Plinius scribit libro epistolarum sexto, qui Vesuij montis conflagratione perijt, qua sub Tito fuit, ut ex Dione superius annotauimus, adeo ut frustra quidam ex hoc Plinium maiorem Nouocomensem fore comprobant.

Arnoldi porrò verba sunt hæc,

Plinius Secundus Nouocomensis. &c.) Parum refert, inquit Arnoldus, quo anno hac assignentur, utrum anno XIII Traiani ut in VI. Pl. O. an. XI. ut in Mar. & Contraët. vel anno XII ut in Peta. Fux. Lo. Fa. & impressis, agitur enim de tempore, non de anno;

Perijt dum inuisit Vesunium) Desideratur in A. M. P. Fa. Peta. Fux. quinque Vatic. & tribus mss. Fab. Cassiodoro, Beda, Fre. & Mariano, qui cætera ad verbum referunt. nec dubium est, quin sit densissimus error, vel librarij, cum forsitan olim legeretur (nepos illius qui perijt dum inuisit Vesunium) vel alicuius scioli, qui confundens nepotem cum auunculo, (sicut etiam facit Vincent. tcm. 4.) retulit ad hunc C. Plinium Secundum iuniorem, & Nouocomensem, id quod est proprium Plinij Secundi senioris, & Veronensis, qui scripsit 37. libros naturalis historię, quiq; obiit anno primo Titi in monte Vesuuio, sicut hic ipse iunior (qui est alterius nepos ex sorore) & qui vixit usque ad tempora Antonini Pij, de quo hic fit mentio, testatur ut oculatus testis lib. 6. Epist. 16. dum scribit auunculum cum incendiū

Incendij Vesuvij causas propius inuestigaret, crassiore caligine Spiritu obstructo, clausoque Stomacho statim concidisse. Unde hac penitus exploderam; sed nescio quo fato in cundē Veteris errorem editionis hac nostra recens impeerit, reclamante me: hucusque Arnoldus: quæ uerò sequuntur Iosephum^a Scaligerum habent auctorem.

a: in uotis ad
Euseb.

Plinius Secundus Nouocomensis Orator) Hæftenus verum est, inquit Scaliger, nam Plinius Cecilianus, cuius exstant epistolæ, & diuinus Panegyricus, fuit Nouocomensis, quod sequitur (& historicus insignis) manifesta hallucinatio est Hieronymi, duos Plinios unum facientis, quod & fecit auctor vitæ Plinij, quæ Suetonio perperam attribuitur, cum sit sequioris æui, plusquàm quatuor seculis post Suetonij obitum scripta; is infimi subsellij scriptor ex duobus Plinij unum conflauit, & illi patriam attribuit Nouuum Comum. Onufrius Panuinius Plinium maiorem asserit Verona nostra, rectè: sed quod ex veteri inscriptione, parum prudenter; nam multorum multe inscriptiones in his urbibus exstant hodie, quæ ipsorum patriæ non erant. Præterea C. Plinij multi fuerunt, quorum inscriptiones exstant in alijs urbibus, præterquam Veronæ. Sed qui Plinium ignorat Veronensem fuisse, is castrense verbum (CONTERRANEVS) quid sit ignorat. Conterranei dicuntur quæ eidem matriæ urbi attribuuntur, ut Sirmio præscorum Scaligerorum secessus, unde domo Catullus erat, accensebatur Veronæ, propterea Plinius Veronensis, & Catullus Sirmionensis conterranei sunt. Non fuit ergo Nouocomensis Plinius maior, ut ille futilis scriptor retulit, qui, ut dixi, non secus ac Hieronymus, Plinium seniore cum iuniore confundit, & ut Hieronymo posterior est, ita auctore Hieronymo ea scripsit; Non solus autem Hieronymus

*mus utrumque Plinium vnum facit, Serenus quoq; Sarr-
monicus idem hallucinatus est. & paulo inferius.*

*Perijt dum inuifit Vefuuium) Hac exstant in omnibus
PR. sed absunt à POST. Et sanè delenda videntur :
Et sanè nisi deleantur, pugnācia scriberet Hieronymus, qui
cum vtrumq; Plinium vnum faciat, fieri non potest vt cre-
diderit incendio Vefuuij perijſſe sub Traiano, cum is ipſe
ſcripſerit sub Tito illud incendium contigisse.*

Quis est igitur qui credat, postrema ista verba ge-
nuina, & germana eſſe cum alijs ab Eusebio de Plinio
traditis, tot antiquissimis exemplaribus, omnibusque
veteribus, & recentioribus scriptoribus resistentibus &
quis credat ab Eusebio ominosum hoc, & prodigiosū
emanasse, temporum serie transpositā, quā plurimum
excelluit, laxāq; , & confusā tanto temporis interuallo
historiæ fide & quis est qui non videat nec Plinio no-
stro Eusebij sententiam conuenire, nec Comensium
Eusebio?

* pag. 47. b.
48.

Altera etiā dubitatio hic nobis exoritur, quā Cig-
alinus excitaui, existimans vtriusque Plinij mentio-
nem ab Eusebio factam fuisse, minoris scilicet in il-
lis verbis, quæ ante illa iam sæpius à nobis relata legū-
tur, maioris verò in eis de quibus agimus, quæ tamen
congruo loco reponenda sunt : verisimile non esse, in-
quiens, vt Eusebiji minoris tantū Plinij meminerit,
neglectā superioris memoriā, viri lōgè clarissimi, quiq;
gloriā, & rebus gestis, dempro consulatu, longè nepo-
tem antecesserit; sed fallitur adhuc, vt sæpe, Cigali-
nus, vt iam ex his quæ hucusque vidimus, luce meri-
dianā clarius patet; neq; enim Eusebius alterius, quā
maioris Plinij, memuisse instituit, nec maiore præte-

ito institutæ historiæ seriem peruertit, & violauit; quoniam sibi non proposuit continuam historiã texere, vel res gestas omnium temporum, & omnes qui vel doctrinâ, vel militari gloriâ floruerunt, in ea describere, & celebrare, sed tempora tantum regnorum antiquorum distinguere, & pro sui libito, quos malit, & quæcumq; malit, suo tamen congruo tempore, memorare; itaq; liber ille Eusebij (Chronicon) hoc est temporum Breuiarium, vt vertit Hieronymus, inscriptus est, & proinde dum temporum seriem appositè distinctam nobis ostendat, citra omnem reprehensionem officio suo fungitur. Hinc est quòd non omnia quæcumq; olim in toto terrarum orbe gesta sunt, ab eo describuntur, sed vix pauca attinguntur. Certum est enim, vt alia multa omittamus, nullam ab illo prorsus factam fuisse mentionem secundi belli Punici, duce Hannibale in Hispaniâ primùm, mox in Italiâ gesti, nullam Saguntinorum excidij, nullam duorum Scipionum cladis, nullam inter Padum, & Ticinum ad Trebiam, ad Trasimenum, & ad Cannas infustæ Romanorum pugnæ, toto penè exercitu cum ipsis aliquando Consulibus deleta, nullam Hasdrubalis ad Metaurum à duobus Consulibus Nerone Claudio, & Liuiio Salinatore iunctis copijs interempti, nullam deniq; Fabij Maximi Cunctatoris prudentissimi consilij, cuius operâ rapidissimus ille procurrentium victoriarum Hannibalis cursus paulatim suppressus est, & animi indomiti vigor ocio Campaniæ, & mollissimi tractus amœnitate elanguit, illius tantum morte apud Prusiam Bithyniæ regem vix indicatâ. Certum est etiam, nusquam illum Syllanarum, aut Marianarum partium, & factionum me-

minisse, nusquam proscriptionum, bellorumue ciuiliū ab utroq; imperatore, siue à Triumuiris post eos exci-
tatorum, licet M. Tullij Ciceronis cædis nequissimæ non sit oblitus; Vbi verò bella ciuilia inter Cæsarem,
& Pompeium Eusebius reliquit, quorum initium vix
quinq; verbis attingit: vbi exstat apud eum Cæsaris è
Galliâ in Italiam aduentus? Senatus, & Urbis trepida-
tio! Pompeij fuga, & turpiter in Epirum naui semila-
cerâ traiectus? in Thessaliâ Romanorum legionum in-
ter se conflietatio? Ortum etiam P. Ouidij Nafonis è
Pelignis commemorat, Tibulli verò natalem rarissimi,
& cultissimi Poetæ, & in mediâ Româ nati à tergo re-
linquit: quodq; maius est, cum illorum vterq; eodem
anno se ortū dicat, quo duo Consules Hircius, & Pansa
ad Matutinam interfecti sunt, vnico versū ab utroque
eorum condito id testante,

Cum cecidit fato consul vterq; pari.

nihil tamen de ipsis Consulibus prodit Eusebius, nihil
de eorum morte, nihil de bellis ciuilibus tunc ad Muti-
nam, nihil de Philippicis campis Romano sanguine bis
inundatis. Actum esset nobiscum, & cum toto orbe
terrârū, si quæcumq; olim à Chaldæis post prima mun-
di exordia, à Medis, Hebræis, Persis, Græcis, Macedo-
nibus, & Romanis gesta sunt, ex ipso tantum Eusebio
petenda nobis essent, è densissimis scilicet tenebris le-
uissimum, & tenuissimum lucis vestigium, quoniam enim
pars eorum, quæ in ipsis historiæ sacræ libris narrantur,
quæq; à Sallustio, Liuiο, Cornelio Tacito, Suetonio,
Iuliano, Plutarcho, Appiano, & Dione, alijsq; innu-
meris Græcis, & Latinis auctoribus celebrantur, apud
Eusebium legitur: quot agmina, ne dicam nomina, cla-
ri-
ri-
ri-

missimorum virorū omni tempore imperio, militari gloriâ, & eloquentiâ, & omni virtutum genere præstantium, quæ sunt omiſſa ab Eusebio, aliorū scriptis nobis conſeruantur, & in hominum memoriâ perēnant? longum eſſet nimis, ſi vellem ſingula percenſere, nec modico fortasſe pudore Eusebium afficerem, quatenus de his omnibus agere inſtituiſſet: ſed hæc pro indicio ſint; vt ſi quis plura deſideret, Eusebium cum alijs ſcriptoribus conſerat: ſed heu quàm facile optimi auctoris diſtinctionem iniquâ negligentia notâ ſugillamus, cuius libros integros non habemus, ſed laceros, & ab Hieronymo neſcio an auctiores, & ditatos, an potius truncatos redditos, nam quod Græcū illius exemplar dōctis. Scaliger nuper in lucem edidit Lugduni Bataurorum impreſſum huiusmodi titulo notatur.

ΤΩΝ ΧΡΟΝΙΚΩΝ ΚΑΝΟΝΩΝ ΠΑΝΤΟΔΑΠΗΣ ΙΣΤΟΡΙΑΣ ΕΥΣΕΒΙΟΥ ΤΟΥ ΠΑΜΦΙΛΟΥ ΤΑ ΣΩΖΟΜΕΝΑ.

ideſt Chronicorum Canonum vniuerſalis hiſtoriæ Eusebij Pamphili quæ ſuperſunt fragmenta: indicans illius operis, non ipſum opus integrum nobis ſuperſuiſſe, in quo tamen multorum conſulum diſtincta mentione eſt, præter alia multa, quæ in vulgatâ latinâ Hieronymi editione deſiderantur.

C A P. V.



OSTREMA ancora quam iactant Comenſes, vt ſe ab imminēti naufragio eximāt, quâque multum videntur niti, ac ſimul etiam gloriari, ab antiquis inſcriptionibus Pliniæ gentis pendet, quarum multas apud ſe exſtare prædicant, vtq; ex ijs illâ Comenſē,
ita

ita maiorē Plinium ex eisdē agnosci volunt: quo argu-
mento ductus post Hermolaum Barbarum, ac Bona-
uenturam Castillioniū Mediolanensem, etiā Iacobus
Mazzonius, tam supinus, & oscitans huiusce rei inue-
stigator, quā solers Dantis Aligeri Poetæ præstantis-
simi dignitatis, & doctrinæ assertor, & comprobator,
ipsis vel inscijs sponte sed incautus accedit. quapropter
primò videndum est, an existent istæ inscriptiones, de-
inde quid iuris. Nonnullas, quas hīc refero, recenser
Iouius, (truncas tamen, & corruptas) easdem verò ali-
quā ex parte restitutas refert Gruterus.

I

C. PLINIO L. F. OVF.

CAECILIO SECVNDO
COS. AVG. CVRATORI
TIBER. ET RIPAR.

.
.
.

I I

C. PLINIO L. F. OVF.

CAECILIO SECVNDO
COS. AVG. CVR. ALV.
TIB. ET CLOAC. VRB.

PRAEF. AER. SAT.
PRAEF. AER. MIL.
Q. IMP. EQ. R. TR. MIL.
LEG. III. GALL.
XVIRO STL. IVD.
FL. DIVIT. AVG.
. . . RCELLENS.

I I I

C. PLINIVS L. F. OVF. CAECILIVS AVGVR. LEGAT.
PROC. PR. PROVINCIÆ PONT. CONSVLARI POTESTAT.
ET IMP. CAESAR NERVA TRAIANO AVG. GERMAN
CV RAT. ALVEI TIBERIS ET RIPAR ET PRAEF. AERRARI
SATVRNI IMP. SEVIR. TRIB. MILIT. LEG. . . GALLICAB
. TIB IVDICAND. ADIECTIS IN ORNATVM
HS CCC. . . LIVS IN TVTEL. HS XV. III. LXXI. DCLVI
REI CREMENT. POSTEA AD ERVLVM PLEB. VRBAN.
VOLVIT PERTIN. . . S DEDIT IN ALIMENT.
PVEROR. ET PVELLAR. PLEB. VRBAN. HS IN TVTELAM
BIBLIOTHECAB HS C.

De

De primâ nulla mentio est apud Gruterum, quia fortè principium est secundæ, ipsam verò secundam integram restituit quo ad potuit, tertiam pro parte, ex^a Appiano, & b Panuinio.

a: pag. 414.

b: pag. 1028.

*Fegj villa Canturiensis
agri Comensis.*

C. PLINIO L. F. OVF.
CAECILIO SECVNDO
COS. AVG. CVR. ALV.
TIB ET CLOAC. VRB.
PRAEF. AER. SAT.
PRAEF. AER. MIL. Q. IMP.
SEVIR. EQ. ROM. LEG. III.
GALL. XVIR. STLIT. IVD.
ET DIVI T. AVG. ... RCBLIENS.

*Mediolani in Ambrosij templo
in tabula ad tumulum quem
vulgò vocant Reging.*

C. PLINIUS C. F. C. N.
CAECILIUS SECVNDVS
COS. AVG. LEGAT. PRO. PRAET.
PROVINCIAE PONTI CONSVLARI
POTESTATE IN BAM PROVINCIAE AB
IMP. CAESARE NERVA TRAIANO
AVG. GERMANICO MISSVS
CVRAT. ALVEI TIBERIS ET RIPAR.
PRAEF. AERARI SAIVRNI PRAEF.
ABRARI MILIT. LEG. VI. GALLIC.
X VIR. STLIT. IVDICANDIS. & c.
cum reliquis vq; in finem.

Altera etiam inscriptio refertur à Benedicto Iouio cuiusdam C. Plinij Valeriani medici, quæ est huiusmodi, cuius etiam^c Gruterus meminit

c: pag. 635.
no 10.

D. M.
C. PLINII VALERIANI
MEDICI
QVI VIXIT ANN. XXII
M. VI. D. V.
PARENTES.

Alteram quoq; me vidisse memini apud Petrû Appianum cuiusdam C. Plinij Philocali mutilam, quæ integra refertur à Grutero hoc modo.

C COESIDIO
EVZELO
VIVIRO
C. PLINIUS
PHILOCALVS
AMICO OPTIM.
IN CVIVS TVTEL.
COESIDIVS
EVZELVS
COLLEG. FABR.
DEINT HS...
L. D. A. COLLEG.

a: fol. 80. & 81 Alios porrò Plinios ab Iouio, & à Cigalino citari etiā
 video, quorum in lapidibus Comensibus, vt ipsi perhi-
 bent, habetur mentio. hucusq; igitur Plinianas inscrip-
 tiones, quæ apud illos exstant, vidimus, nunc quid in
 rem Comensium conferant, est videndum. Quod igitur
 ad tres priores spectat, & ad alias ex eis conflatas;
 quas refert Gruterus, illas ad C. Plinium Cæcilianum
 maioris Plinij nepotem, & per adoptionem filium, re-
 ferendas esse nemo non videt, quem L. Cæcilio Nouo-
 comensi genitū iam satis diximus; sed hæ nihil ad rom-
 bum: reliquæ verò inscriptiones, quorūcūq; sint, nihil
 & ipsæ ad rombum; vt enim Pliniam gentem, (quan-
 tū ex hoc conijci potest,) Comensem ex eis licet agno-
 scere, ita cum illas ante maiorem Plinium factas fuisse
 nō constet, nec alicuius Plinij, cui Secundo cognomen
 fuerit, notam præferant, illum etiam ex eis emanasse
 nō probant: quæ omnia à Comensibus præstanda erāt,
 si Plinium nostrū hoc argumento inter ciues suos refer-
 re volebant; est enim certo certius, inscriptiones istas,
 (quantum ex sepulchralis latinitatis elegantia assequi
 possumus) non superioris Plinij sæculum, sed longè
 posterioris redolere, quo difficile nō fuit, vt Plinia gens
 à principio Veronā Comum translata, ibidem vel na-
 tura, vel ciuili iure propagata floresceret. Incertus enim
 sum, vllam ne Plinius nepos ex se posteritatem relique-
 rit: quoniam cum duas illum vxores habuisse videam,
 quarum altera L. Vettij Proculi priuigna fuit, vt ipse in
 b: ep. 13. lib. 9 epistolā ad ^b Quadratū scribit, altera Calpurnia Fabati
 neptis ex Calpurnio filio; de cuius abortu, dūm se præ-
 gnantem esse puellariter nescit, cum ipso Fabato proso-
 cero ^c conqueritur, nullā tamen prolem ex alterutrā à se
 susce-

susceptam docet, & liberos se nondum habuisse ad Tacitum ^a scribit. præterea dubiū facit, quia ab Imp. Traiano ius trium liberorum non ^b sibi solum Iulij Seruiani precibus, sed etiam ^c Suetonio Tranquillo suā intercessionem impetrauit; Tranquillo nempe, quia matrimoniū parum felix fuerat expertus, (vxoris sterilitatem indicans, vel minorem filiorum iam susceptorū iusto, ni fallor, numerum) vnde & sibi tale ius eādem de causa videtur impetrasse; sed illius verba adscribam tam de Suetonio, quā de se ipso, vt aliorum hoc sit iudicium.

a: ep. 13 lib. 4

b: ep. 2. lib. 10

c: ep. 98, & 99 lib. 10

Huic ius trium liberorum, (de Suetonio loquitur) necessarium faciunt duæ causæ; nam et iudicia amicorum promeretur, & parum felix matrimonium expertus est, impetrandumq; à bonitate tua per nos habet, quod illi fortunæ malignitas denegavit. hucusq; de Suetonio, nunc de se ipso.

Videor, inquit, summam voti mei consecutus, cum inter initia felicissimi principatus tui probaueris me ad peculiarem indulgentiam tuam pertinere; eoq; magis liberos concupisco, quos habere etiā illo tristissimo seculo volui, sicut potes duobus matrimonijs meis credere; sed ut melius, qui omnia integra bonitati tuæ reseruauerunt, malui hoc potius tempore me patrem fieri, quo futurus essem & securus, & felix.

^d Martialis quoq; hac eadem de causa, vt videtur, tale ius à Domitiano precibus adeptus, illi gratias agit; Verum hoc minimè per se sufficit ad ostēdendum quēquā naturali prole fuisse omnino destitutū; fuit enim solitum cōcedi nedum his quos prole prorsus natura fraudauerat, sed etiam habentibus liberos, tribus tamen pauciores, & ideo Suetonio non naturæ, sed fortunæ malignitate huiusmodi ius cōparatum esse dicit: quāquā enim veteri iure cautū esset, vt qui, quēue tres liberos ex iusto

d: epig. 9 lib. 1

matrimonio suscepissent, ijs plurima præcipuo quodā,
 & singulari iure præter ceteros concederentur; vt scilicet
 mulieres viuo patre testamentum condere, & rem
 suam sine curatorum auctoritate administrare possent,
 Plutarcho³ auctore, vt viri excusarentur ab omni-
 bus muneribus, quæ patrimonij non essent, (si viuos
 tamen haberēt,) vt inquit^b Vlpianus: vt qui Romæ tres
 liberos itidē viuos haberet, in Italiâ quatuor, in provin-
 cijs quinq; , à tutelis, & curationibus excusarentur, vt
 ait^c Iustinianus; vsus tamen postea obtinuit, vt quod
 naturæ, vel fortunæ malignitas denegaret, id Principis
 benignitas indulgeret; taleq; ius ex rescripto Principis
 tam nullos habentibus liberos, quàm habentibus, sed
 infra legitimū numerum concederetur. Hinc est, quòd
 cum olim lex xij tabularum in successione masculo-
 rum progeniem præponeret, fēminas verò, vel quoscūq;
 ab eis descendentes, qui per fēminini sexus necessitu-
 dinem defuncto iungerētur, adeo expelleret, vt ne qui-
 dem inter matrem, & filium, filiamue vltro, citroq; hæ-
 reditatis ius esset, Senatusconsultum Tertyllianum fa-
 ctum est Diui Hadriani tēporibus, quo cauebatur, (ita
 referente^d Iustiniano,) vt ingenua trium liberorum ius
 habens, libertina quatuor, ad bona filiorum, filiarumue
 intestato mortuorum admitterentur, licet in potestate
 parentis essent, cuius tamen iussu hereditatem adirent:
 quod Senatusconsultum tamquā impium^e Iustinianus
 correxit, omnibus matribus ad successionem filiorū vo-
 catis, etiam si vnum tantum peperissent. Quemadmodū
 igitur dubium est ex his, quæ superius dicta sunt, atq; ex
 epist. in primis eiusdē^f Plinij ad Seruianū, an vlla proles
 minori Plinio superstes exstiterit, quando tā illā penitus
 carens, quā aliquā etiam, sed citra legitimū numerum

a: in Num.

b: l. i. in fin. &
 l. x. ff. de va-
 cat. mun.

c: §. i. Inst. de
 excus. tut.

d: Inst. de Sen.
 cōs. Tertyll.
 in princ.

e: ibid.

f: ep. ad. lib. 9.

ſuſceptâ, ius trium liberorû à Traiano deprecari potuerit, ita certiffimû eſt, quòd ſaltem aliquâ ciuili iure ſibi adſitâ uel per adoptionē, auunculi exemplo, uel per manumiffionem ſeruorum potuit Pliniorum nomen latè in poſteros effundere, & propagare, à quibus illi Plinij poſteriores emanauerint, quorum nomina in Comenſibus inſcriptionibus à Iouio citatis, & à Cigalino relatis, leguntur. vel igitur Plinios ſuos à noſtris Veronēſibus Comenſes agnoſcere non dedignentur, & illos ab eis prodijſſe ciuili ſaltem nomine fateātur, vel ſuos Plinianos lapides cum multis aliarum ciuitatum ſibi communes eſſe æquo animo patiantur; ita enim videbunt, nihil eſſe Plinios apud ſe olim floruiſſe, cum & ijdem eodem tempore apud nos, (& uero Secundorû cognomiſſe notati,) & in alijs urbibus diuerſis cognominibus exiſtiſſe eiſdem lapidibus tēſtibus arguantur, Romę ſcilicet, at Geneuę dubioprocul, Brixie, apud Scodrâ in Illyrio, & Dyrrachij ī Macedoniâ ad litus Hadriaticû.

*Roma in ruinis templi Elagabali,
ſeu domus Corneliorum.*

D. M.
C. PLINII
ABASCANTI
C. PLINIVS
POSPHORVS.

exſtat inſcriptio iam relata apud Mazzochium, & Ap-
pianum, quæ uero ſequitur Geneuenſis, reſertur à Gru-
tero, Joſepho Scaligero, & Comelino auctoribus.

Geneuæ ad portam ripariam.

ANNORVM XII.
L. PLINIO
FAVSTI FIL.
SABINO.



C. PLINIO M. F. C. ..
FAVSTO
ÆDILI II VIRO
IVL. EQ. FLAMIN.
C. PLINIVS S. FAV.
VIVOS
C.

Y 2 quæ

quæ itidem sequitur Brixienſis apud Gruterum legitur.

Brixia apud ædem D. Auſtini.

D. M.
PLINIAE HERMIONI
HELVIA ATILIANA
MATRI KRIS.

apud Scodram ad ædem Diuorum Sergij, & Bacchi in
ripis Buenę Marino Becichemo auctore, talis exſtat

C. SALVIA P. PLINIO F.
INFELIX MATER
SALVE ABERNVM F MI
DIXIT ANN XX. MEN IX
DIES XVI

Item Dyrrachij eodem auctore.

DIS MANIB SACRVM
PLINIA L. FLAMI.
V K
VALE MI V. VALE.

Pliniana etiam ceraſa in Campaniâ ſuâ tempeſtate in
 ælib. 15. c. 15 celebritate fuiſſe teſtatur Plinius, ab eâdem fortasſe fa-
 miliâ, quæ aliquando in Campaniâ fuit, indito ceraſis
 nomine, prout alijs ceraſis ab alijs familijs quas idem
 commemorat; quamobrem non video quonam maiore
 iure Comenſes, quàm Romani, quàm Geneuēſes, quàm
 Brixienſes, (omitto Cāpanos) Pliniū hūc noſtrū ex-hu-
 iuſmodi epitaphijs æquè ad multas ciuitates ſpectanti-
 bus, in ſuum ius aſſerere, & reuocare poſſint: quo verò
 minore, quàm Veronenſes, ipſi vident, ſi volunt. Re-
 ſtabat in imo, (ceu ſpes in pyxide Pandorę) ficta illa, &
 imaginaria poſſeſſio, quā Comēſes de Plinio noſtro ia-
 ctabant, quæ duplici fundamēto niti videbatur; altero,
 quod ex quâdam inani ſpe, quam ex prænarratis conce-
 perant, pendeſcit, & ideo ſtatua illi cū elogio ad dex-
 teram frontiſpicii maioris templi, nimiâ rerum ſuarum
 fiducia iam crexerant: altero, quod ex Plinij noſtri de
 natu-

naturali historiâ codicibus tam manuscriptis, quàm impressis hauriebant, in quibus sæpe illū Nouocomensem, rarò Veronensem vocari obseruarât; sed vt omnia eorū argumenta iā funditus à solo quassata, & euerſa à nobis sunt, ita istā eorū possessionē, ceu molē solido fundamēto carentē, corruere necesse est; Nihil etiam diuturnitate temporis à dicatā Plinio à maioribus suis statuā, iuuantur, siquidem non annos iām ducentos id fieri cōtigit, vt latenter innuit Parauicinus, quò longiùs tam iniustam temporis præscriptionem extendat, sed anno Dñi MCCCC LXXXVIII Kal. Maij, vt me auctor Dictionarij historici monuit, qui Comenses istas vtriusq; Plinij inscriptiones in hunc modum refert.

a: in verbo
Plinius,

A dextrâ valuarum templi.

ORDO POPVLVS Q. COMENSIS C. PLINIVM
SECVNDVM maclum ingenio virum, dignatione clarū,
doctrinā admirabilem, vt qui olim Imp̃. Caß. Vespasianorū
amicitiā meruerit, officia maxima gesserit, ac scriptores
vniuersos copid, & varietate superauerit, municipem suum
incomparabilem statuā, & elogio ornauere

Tantus bonos, dulcisq; iuuat me fama Secundum,

At mage conciuēs hęc posuisse meos.

A sinistrâ ipsarum valuarum.

C. PLINIO SECVNDO QVI CONSVLATV, AV-
GV RATV militiā gestis, ac orandis causis, poematibus, &
historijs cōficiendū, Casare Traiano Augusto luculentissimē
laudando, adficiendāq; immensā liberalitate patriā suā,
eidem immortale contulit ornamentum; Ordo Comensis con-
cuii suo desiderabili honore accepto monumentum posuit
M CCCC LXXXVIII Kal. Maij.

Hoc verò tēpore, & multos antè annos, statua in sūmo

CO-


comitij fastigio à maioribus nostris eidē Plinio ex S. C. erecta publicum Veronæ forum spectabat, Iusto Lælij Iusti filio, I. C. & Eq. clariss. auctore. is enim auditor fuit Alexandri Tartagni Imolensis, illiq; cum primū Patavij ius civile è primo suggestu interpretari cepisset circa annum Dñi MCCCCCLX. luculentissimam orationem dixit, cuius mihi copiā in membranis humanissimè fecit Augustinus Iustus Gadij Comes, & Eques præstātiſſimus. is etiā Iustus elati iam patris idea dicitur in epitaphio eidē à filijs instituto anno MCCCCLXXXII, quod cernitur in sacello vestiario templi D. Anastasie Veronæ, idest I. C. & Eques, vt pater. si tempus igitur vtriusq; statuꝝ dedicationis conspiciamus, antiquior erit Veronensis, quā Comensis dedicatio; si ius vtriusq; ciuitatis, potior adhuc erit Veronensium, quā Comensium ratio, vt iam affatim tribus integris voluminibus probauimus. Illud porrò argumentum futile est, quod ex codicibus manuscriptis, & impressis Comenses petūt, in quibus illum sapiūs Nouocomensem, quā Veronensem inscribi obijciunt, ex librariorū enim arbitrio, (qui plerumq; serui, ac fortasse etiam Comenses esse potuerunt) vel posteriorum bibliopolarū testimonio tantę rei iudiciū non est à nobis expectandū; deceptos olim viros alioquin doctissimos, qui duos Plinios in vnum contraxerunt, eundemq; Nouocomensem vocarunt, supra docuimus: tradidit Pontacus: cū indignatione etiam conqueſtus est Scaliger, & ideò non fuerit difficile, seruos imperitos, seu bibliopolas idem aliquando temerè scripsisse; illorum iudicium est nobis sequendum, qui cum ratione toto negotio examinato aliter statuerunt, quorum ingentē nūmerum, & longē Comensibus scriptoribus

bus ampliorem, supra adduximus. sed hic quoq; nōnihil hæsitare mihi necesse est, & de fide huius rei valde dubitare; nām vīsa à se inquit Parauicinus diuerſa Plinij noſtri de naturali hīſtoriā exēplaria in Vaticanā bibliothecā, & in alterā D. Laurentij Florentig, in quarum poſtremā quatuor exſtant, in quibus C. Plinius Secundus Nouocomenſis nominatur, vnum tantūm, in quo Veronenſis. quid Vaticana præſeferant, non docet, an verò Laurentiana manuſcripta ſint, an impreſſa, in medio relinquit. Ego autem vel nulla, vel ſaltē pauciſſima Plinij noſtri exemplaria manuſcripta exſtare exiſtimo, in quibus illius Patriæ mētio habeatur: indicio nobis erit ipſe Plinius de *Naturali hīſtoria*, qui apud me eſt, Petri Sātandreani typis excuſus, innominato loco, anno Dñi MDLXXXII, in cuius caſtigatōe decē ſeptem clariſſ. viri, non minus de ipſo Plinio, quam de literis in vniuerſum optimē meriti non inanem operā nauarunt, in quo illius Patriæ nomen non exſtat. Idem oſtendit omnium caſtigatiſſimus, qui poſt illū Iacobi Dalecampi medici Cadumenſis auſpicijs in lucē prodijt anno MDIC, à quibus vetuſta penē omnia exēplaria quotcūq; in totā Europā ſeruantur, luſtrata ſunt, nūllo tamē inter ipſa inuēto, in quo Veronenſis magis, quā Nouocomēſis dicatur, nāq; ſi aliter ſe res haberet, vt illis non fuiſſet inobſeruatum, nec illorum diligentiam fugiſſet, ita ab eis ſummā fide etiam relatum haberemus, & præſertim à Sigifmundo Gelenio, qui in ipſum Plinium etiam annotationes, & copioſiſſimas, nec minus doctas edidit. In his porro, qui vltrā annos LXX impreſſi circumferuntur, æquē Veronenſis, ac Comenſis dicitur, pro arbitrio impreſſorum, quāmq; in caſtigatoriſſimis, & in

eo præsertim, quem prælo suo Aldus Manucius senior, vir longè eruditus, commisit, Veronensis semper nominatur; in posterioribus verò nullâ de illius patriâ mentio est: vnde hinc etiâ magis, ac magis Veronensium Plinij sui possessio firmatur.

Hæc sunt, quæcumq; ad hanc veritatem ostendendâ undiq; ex ipsâ uetustate eruere potui, longiore fortasse tempore, & volumine, quàm studio, multis nimirum occupationibus distractus: at tanto tamen, quantû ad rem nostram sufficit, ni fallor; huc diurnæ cûctationis meæ causam Comenses referant, quâ forsân illorum expectationum diutius, quàm par erat, sum frustratus, mihiq; iustam excusationem dent: quantum enim temporis in hanc rem Iouius contulerit, quantum post eum Cigalinus, vel Parauicinus, nec percontor, nec scire sollicitus sum; at minore sanè rei familiaris curâ, nullisq; litigatorum querelis æquè omnes distentos fuisse iuuat credere. siquid erit in toto opere, quod parùm illorum auribus sonet, humaniter accipiant; ignoscant; nihilq; à me profectum sciant iniuriosè, malignèue; sed omnia nullo felle, candore multo, atque utinam aliquo etiam sale: quidquid aliter ipsi duxerint, refecent, amputent vt libet, comiter in re literariâ, nō iurgijs cum omnibus agendum esse censeo, cû illis verò in primis. siquid parum constans siue in temporum ratione, siue aliter inuenient; id etiam eorum humanitati acceptum referâ, si solùm monuerint, vt enim omnia nisi horis succisuiis raptim, atq; turbatè (animo nimirum ad alia plerumq; conuerso) scribere, & recensere non licuit, ita doceri ab eis numquam erit pudori.

TESTIMONIA AVCTORVM
QVI SUPERIOREM PLINIVM
VERONENSEM FVISSE
PRO CERTO AFFIRMANT.

- 1  RANCISCVS Petrarcha in libro cui titulus Famæ triumphus cap. 3. illum Etruscâ linguâ Veronensem, & Tito Liuiio Patauino vicinum dicit.

Item lib. 1. c. 2. rerum memorandarum sic inquit, *Nec te Plini Secunde VERONENSIS à T. Liuiio disiungam, à quo nec atate, nec patriâ longinquus es.*

- 2 Raphael Volaterranus lib. 4. fol. 75. *Igitur ad ipsum Athesim Vrbs maxima Verona à Canomanis vnâ cum Brixia, vt supra dixi, ædificata, clara Catullo, Plinio, Emilio Macro.*

Idem lib. 18. fol. 420. *Plinium Secundum iam constans fama Veronensem facit, sub Vespasianis Imper. quorum interdiu negotia administrabat.*

- 3 Æneas Siluius Piccolomineus qui postea Pius II. Pontif. Max. fuit, in libro descriptionis Asiæ sæpe Plinium VERONENSEM vocat, præcipuè verò cap. 2. 9. 12. 17. 24, & alibi.

- 4 Laurentius Valla lib. 4. c. 83. elegant. *Plinius Catullum CONTERRANEVM suum vocat, vel quòd ex diæcesi illâ, vel quòd ex vrbe sit VERONENSI, vterq; enim dictus est VERONENSIS.*

- 5 Nicolaus Perotus in Cornucopia fol. 218. *Aplysum enim illotum dicimus, ab à priuatiua particula, & πλῆρω Lano, à quo Plinio VERONENSI inditum nomen putamus.*

- 6 Angelus Decembrius lib. 3. parte 27. de Politiâ literariâ sub personâ Guarini Veronensis. *Quod scpe Plinÿs meis Veronensibus contigisse creditur, (et mihi ipsi non nunquam contigit librarium non habenti) ut inter venandum, aut piscandum opera sua ipsi suis manibus describerent.*
- Item lib. 7. cap. 81. fol. 622. sub personâ eiusdem Guarini. *Cuius ideo radicem, (de Cynorhodo loquitur) auctor est Plinius meus maior morsui canino profuturam dato succo cum lacte.*
- 7 Marinus Becichemus Scodrensis in suis prælectionibus in Plinium fol. 26. *Si nullo temporum errore id affirmarent Eusebius, qui etiam de Patriâ multorum auctorum malè sensit, in Plinio eò tutius credere possumus malè sensisse, quò magis contraria dicere apparet, quòq; iustius ipsi Plinio de se loquenti, quàm cunctis posterioribus scriptoribus credendum est, nam si Catullus fuit Veronensis, siue Sirmione natus, Plinio, Martiale, Macrobia, ceteris auctoribus, eodemq; ipso de se testante, proculdubio Plinius fuit ex Veronâ, aut ex Veronensi agro oriundus, quando Catullum Conterraneum suum appellat, siue id vocabulum, ut ille dicit, conciuem, siue territorij incolam significet. Et ipse Plinius Pomponium Secundum in xij. naturalis historiae volumine vatem, ciuemq; clarissimum appellat, quem in eius vita Verona ex nobilissimâ Secundorum familia, qua Verona floruit, ut ex pluribus monumentis constat, natum ostendit.*
- 8 Lilius Gregorius Gyraldus in dial. 8. de historiâ Poetarum fol. 307. sic inquit. *Non me praterit quod in exemplaribus quibusdam vetustis Pindarum tragicum legatur, pro eo quod est parum tragicum (de Pomponio*
 Secun-

Secundo loquitur verba Quinçtiliani referens) *sed pridem ea est explosa lectio, quò fit vt magis mirer quosdam eam complecti suis etiam scriptis, vel falsuntur illi meâ quidē sententiâ, hic enim de quo egimus, Comicus, ille Tragicus, hic Bononiensis, ille (si Plinio itamus) Veronensis: ex hoc enim illum arguit Veronensem, quòd illum Plinius vatem, ciuemq; clarissimum appellat, idest suum conciuem, ita enim inquit lib. 13. cap. 12. Ita sunt longinqua monumenta Tiberij, Caij q; Gracchorum manus, quæ apud Pomponium Secundum, vatem, ciuemq; clarissimum vidi, annos ferè post ducentos.*

- 9 Flavius Blondus in regione 7. Italiæ illustratæ, quæ est Lombardia, vbi de Como loquitur. *Ciuem*, inquit, ea ciuitas habuit paternâ origine Plinium, quem mutatus incolatus vocari fecit Veronensem.

Idem in nonâ regione, quæ Italia Transpadana inscribitur, vbi de Zenedo, agri nostri pago loquitur, aliter de Plinij nostri patriâ sentit, dum inquit. *Inde Atheſi Zenedum adiacet oppidum brassicæ, & multæ, & dulcissima feracissimum, adeo vt Plinium credamus, si suam nunc incoletet Veronam, nec Sabellam in admiratione, vt scribit, crispam, nec pullulantem cauliculis Aricinâ, nisi à suis Veronensibus vellet dissentire, prapositurum.*

& paulo inferius, sic inquit. *Æmilium Macrum Veronensem portam Eusebius in Asia obijſſe asserit; Paulopost Catullus poeta; subinde vterq; Plinius sape à nobis hac in Italiâ celebrati Veronenses fuere.*

& lib. 1. decad. 1. fol. 11. Vbi de Alanis, Sueuis, & Vandalis nationibus loquitur. *Habent*, inquit, *vetustâ originem ex Germaniâ. sunt q; priscorū Plinij Veronensis, Suetonij Tranquilli, & Cornelij Taciti literis celebratæ.*

- 10 Bernardinus Barducius Florentinus in epist. ad Ioannē Nesiū, vbi de amphiteatro Veron. loquitur, ita inquit. *Nec ipsi maiores nostri veterum rerū scriptores, nec duo Plinij hinc origine nati, ambo profectò viri doctissimi, nec Catullus ex ipsa Urbe poeta insignis, nec Vitruvius ipse summus Architectus, cuius in hac Urbe florentissima in quibusdam columnis, usq; antiquissimis iuxta quandam portam erectis, memoria extat, ullum omnino verbum de eo fecisse legantur.*
- 11 Io. Maria Cataneus Nouariensis epistolarum Plinij cōmentator ipsas epistolas edidit cum suis cōmentis impressas Venetijs anno 1519. die 15. Decēb. ab Ioanne Rubeo Vercellenſi his notis in fronte libri apposis. *C. Plinij Cæcilij Iunioris Novocomensis Plinij Secundi Veronensis nepotis libri epistolariū novem, addito nunc, & decimo, cū panegyrico, idest oratione de laudibus Traiani Imper. vnā cū luculentissima Io. Marię Catanei expositione etc.*
- 12 Ambrosius Calepinus in verbo Plinius. *Plinius Secundus Veronensis temporibus Vespasiani vixit, cuius negotia administrabat, notis vero, & succisus, ut ipse inquit, temporibus, opus de rerum naturā conscripsit, vnus omnium parcissimus temporis. perijt in montis Vesuij incēdio, dum eius causam indagare cupit.*
- 13 Thesauri linguę latinę auctōres ab Alberto Burero recogniti in verbo Plinius. *Plinius Secundus Veronensis temporibus Vespasiani vixit, cuius negotia administrabat. et c.*
- 14 Dictionarij historici auctōres à Carolo Stephano recogniti in verbo Plinius. *Plinius Secundus Veronensis temporibus Vespasiani vixit, cuius negotia administrabat. et c.*
- 15 Ioannes Rauissius Textor tomo 2. officinæ tit. Viri celebres mortui in alienā terrā. *Plinium infantem lauit Atbe-*

Athesis, grandaeum extinxit Veseuus.

16 *Quintius Æmilianus Poeta.*

Verona decus, & domus Secunda

PLINI gloria, cognitumq; lumen

Ingens historiae perennioris,

Quis te sic nitidum manu expoliuit?

Doctâ, Iuppiter, & scientiori,

Vel per se Aonides sequi sorores,

Vt qui tam fueras sacer, retonsus,

Nunc sis integer, elegans subinde,

Musarum sacer agnitus sacerdos?

Sic possis merito omnibus placere

Exutus scabiem librariorum;

Pœanti ingenio eruditiori,

Et digno cytharâ mei Catulli,

Tandem sum mihi redditus, mea q;

Assertus Patria vetustiori,

Quam herciscens Athesis remugit vndis,

Me COMI licet arbitrantur ortum,

Quod si plus fidei requiris,

VERONAM petito, & videto saxum,

Sacris quod posui ossibus parentum,

Tunc diccs tripodas tibi loquutos.

17 *Georgius Iodocus Berganus lib.2. Benaci.*

Quid plura? obliquus quicquid complectitur orbis

Plinius æternis scriptis committet. At atros

Quid (dolor) aspicio cineres: tristesq; fauillas?

Fatane tam miseranda manent? O dira Veseui

Flamminuomi impietas. Quæ tanta licentia Diui?

Ah nimis ah cupidum pectus. tu condita tunc

Natura secreta voles rimarier, illa

Quæ

*Quæ latusse uolet? tantis te incaute periclis
 Discendi studio obiectas? Quo te tuus ardor
 Protrahit? ab seruato modum, vitamq; tuere.
 Sed quid adhuc uideo? Lari num littora magnè
 Exciri circum trepidos per inane tumultus?
 Murmure quid strepitant? quid digladiantur? an illuz
 Et patria rapuisse parant, & dicere ciuem
 Insubres? subito malus hic vnde ingruit error?
 An quia Cecilius charusq; neposq; Secundo
 Municipem Comi sese est dicturus? At heus tu
 Laudibus ipse tuis non tam moueare Secunde:
 Urbibus ut multis ciuis poscare. sed ipsi
 Assere te patria viuens, doctumq; Catullum
 CONTERRANEVM: & illius molire Camænas
 Obijcere errori. Quin & veneranda parentum
 Te tangat pietas. Horum & monumentia sacratis
 Ossibus extruito Verona. Et clara Secunde
 Stemmata declament sobolis, disposita per urbem,
 Per delubra Deum: per compita lata: per agros
 Marmora. quæ comperta volat: veneretur: adoret
 Posteritas. quæq; erroris nigra nubila tollant:
 Teq; decus patria & ciuem testentur in æuvm.
 Dicite Pierides Benaci dicite prolem.*

- 18** Iacobus Philippus Bergomas lib. 6. chronici vniuersalis
 ubi d. Veronâ loquitur, sic inquit latinè à me redditus;
 Inde ortus est Catullus, et Plinius eius nepos, historiographus
19 Bernardinus Corius in vita Domitiani latinè & hic red-
 ditus. Illius tempore floruerunt Ioseph Iudæus, Statius
 poeta Tolosanus, Quintilianus Hispanus Rhetor, Pli-
 nius Veronensis.
20 Hieronymus Ruscellius in Indice Virorum Illustrium
 latinè

latinè itidem redditus. *Plinius Secundus Veronensis* temporibus *Vespasiani* fuit; cuius negotia procuravit, noſtūq; & ſuccifiuis temporibus (vt ipſemet aſſerit) opus naturalis hiſtoria ſcripſit: homo temporis parciffimus, perijt *Vefuuij* incendio dum illius cauſam inueſtigaret, huius vitam *Cacilius* illius ex ſorore nepos exactè ſcripſit, cuius adhuc exſtat epiſtolarum liber, et *Panegyricus* *Traiano* dictus *Conſulatu* ab eo impetrato; hic in epiſtolis ſuis ſcribit ſe *Quintilianij* filia dotem dediſſe, & *Martialem* poetam decedentem viatico proſecutum fuiſſe.

- 21 *Arnoldus Pontacus Gallus* *Epifcopus Vafatenſis* in *Commentarijs* in *Eusebium*, vt ſupra demōſtrauī fol. 160. ſic habet. *Velalicius ſcioli*, qui confundens nepotem cum auunculo, (ſicut etiam facit *Vincennius tom. 4.*) retulit ad hunc *C. Plinium ſecundum iuniorē*, & *Nouocomenſem*, id quod eſt proprium *Plinij ſecundi ſenioris*, & *Veronenſis*. &c.

- 22 *Ioseph Scaliger* in comment. in ipſum *Eusebium*, vt ſupra retuli fol. 161. *Is infimi Subſellij ſcriptor* ex duobus *Plinij*s unum conſtauit, & illi patriam attribuit *Nouumcomum*; *Onuſrius Panninius* *Plinium maiorem* aſſerit *Verona noſtra*, rectè, ſed quòd ex veteri inſcriptione, parum prudenter.

TESTIMONIA EORVM QVI PLINIVM vel Comenſem prorfus negant, vel Veronenſem ſubindicant.

- 23 *Ioannes Cuſpinianus* à me etiam relatus ſupra fol. 160. Nam hoc de ſeniore *Plinio* auunculo ſuo iunior *Plinius* ſcribit lib. epiſtolarum ſexto, qui *Vefuuij* montis cōflagratione perijt,

perijt, qua sub Tito fuit, ut ex Dione superius annotauimus, adeo ut frustra quidam ex hoc Plinium maiorem Nouocomensem fore comprobant.

- 24 Cœlius Rodiginus lib. 14. cap. 5. antiq. lection. sic inquit. *Quam vanitatem in pluribus sequitur & Macrobius, quem sibi ciuem nunc vendicant Veronenses, uti Vitruuium quoque, ac Celsum, & Plinium.*
- 25 Gaspar Bugatus lib. 1. hist. vniuersalis sic latinè loquitur. *Hinc alij etiam non inferiores prodire (de antiquâ Mediolanensium Academiâ, seu Gymnasio loquitur) videlicet Statius, Cæcilius Mediolanensis, Nigidius, Vergilius Mantuanus, Albutius Nouariensis, Symmachus, Plinius Nouocomensis, Cornelius Tacitus, D. Augustinus, & Ausonius Poeta. Ecce quod dum Plinium Nouocomensem tantùm nominat, vel communi antiquorû errore ex duobus vnum efficit, vel quod est verius alterum tacitè suis Veronensibus dimittit.*
-

Inscriptio per errorem omissa, qua semicirculari forma exstat in atrio adium clariss. fratrum Gentilis, & Aloysij Comitum Turrianorum: reponenda inter alias tribu P O B. notatas supra fol. 128. & 129.

L. ANNIVS C. F. POB. SIBI ET
M. ANNIO C. F. FRATRI FIERI
TESTAMENTO IVSSIT PROBAVERE
DIOMEDES ET ANTHVS LIBERTI.

Errata typographica insigniora .

Pag. vers.	Errata	Correct.
13 penult.	cicumfrementes	circumfrementes
16 10	Hellanio	Hellanico
49	inſcriptio quæ incipit IOVI ſub primâ Ceretaniâ.	P. PERCEN. reponenda eſt
ibidem	HORICVS	NORICVS
51 13	incuria	iniuria
53 3	GRATIAM	GRATIANI
ibid. 14	Grauâ	Gauâ
57 11	mnium	omnium
64 24	epigramma Martialis de colum' â ſol. 65. poſt illud : Verona docti ſyllabas amat Vauſ.	â veſt'q transferendum eſt in
ibid. ult.	codicibus	codicibus
65 24	volebam de Pliniſ	volebam Pliniſ
67 17	in oſtij limine	oſtij limine
71 17	â lib de orthogr. i verb. Marcius	â lib. de orthogr. in verbo Marcius
ibid. 19	.. LERIÆ L. L.	.. LERIÆ LL. L.
74 14	CORNELIO	C. CORNELIO
75 14	C. Cæliſj	L. Cæliſj
76 9	L. Sylâ	L. Sylâ
78 2	N. maſo	N. maſo
91 2	.. NDVS..	NDV..
113 26	tertiam	terrâ
120 23	mutatur	mutatur
123 11	exametriſ	elegiſ
124	inſcriptio Hispanica, quæ incipit C. VALERIVS C. F. vltimo loco, & poſt omnes alias cû ſuo titulo ponenda eſt.	
126 22	ilius	illius
134 23	quidam	quidem
160 pen.	occulatus	oculatus

&

AO1 1475716

